

ॐ

स्थिर श्री

ॐ

मत्स्य-प्राक्-सुन्दर-मधुरं

सर्वे भवन्तु सुखिनः सर्वे सन्तु निरामयः  
सर्वे भद्राणि पश्यन्तु मा कश्चिद् दुःखं भागं भवेत् ॥

श्री भगवान् श्री किरपा मूँ ही श्रीमद्भगवद्-  
गीता रो ओ' भीमानन्दी राजस्थानी अनुवाद आखें  
संसार रं विदवानां अर गीता भगतां रं कर-कमळां  
में मूँपतां घणों-मोकळो हरस्य हुर्व । आप लोग  
इतने वीच-सुण धुधकारो घालण जिसो काम ब्रह्मा-  
णसो तो श्री भगवान् रा ही सगळा जतन मफळ  
मिणीजमी ।

वैदिक संस्कृत भाषा रो मोभण घेटी आपणी  
करोड़ा रो लाखीणी मायड़ भाषा मरवाणी  
राजस्थानी ! हिन्दी आदि अनेकूँ भाषावां रो भी  
मां हे जिण रो मयद भण्डार घणों लूँटो-मोटो हे-  
घणकरी भाषावां रं मयद भण्डार मूँ !

निसर्च भरोसो है-भारत रं संविधान रो  
आठवीं सूची में वैगी ही गिणत-मानता दीणी पढ़सी  
राजस्थानी नै । घावोनीं मायड़ रा लाडेसरी ! ऊँडी  
मूँडी मूँ अकासुर में ओम उचारा । ॐ तत्सत् ।

सूरजभीमपांडिया

सुगुणी प्रकाशन

विश्वाम्बिका भवन

आशापुरा नयाशहर बीकानेर

खेमचन्द छरणाणी (पाणू चौक)

पो.गंगाशहर (बीकानेर) 334401

# श्रीमद्भगवद्गीता

भीमानन्दी  
राजस्थानी  
अनुवाद



गीता पौडिया

© भीमपांडिया

प्रकाशक : सूरज भीमपाण्डिया

सुगुणी प्रकाशन

विश्वाम्बिका भवन, आशापुरा

नया शहर, बीकानेर 334 001

प्रथम संस्करण : 1984

मूल्य : 40.00

आवरण : क्लान्तिचन्द्र

मुद्रक : सांखला प्रिंटर्स, बीकानेर

SHRI MADBHAGWADGITA  
Bhimanandi Rajasthani Anuwad  
by BHIMPANDIA

Price Rs. : 40.00

## भीमपाँडिया : परिचय की परिधि में

श्री भीमपाँडिया गत तीन दशकों से काव्य-क्षेत्र में अलख जगाये हुए हैं। रचना धर्मिता उनके लिए सुविधा तथा अवसरवादिता नहीं अपितु स्वांस एवं रक्त प्रवाह की तरह स्वाभाविक एवं आवश्यक है। वे अपनी सृजनशीलता के प्रति पूर्णतया समर्पित रहे हैं।

श्री पाँडिया एक ऐसे कवि हैं जिनके जीवन एवं कविता के बीच हासिये नहीं खींचे जा सकते। संघर्ष उनका मुख्य स्वर है। कविता का भी और जीवन का भी। उनका जीवन जितने उतार-चढ़ावों, धूप-छाहों, असुविधाओं एवं विपत्तियों में से निकला, कविता भी उतने ही पड़ावों पर चढ़ी-उतरी। संघर्ष का यह स्वर उनका जीवन साथी रहा है। घटनाओं के बदलाव के साथ उनकी आस्थाएं नहीं बदलती और न ही राजनीति के मोड़ कविता के मोड़ ही बनते हैं। क्रांति का स्वर उनकी धमनियों के रक्त प्रवाह की तरह स्वाभाविक एवं हृदय के स्पर्दन की तरह स्पष्ट है। वे संघर्षों के माध्यम से सत्य के अन्वेषी रहे हैं। सहानुभूतियों के सहारे जीना उन्हें अभीष्ट नहीं और यही कारण है कि समाज के कथित प्रभावशाली क्षेत्रों की कृपा-कोरों या भृकुटी तनावों की बिना परवाह किये वे निरन्तर संघर्षशील बने रहे। उनकी कविता उनके संघर्षों की उपज भी है तो साक्षी और सहयात्री भी। जहाँ-जहाँ अन्याय-उत्पीड़न है, पाँडियाजी की कविता वहीं-वहीं चोट करती है—निर्णायक चोट। वह अपनी दिशा भी स्वयं चुनती है। निश्चित दायरे, बंधे-बंधाये राजमार्ग और सरकारी-मुद्राएं उनके लिए अपरिचित रहे हैं। इस दृष्टि से देखें तो पाँडियाजी युगकवि हैं—उनका स्वर ही जैसे युग का स्वर बन गया है। बीकानेर के इन तीस वर्षों के साहित्य को पाँडिया-युगीन साहित्य की संज्ञा दी जा सकती है।

श्री भीमपाँडिया का जन्म १६ जुलाई १९२६ आषाढ़ शुक्ला त्रयोदशी वि. सं. १९८६ को बीकानेर में हुआ। १९४८ में वे कविता की ओर उन्मुख हुए और लगभग उन्हीं दिनों अध्यापक बने। कविता और अध्यापन आज भी चालू है—संभवतः ये दोनों उनके अभीष्ट हैं। उनकी कविताएँ प्रभावशाली, स्वर ओजस्वी

एवं गति इतनी मागिक रही कि १९५३ से १९६० तक उनकी कविता "अं दिवले री जोत अवे तूं अरे मरीयो जगती रहजे" आठवीं कक्षा के पाठ्यक्रम में सम्मिलित की गई। उनकी रचनाएँ राजस्थान एवं भारत के प्रायः सभी पत्रों में प्रकाशित हुई हैं जिनमें आत्मायन, मधुमती, जागती जोत; राजस्थान भारती, नवजीवन संदेश, पाक्षिक चेतना, ललकार, लोकजीवन, जनता की आवाज, नया-संसार, राजस्थानी वीर, माहेश्वरी सेवक, अग्रदूत, क्रांतिदूत, प्रजा सेवक, गण-राज्य, वर्तमान, लोकमत, राजस्थान विकास, जय चित्तीड़, शिकायत, सीमा-संदेश, पार्थसारथी, नवयुग आदि, मुख्य पत्र हैं। इनमें वे पत्र भी सम्मिलित हैं जो पूना-हिंगनघाट, दिल्ली, कलकत्ता, जयपुर, जोधपुर उदयपुर आदि से प्रकाशित होते रहे हैं। आकाशवाणी से भी प्रसारित होते रहे हैं।

स्वातन्त्र्योत्तर हिन्दी कविता और विशेषतः हिन्दी गीत जितने आयामों में से निकला, पाँटियाजी ने उन सबको स्पष्टित ही नहीं आत्मसात भी किया। उनके हिन्दी राजस्थानी गीतों के इतने अधिक विषय-बिन्दु हैं कि कवि-व्यक्तित्व को निश्चित दायरों में बंधि रचना कठिन हो जाता है। प्रकृति, प्रणय, शृंगार, विधोम, क्रांति, चिस्फोट, विद्रोह, राजनीतिक चेतना, सामाजिक उत्थान, पारिवारिक परिवेश, वचन, विकास, आध्यात्मिक चिंतन आदि सभी विषय-बिन्दुओं पर उन्होंने अपनी कलम उठाई है।

पाँटियाजी के अब तक प्रकाशित तीन ग्रन्थ उनकी तीन भंगिमाएँ प्रकट करते हैं। पुरुष से क्रूर नंगुल में पिसती नारी की पीड़ा के विरुद्ध जन कवि ने संघर्ष-घोषणा की और उस टकराहट में हित-अनहित को बिना देखे जब वह जूझने लगा तो सन् १९५८ में "हाथ सूँ कतर लीनो बोरलो" कविता संग्रह प्रकाशित हुआ। राजनीति के क्रूर कुकर्मियों ने जब राजस्थान में प्रजातंत्र का गला घोटना चाहा तथा मानव-रक्त के मूल्य पर सिंहासन-प्राप्ति की कुचेष्टाएँ की तो कवि ने १९६७ में "लोकतन्त्र रा पाळी रोया" कविता संग्रह से अद्भुत जन-चेतना में सहारा दिया। भारत ने जब आत्म विश्वास से एक युद्ध जीता और शास्त्रीजी के नेतृत्व में चहुँमुखी प्रगति की तो १९६८ में "गरीब करोड़पति" कविता-संग्रह सामने आया। यों उनकी कविताएँ कई संकलनों में हैं जिनमें अलगोजा, बागी रा फूल, आज रा कवि एवं विजय हमारी है" सम्मिलित है।

कवि ने जीवन की व्यापकता एवं अनुभवों की विविधता को अपनी कविताओं में मूर्त्त रूप दिया है। उनका प्रकृति प्रेम इतना स्पष्ट एवं उससे जुड़ी पारिवारिक मानसिकता इतनी प्रभावपूर्ण है कि रचनाएँ स्वयं ही एक परिवेश

वन जाती है। "राजस्थानी नारी ग्रीष्म के ताप एवं वियोग की पीड़ा से जर्जरित होती है तो गीत उछलता है "मेघा आव रे म्हाँरोड़ै गाँव रे" जब बादल उमड़-धुमड़ कर वर्षा के लिए आजाते हैं तो गीत बरसता है "आ बरसाळी बादली" और जब ऐसी सुहानी ऋतु में एक पत्नी अपने पति को गाँव लौटने का आग्रह करती है तो गीत जन्मता है "म्हाँरी नणदल वाईसा रा वीर" चाकरी छोड़, हजुरी छोड़ अब ये घराँ पधारो राज। खेत में दियो हलकारो राज। आपणी घरती में बरसी बिरखा मोकळी। फसलों के लहलहाने एवं पति के आगमन का सुख ये दो गीत भी भोगते हैं "आव रमण री रात रमाँ धण रेत में" और जद ठंडी मधरी पून चलै हूँ हिवड़ै में हुळसाळै "और अंततः जब पति को कमाई के लिए जाना पड़ता है और तीज-त्यौहारों, मौकों-टोकों पर नहीं आ पाता है तो वियोगिनी के आँसुओं की तरह गीत प्रवाहित होता है" आस मिटै पलकाँ में गळ-गळ हिवड़ो आज पसीजै राज"। गीत मात्र केवल दाम्पत्य जीवन तक ही सीमित नहीं रहते बरन् पुत्री की विदाई की पीड़ा भी उसमें प्रकट होती है। विदाई के क्षणों में जैसे गीत की आँखें भी नम हो जाती हैं "चिड़कली उड़जा पाँख पसार"।

कवि का दूसरा पक्ष संघर्ष, विद्रोह एवं राजनीतिक चेतना के साथ विकास परिक्रमा के स्वागत का है। प्रजातन्त्र के रथ की अगवानी एवं विकास की आशा इस गीत में उदित होती है "उजासो दीसै आभल कोर" तो भावी पीढ़ी के सुख की परिकल्पना "जीवता रैवै रे थारा भूरिया लटूरिया" में उमड़ती है। संघर्ष के स्वर "लीडरिया" एवं "अफसरिया" कविताओं में हैं तो युद्ध-रत सैनिकों का आह्वान "मोरचो तकड़ो राखीजो" एवं "सीव रो रुखाळो म्हाँरो सायवो" में दृष्टिगत होता है। मानवीय पीड़ा "ज्यूँ रुळै ठीकरी मिनख रुळै" "कण म्हारो नांव धरचो सिएगारी" "पाँव में पगी नहीं, अंग में भगी नहीं" "हाय मिनख रो ओ-समाज" आदि गीतों में हैं।

इस परिप्रेक्ष्य में देखा जाये तो नैराध्य, अंधकार, भटकाव आदि जीवन के स्वर हो सकते हैं पर मुख्य स्वर नहीं। जीवन नियन्ता शक्ति कोई और ही है और वह आशा, विश्वास, सहनशीलता एवं संघर्ष के माध्यम से जीवन का ताना-बाना बुनती है। कवि का यह आध्यात्मिक पक्ष है पर भक्ति, ज्ञान एवं कर्म के इस सम्मिश्रण में भी वह माडम्बरों को नहीं पचा सकता। आध्यात्मिक पड़ाव की कुछ रचनाओं में ये सभी स्वर सामने आते हैं "लेख लिख्यो दाणै-पाणी रो चुगणो पड़सी रे/बीज नै उगणो पड़सी रे" "मन में मूरत जमी नहीं तो हिवड़ो है

दगधान रे" "जी म्हारा जिवड़ा जी" आदि रचनाएँ भक्ति के साथ आडंबरों पर प्रहार नियति की शक्ति एवं मानवीय आशा के संचरण की पीठिकाएँ हैं। बालगीत, लोरियाँ, प्रयाणगीत आदि अनेक क्षेत्र इन पीठिकाओं को और अधिक बढ़ता प्रदान करते हैं।

कविता और जीवन के बीच की दूरी देखना हो तो भीमपांडिया को नहीं किसी और कवि को ढूँढ़ना होगा। "हाथ सूँ कतर लीनो बोरली" के रचनाकाल में कवि को कथित सामाजिक शक्तियों से टकराव में आना पड़ा व कई विपत्तियों का घरण करना पड़ा पर वह न झुका, न रुका और न ही टूटा। "लोकतंत्र रा पाळी रोया" के रचनाकाल में राजस्थान के क्रूर कुकर्मी शासन के अंत होने तक बीकानेर में प्रवेश नहीं करने, जूते धारण नहीं करने, व केवल एक वस्त्र में रहने की प्रताप-प्रतिज्ञाएँ उसने की और उन्हें अन्त तक निभाया। बेटी के मेहदी रचे हाथों की जीत हुई और एक कुकर्मी-शासन के अन्त की घोषणा के साथ कवि ने कन्यादान के लिए बीकानेर में प्रवेश किया। आपात-काल के १६ महीनों के अंधकारमय युग में जब अभिव्यक्ति का संकट था, कवि ने खुली, बेबाक व प्रत्यक्ष रचनाओं में भूतपूर्व शासन का विरोध किया व यातनाएँ सहीँ। नागार्जुन व रेशु को जेल जाना पड़ा, भीमपांडिया जेल के फाटक तक पहुँचते-पहुँचते रह गये। "पाछी बणजा ऊंदरी" "इण्डे नै महादेव बतावै—जोरामरद पूजावै रे" आदि रचनाएँ इसी काल की हैं।

कवि की इस मृज्जशीलता को भारत में ही नहीं एशिया में मान्यता मिली है। Reference Asia (1975) एवं Leaders of India (Who's Who) आदि ग्रंथों में कवि के व्यक्तित्व एवं कृतित्व के बारे में संदर्भ दिये गये हैं। कवि होने के साथ-साथ वे पत्रकार, सम्पादक, समीक्षक एवं राजनेता भी रहे हैं। "जय जवान जय किसान" के सम्पादक इस कवि ने नौकरी छोड़कर चुनाव लड़ा तथा राजस्थान के सर्वमान्य समाजवादी नेता स्व० लोकनायक मुरलीधर व्यास के साथ राजनीतिक सहधर्मिता का निर्वाह किया। स्वर्गीय व्यासजी के साथ वे पूना, गोआ, बम्बई, कलकत्ता एवम् राजस्थान के प्रायः सभी नगरों में गये व समाजवाद का प्रचार-प्रसार किया। उनकी "भाला देवै भूँपड़ी" की रचना जन-जन की भावनाओं का केन्द्र बन गयी थी।

मेघदूत एवं गीता का अनुवाद उनके जीवनगत अनुभवों के निचोड़ की तरह सामने आता है। राजस्थान के निवासी एवं प्रवासी असंख्य नर-नारियों की

आध्यात्मिक प्यास इस अनुवाद से तृप्त हो सकेगी । अधिसंख्यक निरक्षर नर-नारी गीता की ज्ञान गंगा में नहाने का आनन्द संस्कृत के माध्यम से नहीं उठा सकते । यदि टीकाओं में भटके तो उन्हें पद्य की गेयता एवं गद्यात्मकता नहीं मिल सकती और गीता ज्ञान रूखे उपदेशों की तरह केवल नीरस रूप में ही मिल पाता है । आवश्यकता इस बात की है कि गीता का यह गुह्य-ज्ञान अपनी बोलचाल की भाषा में, उसी मिठास और उसी सुपरिचित शैली में जन-जन तक पहुंचाया जाये । हर भाषा के अपने तेवर होते हैं और हर भाषा की अपनी ही लोच, अपना ही लावण्य और अपना ही स्वाद होता है । ये लोच, लावण्य और स्वाद भी बने । हैं तथा गीता की शब्द-व्यंजना के साथ न्याय भी हो सके—इन दो कठिनाइयों को पार करने का साहसिक प्रयास भीमर्पाडिया ने किया है । उनकी यह गीता राजस्थान के निवासी-प्रवासी भाई-बहनों के लिये लोकगीता या जन-गीता बन जायेगी—ऐसी आशा तो की ही जानी चाहिये ।

भीमानन्दी भगवद्गीता के कुछ अंश केवल वानगी के रूप में प्रस्तुत कर रहा हूँ । अर्जुन का संताप और भगवान् कृष्ण का दिशा निर्देश इन श्लोकों में प्रकट होता है :—

संजय बतायो—

रण भोमी में सोक गळगळो अरजुन इणतर वचन उचार  
धनुस—बाण नैं नाँख धनंजै रथ में जाय वैसियो लार ॥ १-४६ ॥

आकळ—बाकळ सोकाकुळ लख अरजुन आँख भरायो ज्यूँ  
मधुसूदन भगवान दया कर अरजुन नैं समझायो यूँ ॥ २-१ ॥

भगवान् बखाण्यो—

अधरम जोग कुजोग अरजुना वेमीके क्यूँ मोह करै  
सरग टाळ अपजस करवावै इसी आँख क्यूँ आज झरै ॥ २-२ ॥

थारै जोग कायरी कोनीं मत वण तूँ कायर लाचार  
हियो दूवळो मत कर अरजुन जुद्ध करणनैं हुयजा त्यार ॥ २-३ ॥

सोक करै पिंडत ज्यूँ बोलै जका सोक करणें नहि जोग  
मरचाँ-जियाँ रो सोक न लावै पण मनडै में पिंडत लोग ॥ २-११ ॥

बोदा वसतर त्याग पुरुष ज्यूँ नुँआ-निकोरा वसतर धारै  
त्यूँ बोदो तन तजै आतमा नुँई निकोरी काया धारै ॥ २-२२ ॥



अमरी इसी आत्मा इणनै काटण सकै न सरातर पाय  
 गाल न बाल सकै जल-अगनी सकै न इणनै पून सुखाय ॥ २-२३ ॥  
 अणछेदी-अणवली आत्मा अणभीजी अणसोख वराण  
 अकरूप है सदा सनातन सरवाळै व्यापक थिर जाण ॥ २-२४ ॥  
 जद-जद धरम घटे धरती पर अधरम बढे धरम घेराय  
 प्रगट हूँ पारथ हूँ ही तो उणीं काल निज रूप रचाय ॥ ४-७ ॥  
 साधू पुरुष उवारण जग में पापीड़ा रो करण विनास  
 धरम धजा प्रापण नै प्रगटूँ जुग-जुग में हूँ जुग री आस ॥ ४-८ ॥  
 अरजुन सकल भूत उतपत रो बीज जको हूँ ही हूँ जाण  
 म्हा विन भूत चराचर कोनीं कोई भी तो समझ सुजाण ॥ १०-३९ ॥  
 जठै कृष्ण योगेसर है अर जठै धनुरधर अरजुन मान  
 बठै विजयश्री और विभूती अचल नीति म्हारो मत जाण ॥ १८-७८ ॥

भीमानन्दी भगवद्गीता निश्चित रूप से जन-जन तक पहुँचेगी-यह मेरी दृढ़  
 धारणा है। इस गीता के नामकरण के पीछे भी एक विशेष पवित्रता और पूर्ण  
 समर्पण की आस्थावान भावना रही है। बैलूर मठ कलकत्ता के ध्यान कक्ष  
 में स्वामी रामकृष्ण परमहंस और विवेकानन्द की प्रतिमाओं के सामने कवि ने  
 अपने आपको भीमानन्द धोपित किया तथा भीमानन्दी भगवद्गीता का अन्तिम  
 स्पर्श वहीं पर देने की बात कही। कवि के शब्दों और क्रियाओं में आज तक  
 अन्तर नहीं रहा है और उनकी यह घोषणा भी सफल हुई।

□ भवानी शंकर व्यास 'विनोद'  
 पवनपुरी, वीकानेर

## मैं तो कीं न लिख्यो मधुसूदन !

अेक मंतर है “हरेक काम हरेक आदमी-लुगाई अर टावर रै तावै खावै कोयनी” ओ’ मंतर जाणतां थकां अेक रात भगवान श्री कृष्ण योगेसर अर वेद-व्यासजी, तथा धृतरासटर-संजय रो नाँव सुमर-गीता रै राजस्थानी अनुवाद नै तावै अणायण वासतै, गीता प्रेम अर गीता प्रेमियाँ वासतै, कलम चाली तो चाल पड़ी-मधुसूदन भगवान भरोसै लिख्यो सो ठीक लिख्यो, आछो-फूठरो लिख्यो, घणों ओपतो ओछखाण सारू घणों कल्याण करणियो लिख्यो पण जे थे जाणसो बतासो, तां भी तो-हूँ तो आही जाणसूँ-कैसूँ “मैं तो कीं न लिख्यो मधुसूदन”-

“मैं तो कीं न लिख्यो मधुसूदन

म्हारी कलम विराज्या आप

दियो सो गीता वचन निभावो

धरम डूग्यो वधग्यो पाप”

म्हारी कलम सँ लिखीज्यो सो ठीक, पण आप आपरी समझ सँ समझसो सो ठीक । सब ठीक है । जो लिख्यो घणकरो श्री कृष्ण जलमण री ठोड़ जेळां में अर मीराँवाई रै चारभुजा सामें मिदरा में बैठ भगवती सारदा री खैरमँग सँ लिख्यो है । गीता है अमराँ रा आखर !

भारत रै संविधान में मानीजी घणकरी भासावाँ सँ साँवठी सैठी अर घणों आगै ओपती है आपणीं मायड़ भासा “राजस्थानी” । आपणीं घणों मोटो करतव है कि आपाँ आपणीं मायड़ भासा राजस्थानी नै घणों ओपतो-रूड़ो रूप अर नखचख सोळै-सिएगार समरपाँ । आपणीं पूरो-पूरो फरज निभावतां थकां म्हनै पक्को भरोसो है कि आज नहीं तो काल अर काल नहीं तो परसूँ-तरसूँ आपाँ करोड़ां नर-नार री मायड़ भासा ‘राजस्थानी’ नै भारत रै संविधान में बरावरी सँ करोड़ां मोल री भारतीय भासा सिकारणी पड़सी । फळसी-फूलसी भारत में राजस्थान अर राजस्थानी भासा ।

गांधी-नेहरू युगांतर री प्रधान मंत्री इन्दिरा गांधी जे कदास अणसमझी-

अणुदेवी अर असमानता र अंधार में गपतागोली राय'र भारत र संविधान में न्याय बराबरी री करोड़ा लोगी री मातरभासा "राजस्थानी" नै तुरता-फुरती सूं मानता देवण-दिरावण में चुक करसी तो संविधान पेट असमानता अर अन्याय री सगळो भूँड-काळूँडी री ठीकरो-काळो टीको बीरै मायै ! पर जदकद वेगोवेग भारत र संविधान में घणीमान सिकारण जोगी है आपणी मायहु भासा राजस्थानी ! पक्को भरोसो है, निसर्न ही भारत र संविधान में सिकारीजसी आपणी मायहु भासा राजस्थानी । आसा है इन्दिरा गांधी न्याय-समानता र मायै करोड़ा लोगी री मातरभासा राजस्थानी नै तुरता-फुरती सूं भारत र संविधान में बराबरी री मानता दिराग अ्रेक मोटै जस री भागण धणसी । भूँड-काळूँडी री ठीकरो-काळो टीको कोनी कढावैली । पक्को भरोसो है पर भरोसै री भैस पाडो भी लावै जद जाणीजसी । सांति बाणसी था-म्हां सगळी रै हियै ।

श्रीमद्भगवद्गीता र राजस्थानी अनुवाद करण सारू मूळ सुमरण अर प्रेरणा री उमाव तो मन्हें म्हारा साध-संगतिया नानाजी श्री मथुरादासजी जोसी, दादी माँ सिरदारी, पिता श्री रामरतजी पाँडिया, माँ श्रीमती सुगुणीदेवी श्रीर जोड़ावत सूरज पाँडिया सूं मिल्यो जिए सूं गीता रा गीत गूँजता-गूँजता म्हारै हिये रै मायै ऊँठा पँठया । म्हारा बटेरा ऋषि-मुनि वसिष्ठजी-परासरजी-वेद व्यासजी, सुखदेवजी अर स्यामपाँडियाजी सूं भी घणी प्रेरणा मिली । मानीता संत महातमा कृपाधीजी, स्वामी रामसुखदासजी, श्री विवेक नाथजी, श्री शंकरनाथजी महाराज, श्री रामगोपालजी मोहता, श्री भ्रमणसा जोसी, श्री कोटी महाराज गोस्वामी, श्री देवा महाराज, श्री मधारामजी वैद्य, श्री सोमेश्वरानन्दजी भारती, जंनाचाय श्री नगराजजी, श्री नाना लालजी, श्री पूज्य जिनचन्द्र सूरीजी, श्री लब्धि विजयजी, मुनि श्री कमल विजयजी वामणवाड़जी सूं भी घणी मोकळी प्रेरणा मिली :

गीता र राजस्थानी अनुवाद करण में सुमरण अर प्रेरणा रै सुर में घणों उमाव वधावण में घणों नामी नाँव राजस्थान रा लोकनायक, जननेता, विधायक म्हारा घणा नैड़ा साथी सुरगवासी श्री मुरलीधरजी व्यास री है । खाखीवावा म्हारै बीकाणें रा महाराजा गंगासिंहजी अर महाराजा सादूळसिंहजी सूं भी मन्हें राजस्थानी में गीता लिखण री प्रेरणा मिली जिणनै हूं कियाँ बिसरा सकूं हूं ।

संस्कृत-हिन्दी-राजस्थानी रा घणा प्यारा घण मानीता लिखारा, म्हारा साहित रा अग्रज सेवादार सुरगीय श्री सूरजकरणी पारीक, श्री नरोत्तमदासजी स्वामी, डा० रामसिंहजी, कवि प्रो० चन्द्रदेवजी शर्मा, श्री शम्भूदयालजी सक्सेना,

श्री मुरलीधरजी व्यास 'राजस्थानी', श्री विद्याधरजी शास्त्री, श्रीचंदरायजी माथुर,  
 श्री जगदीश प्रसादजी दीपक, श्री गणेशी लालजी व्यास 'उस्ताद' श्री सुमनेशजीसी  
 श्री भतमालजी जोसी, श्री अग्रचन्दजी नाहटा, एल. पी. टैसीटोरी, मनुजदेवावत,  
 मस्तान, श्री रामनाथ व्यास परिकर, रविन्द्रनाथ टैगोर और मीराँ आदि सँ भी  
 मन्हें घणों उमाव मिल्यो कलम चलावण में ! बाँ सगळाँ रा नाँव भुलायाँ कद सरै !

ऊपरली सगळी बातें साँतरी हूँवताँ थकाँ भी आपणें वीकानेर रा कळकतें  
 परवासी-निवासी भाई-बंधु सर्व श्री मनूलाल आत्मज श्री मगनलालजी पारख  
 श्री चान्दमल आत्मज श्री भीकमचन्दजी अभाणी, श्री बालचन्द आत्मज  
 श्री सोहनलालजी साँड, श्री रामबाबू अत्मज श्री छगनलालजी भट्ट, श्री  
 श्री नारायणदास आत्मज श्री आसारामजी मूँघड़ा, श्री माणकचन्द आत्मज  
 श्रीसौभाग्यमलजी रामपुरिया, श्री प्रेमरतन आत्मज श्री अमरचन्दजी विस्सा,  
 तथा वीकानेर बसंता घण मानीता डा० करणी सिंह जी ऑफ वीकानेर  
 (महाराजा गंगासिंह जी ट्रस्ट व करणीसिंह फाउण्डेशन ट्रस्ट) भू० पू० विधायक  
 भाई गोपाल जोसी (छोटू-मोटूजोसी), श्री तुलसीरामजी आचार्य आत्मज  
 श्री आसूरामजी आचार्य, डा० प्रेमरतन आचार्य आत्मज श्री नन्दलालजी आचार्य  
 श्री अक्षय चन्द्रजी शर्मा, भाई श्री द्वारका प्रसाद जोसी आत्मज श्री धनसुखदासजी  
 जोसी अर भाई भँवर लाल कोठारी आत्मज श्री मेघराज जी कोठारी री उरळै  
 हियै सँ करी मदद विनाँ श्रीमद्भगवद्गीता रो भीमानन्दी राजस्थानी अनुवाद  
 आपरै हाथाँ में इण रूप में समरपण कर पुगावणो म्हारै वृत्त में ही कोनीं हो ।  
 घणें मान सँ धन्यवाद रा पात्र है सगळा मानीता भाई-बंधु अर भीरी-भायला  
 जिकाँ म्हारी साधना नै साधण जोग सफल बणावण में आपरै समरथ सारु  
 घणी मोकळी मदद करी । इण रै अळावा म्हारा धाकड़-धाड़फाड़ संगळिया-साथी,  
 भाई-भायला, सगा-परसंगी, साहित्यकाराँ-कलमकाराँ, चित्रकाराँ-पत्रकाराँ अर  
 समाज रा साचा सेवादाराँ सगळाँ सँ ही घणों लाड़-प्यार अर उमावो मिलतो रैयो  
 जिकाँ सँ ही गीता रो ओ' अनुवाद-फळ आपरै श्री हाथाँ में है । आप सगळाँ  
 लोगाँ नै ओ' फळ किसोक लाग्यो-चाख'र लिख भेज्याँ सँ होज जाणीजसी !

आ घणें हरख री बात है कि साँखला प्रिंटर्स, वीकानेर रा व्यवस्थापक श्री दीपचन्द  
 साँखला गीता नै आछी सँ आछी छापण में घणी-मोकळी लगन लगाई ।  
 धन्यवाद अर बधाई रा हकदार है ।

**चाखो ओक अस्तरफल चाखो**

गीता जिसी में जाणी-समभी है गोखताँ-गोखताँ, घणेंमान सँ समरपित

कर बैठ है घाँ सगळी नै पोसती-पोसती ! श्रीमद्भगवद्गीता रो भीमानन्दी राजस्थानी अनुवाद प्रणीत सून आदरयोग श्री विद्याधर जी धारवी रँ श्री चरणों में समर्पित भेंट कियो है, पण साणी सगळा सागँ विश्व रा लोग, जुगाँ-जुगाँ वाई जीवता-जागता परमात्मा रो लाभ लेना ना ओ' मन में भरोसी है । आपाँ सगळा घर आपाणी आनै आधनवाळी पीढी रँ हाथों में गीता रो भीमानन्दी राजस्थानी अनुवाद भेंट है । 'अँ गीता रा गीत बढारे' गाँवता रह्याँ तो म्हारी नेयाणी सफल हुयसी । गीता चम्पतकारी रँसी ।

गीता में सगळी सून अमोल्य नयाग "वादी में हूँ सारवाद हूँ" रो सांगलिक धुन ही राजनीति अर समाज रचना में धुनोकरणी रो घुरी है । जकी में पढी-गोनी अर जाणी-समझी है । या ही सांगलिक धुन "वादे-वादे जायते तत्त्व बोध" में है । सारवाद रो सुर ही ओकेसर, में समरपण भाव है—“आव रे अरजुन ! ओक म्हारी ही सगण में आव” भगवान रो सैर-मैर पुकार-सुणणी अर अकमल चालणी में ही परमात्मा अर मोक्ष है । सारवाद सून हीज ओक सांगोपांग सुखी विश्वराज-समाज रो रचना हुय सकै है ! आगँ भगवान जाणी-कूँकर के हुयसी ?

गीत देवकीनन्दन गायो  
 ओक सास्त्र ही गीता गान  
 सुमरण अर आराधण जोगो  
 देव ओक श्री कृष्ण सुजान  
 मंत्र ओक श्री कृष्ण नाँव ही  
 नेवा करम परम भगवान

व्रीकानेर

दिनांक १४ नवंबर १९८४

नेहरू जन्म दिन-वाल दिवस

ग्रंथ विमोचन परव

भीमपाँडिया

विश्वाम्बिका भवन

आशापुरा नयाशहर, व्रीकानेर

२ अक्टूबर, १९८४

# श्रीमद्भगवद्गीता

भीमानन्दी राजस्थानी अनुवाद

## बिनाती

थे हो मात-पिता दोउँ म्हाँरा  
थे ही भाई-सखा सुजान  
थे ही हो विद्या-घन दौलत  
थे ही हो सब कुछ भगवान

## ध्यान

परम साँत मुख मण्डळ सोया सेषनाग सैया सिणगार ।  
कमळनाभ प्रभु देव-देवाँरा सकळ जगत जीवण आधार ॥  
आसमान ज्युं सगळै व्यापत मेघवरण सुभ अंग सुजान ।  
कमळनेण श्रीवर लिक्ष्मी रा मिलै जका जोग्यां घण ध्यान ॥  
सकळ लोक रा पाळक स्वामी जलम-मरण भय जका मिटाय ।  
लुळ-लुळ नमस्कार उण प्रभुवर श्री विष्णू नें सीस निवाय ॥

## मँगळाचरण

विजै देव गजवदन विनायक चरण कमळ में ध्यान घराय ।  
सूरज मेटै जियाँ अँधेरो कर सुमरण सब विघन मिटाय ॥  
सुमुख अेकदंतो सुभ कपिळो गजकरणो लम्बोदर जाण ।  
नित विकटो नित विघन नासणों ध्याय विनायक सदा सुजाण ॥

धूमकेतु श्री गणाध्यक्ष अर भालचन्द्र गजवदन सुजाण ।  
 सुणै-पढ़ै सुमरण नित ध्यावै बारह नाँव मांगलिक जाण ॥  
 विद्यारंभ विवाह सुवेळा घर परवेश-निकास सुजाण ।  
 संकट अर संग्राम धिरागाँ पढ़ै विघन नहिं निराचै जाण ॥  
 धारण वदन ऊजळा वसंतर चाँदवरण परराण चित जाण ।  
 ध्याय चतुरभुज रूप विष्णुँ रो विघन विनासण सकळ सुजाण ॥  
 मन इच्छा पूरण सिध साधण देव-देव सब पूजै ध्याय ।  
 सगळीं रा सब विघन विनासण नित गणपत नै सीस नवाय ॥  
 नमूं व्यास ! नाती वसिष्ठ रो पोतो सक्ति तपोनिध जाण ।  
 रिसी परासर जी रो बेटो मुनि सुखदे रो पिता सुजाण ॥  
 व्यास विष्णुँ रै रूप मनीजै विष्णुँ व्यास रै रूप सुजाण ।  
 नमूं ब्रह्मनिध व्यास देव नै निव वसिष्ठ वंसज प्रभु जाण ॥  
 विनां च्यार मुखवाळा ब्रह्मा दो हाथाँळा विष्णुँ जाण ।  
 विनां तीसरै नेतरवाळा महादेव साक्षात सुजाण ॥

## आत्म हेलो

हूँ नाती उण आदवंस रो प्रभु किरपा पर घणों गुमान ।  
 स्यामपाँडियै री घरती पर भीमपाँडियो भगत सुजाण ॥  
 जलम जितै जगती पर धारूँ जगतपती री जोत पसार ।  
 जननी जलम भोम रो कण-कण सदा उजाळूँ वणूँ न भार ॥  
 अरज करूँ सुगुणी रो जायो राखीजै नित कलम सुवाव ।  
 सुभ पारासर वंस उजाळूँ नित निरमळियो करम सुभाव ॥  
 जको ब्रह्म जाणें सो ब्राह्मण सबनै दीजै पुण्य फळाव ।  
 आखा भूत प्राणियाँ सुख दूँ ओ' गीता रो ज्ञान सुणाय ॥  
 सबनै निरमळ हरी भजन दूँ सगळा नै दूँ प्रभु रो प्यार ।  
 सगळीं नै जीवण जस जोती सुभ गुणियाँ मोती सिणगार ॥  
 मुगती रो फळ बीज फळतो घरती रो करदूँ सिणगार ।  
 मोटी महर हुवै प्रभु री तो तन मन कदै न आवै हार ॥

भींव भगत नैं सतपथ दीजो फूल-फळै सगळो परिवार ।  
 प्रभु थाँरो गुण गाऊँ जगत में मिनख जमारै बारम्बार ॥  
 भाई-भायेलाँ भेळप दीजो नेह भरचो सगळो संसार ।  
 सगळै माण-समाण सवायो जलम-जलम रो जस आधार ॥

## माँ

कुळदेवी म्हाँरी माँ जगदंवा आ म्हाँरै सागै आ ।  
 दुसमणियाँ सूँ करी रुखाळी संकट सभी टळा ॥  
 पूजा और पुजापो ओ ही धूपूँ ध्यान घरा ।  
 छप्पन भोग दाळ-धी-दळियो रुच-रुच भोग लगा ॥  
 छान-झूँपड़ा-घर-आसरिया राम कुटैया छा ।  
 मुळकतड़ा टावर आँगणियै अन घन सभी पुरा ॥  
 सरब ओपमाँ लायक भाषा वाणी मधुर गुंजा ।  
 सातूँ सुर में गाऊँ सुरीलो इमरत रस वरसा ॥  
 दिव्य दीठ दै दिव्य तेज दै हिवडै जोत जगा ।  
 आखो विस्व अेक घर करदूँ घर-घर मंगळ गा ॥  
 कण-कण में सुख सोरम भरदै मारग सुगम वणा ।  
 पग-पग विजै दान दै जग में लाल घजा फुरका ॥

• • •



# श्रीमद्भगवद्गीता

[ श्रीमानन्दी राजस्थानी अनुवाद ]

श्री गीता रा गीत श्रठारै  
ध्याय विपै री विगत बखानूँ

## १. अरजुन विपाद योग

कोन पाँटवाँ री दोनूँ सेनावाँ रा परधान-परधान वीर  
अर वारै संगी री धुन री विगत तथा सजन-संबंधी  
बध रै पाप सँ गंवरीज्योई अरजुन द्वारा विपाद करण  
री बखानूँ करणों ।

१७-२१

## २. सांख्य योग

अरजुन नै जुद्ध सारू जोस दिरावर्ता-दिरावर्ता भगवान  
श्रीकृष्ण द्वारा सांख्य योग, करम योग अर  
स्थितिप्रज्ञ री खुलासा बखानूँ करणों ।

२३-२६

## ३. करम योग

श्री भगवान द्वारा ज्ञान योग अर करम योग रै सगळा  
साधन मुजब करतव-करम करण री जरूरत बतावणी  
अर आप-आपरा घरम पाळण री महमा बखानणी तथा  
काम-विरोध रै उपावाँ री बखानूँ करणों ।

३१-३४

## ४. ज्ञान करम सन्यास योग

सगुण भगवान रै परभाव अर निसकाम करम योग री  
बखानूँ करत-करत अनेकूँ होमायताँ अर ज्ञान री  
महमा री बखानूँ करणों ।

३५-३८

## ५. करम सन्यास योग

सांख्य योग, निसकाम करम योग, ज्ञान योग अर  
भगती भाव सँ ध्यान योग री बखानूँ करणों ।

३९-४१

## ६. आत्म संयम योग

निसकाम करम योग री बखानूँ करत-करत आत्मा

री मुगती सारू उमाव दिरावणों तथा मन नै कावू कर  
ध्यान योग करणै री गति तथा योग भ्रष्ट री गति रो  
वखाण करणों ।

४३-४७

### ७. ज्ञान-विज्ञान योग

ज्ञान-विज्ञान अर श्री भगवान री व्यापकी रो वखाण  
तथा दूजा देवाँ री उपासणा रो फल बर्तावताँ-बर्तावताँ  
श्री भगवान नै परभाव-पूरण नहीं जाणतड़ाँ री निन्दा  
अर परभाव-पूरण जाणतड़ाँ री महमा रो वखाण  
करणों ।

४६-५१

### ८. अक्षर ब्रह्म योग

ब्रह्म, अध्यात्म अर करमाँ रै बारै में अरजुन रा  
करिया सात सवाल अर श्री भगवान रा दियोड़ा बाँरा  
उत्तर, भगती योग तथा सुकल अर कृष्ण मारगाँ रो  
वखाण करणों ।

५३-५५

### ९. राज विद्या, राज गुह्य योग

ज्ञान-विज्ञान अर संसार री उत्पत्ती रो वखाण, आसुरी  
अर देवीसम्पदावाळाँ रो वखाण तथा परभाव पूरण  
श्री भगवान रै सरूप रो वखाण तथा सकाम-निसकाम  
उपासना अर भगवद् भगती री महमा रो वखाण  
करणों ।

५७-५९

### १०. विभूति योग

श्री भगवान री विभूति अर योग सगती तथा परभाव  
सेती भगती योग रो वखाण, अरजुन रै पूछणै पर  
श्री भगवान द्वारा आपरी विभूत्याँ अर योग सगती रो  
भळै वखाण करणों ।

६१-६४

### ११. विस्व रूप दरसन योग

विस्व रूप दरसन करावण सारू अरजुन री विनती,  
श्री भगवान अर संजय द्वारा विस्व रूप रो वखाण,  
अरजुन द्वारा श्री भगवान रै विस्व रूप रो दरसन,  
डरूँ-फरूँ अरजुन द्वारा चतुरभुज रूप दरसन देवण सारू  
श्री भगवान सूं विनती, श्री भगवान द्वारा विस्व रूप  
अर चतुरभुज रूप रै दरसन री महमा अर अनन्य

भगती मूं हो श्री भगवान मूं भेट हवणें रो बघाण करणों ।

६५-७०

१२. भगती योग

साकार अर निराकार रें उतावकी ये उतावता रो निरहें तथा श्री भगवान-भेदा रें उताव रो अर भगवद्-भेदाज्ञा पुण्या रें बघाणों रो बघाण करणों ।

७१-७२

१३. शैव शैवज्ञ विभाग योग

ज्ञान सेती शैव-शैवज्ञ अर प्रकृति-गुरुन रो बघाण करणों ।

७३-७५

१४. गुण तम विभाग योग

ज्ञान रो महता अर प्रकृति-गुरुन मूं जगज रो उतावती रो, मत्त-गज-तम तीनों गुणों रो, श्री भगवान-भेदा हवणें रें उताव रो अर गुणों साविमं गुणन रें बघाणों रो बघाण करणों ।

७७-७९

१५. गुरुभोक्तम योग

गैसार मूक्ष रो, श्री भगवान-भेदा हवण रें उताव रो, खोवावना रो, परभाव सेती परमेसर रें सख्य रो तथा हाय-सहाय और गुरुभोक्तम रें सत्य रो बघाण करणों ।

८१-८२

१६. देवामुख सम्पद विभाग योग

फळ सेती देवी अर घामुगे सम्पदा रो बघाण तथा साक्ष्य विपरीत घाणणों नें छोड़ण अर साक्ष्य मुजब घाचरण करणें साक्ष्य बघाण करणों ।

८३-८५

१७. श्रद्धा त्रय विभाग योग

सरसा रो अर साम्प्र विपरीत गोर तप करणियां रो बघाण, भोजन, यज्ञ, तप अर दान रो न्यारो-न्यारो भेद तथा 'अ तत् सत्' रें परयोग रो बघाण करणों ।

८७-८९

१८. मोक्ष सन्यास योग

त्वाग रो, सत्त्व सिद्धान्त रो, फळ सेती वरण-घरम रो उपासना सेती ज्ञान-निसठा रो, भगती सेती निसकाम करम योग रो, अर गीता रें महातम रो बघाण करणों ।

९१-९७



सुर संपै मां सारदा सुख सरसै संसार



महर्षि परासर



महर्षि वेदव्यास

माँ मेँ सुभागी नेदा कोनी सुभाईले । सुभावन जोद आदा कसम करायी, धर्माधर्मा जोद सरावे सर सगें मनेव-मोनाह मुँ आदा करायी में मदद करे जेद माँ रो सोनी पुनो सर जिनहो मरयो-मरते । भगवनी सुर-सुनी माँ सुर मोनारे सर कसम मनाई सगें जो हें चली मनी-महीरो राम मने । लादेमर भीमभींदिया माँ सुभदा री लोभ-भेद मुँ जगनामी श्रीमद्-भगवद्गोपा मे भीमभन्दरी राजस्थानी अनुवाद रवायो, निमने सोमें कंठी मुँ ही पायो मुन'म भी सोयो हसयो । चली लूँ लोणी अनुवाद मरयो-मुनवायो आनन जोद काम किनी लो भगी हस्य री बात सुभावनक हो है ।

मदली साव जीव हवनो भकी भी उग रचणी मे दायन वासन भग मानोला मददगार सुसुनी सर निदुखो र लादेमर—सर्वेश्वरी—

१. जेनाभाई श्रीगुरु जिनचन्दनी सुगी, महा उपासना बीकानेर
२. हौ, करणीमिहरी अंक बीकानेर
३. श्री नारायणदास आरमज श्री मोरारदास जी कनात बीकानेर-कलकता
४. श्री मनुवाय आरमज श्री भगनमलजी पारस ..
५. श्री अदिमल आरमज श्री भीकमचन्दजी अभाणी ..
६. श्री रामचन्द आरमज श्री मोहनवायजी मोँद ..
७. श्री रामदेव आरमज श्री लदनलामजी भट्ट ..
८. श्री माणकचन्द आरमज श्री मोभायमलजी रामपुरिया ..
९. श्री भवरलाम आरमज श्री मेधराजजी कोठागे बीकानेर

रो उरळै हिये मुँ करी मदद बिनां ओ' मोना-मन्य आप सोणी रें हाथों में द्वाप'र पुतावणों म्हाँरें बग-समरस में ही कोनी हो । श्री सगळों री दिगोही गैलहिमां मे थापुंन मदद सर उमान भिन-भिन । थापणी कियोही सोणी री पातरभाया राजस्थानी भिन-भिन ।

सुगुणीदेवी/श्री रामरखजी पाँडिया

श्री दादाबाड़ी

सुगुणी प्रकाशन

गाँव केसरदेमर जाटान पाँडियाळो

विश्वाम्बिका भवन

बीकानेर (राजस्थान)

आशापुरा नयासहर, बीकानेर

# श्रीमद्भगवद्गीता

## भीमानन्दी राजस्थानी अनुवाद



सुगुशी प्रकाशन, बीकानेर  
विश्वाम्बिका भवन  
आशापुरा नयाशहर, बीकानेर (राज.)



समरपरा रा सुर

[illegible]

[नामनिर्दिष्ट अभिलेख १३१८ में वर्णितोंका स्थान प्यार मोरडी में जयपुर में नगरी ।]

ਸਿਰਲੇਖ: ਗੁਰੂ ਤੇ ਗੁਰੂ

भव्य भरा चौकण्ड, कर्ममेव बन्ध भिन हूँ,  
 विद्याधर विद्यामन, मौनी माहिन मुजल मुँ ।  
 दिग्वेधी दी गार, संस्कृत - हिन्दी - माणवी,  
 कृम-कृम जम गाय, आगो भाग्न मुलकियो ।  
 नमन-गमन-भरपुर, मिसरी मोटा बांछणा,  
 मुहणै मुरज-उजाम, ऊजल नाँव कमाइयो ।  
 नन्य कुन में पाय, कोटावे मन्धर बरा,  
 नोन नवावे माथ, विद्याधर गुरु रा गुरु ।

घणंमानं सुं

*Fr. Grunwald*

# श्रीमद्भगवद्गीता

भीमानन्दी राजस्थानी अनुवाद

घणै मान समरपित

श्री विद्याधरजी शास्त्री नै



जन्म २ अगस्त १९०१

चूरु (राजस्थान)

निर्वाण २४ फरवरी १९८३

वीकानेर (राजस्थान)

# श्रीमद्भगवद्गीता


भीमानन्दी राजस्थानी अनुवाद



जन्म १६ जुलाई १९२६  
वीकानेर (राजस्थान)

भीमपांडिया

वि० सं० १९८६ आषाढ सुदी १३





# श्रीमद्भगवद्गीता

भीमानन्दी राजस्थानी अनुवाद

पहलो अध्याय

अर्जुन विषाद योग

धृतरासटर पूछ्यो—

धरम भोम कुरुखेत विचाळै झगड़ो झोय हुया भेळा  
कोरू-पाँडू-पूत कियो के संजय ! उण जुध री बेळा ॥ १-१ ॥

संजय बतायो—

सजी पाँडवी सेना निरखी व्यूह तणी दुरजोधन राय  
उण बेळा राजा जा बोल्हो द्रोण गुरू रै नेड़ै जाय ॥ १-२ ॥

द्रुपद पुत्र ज्ञानी सिष द्युमणै पाण्डव सेन सजी व्युह ताण  
गुरुवर आप निरखल्यो इणनै दळ-वादळ ऊभी जुध ठाण ॥ १-३ ॥

अरजुन-भींव जिसा धनुधारी इण सेना में वीर अनेक  
सातक द्रुपद विराट महारथ ऊभा जुध री राखण टेक ॥ १-४ ॥

धृष्टकेतु अर चेकितान है पुरुजित कुंतीभोज महान  
कासीराज सैव्य नर नाहर ऊभा सूर काळजो ताण ॥ १-५ ॥

जुधामन्यु उत्तमौजा ऊभा अभिमन्यू वलवीर महान  
पाँचू पुत्र द्रौपदी रा भी सगळा महावली मैदान ॥ १-६ ॥

ब्राह्मणदेव म्हारळै पख में जोधा जाणो आप प्रधान  
म्हारी सेना रा सेनापत थाँ सेती हूँ करूँ वखाण ॥ १-७ ॥

थे हो, दादो भीष्म, करण है कृपाचार्य जुध जीतणिया  
विकरण अर अस्वत्थामा है सोमदती भूरीसरवा ॥ १-८ ॥



सुणो महीपत, 'हृषीकेस हे !' कह्यो कृष्ण नैं वचन उचार

अरजुन बोल्यो—

हे अच्युत ! रथ नैं थे थामो दोनूँ सेना मघ ठहरार ॥ १-२१ ॥

नेक निरखलूँ जुध मद-माता जोधावाँ नैं निजर पसार

जुध करणों लायक किण सागै सावळ करलूँ सोच-विचार ॥ १-२२ ॥

दुरजोधन दुरबुध हित आया जका-जका राजा रणमाँय

उण सूरौं नैं हूँ निरखूँ लो जको भलो उणरो मन चाय ॥ १-२३ ॥

संजय बतायो—

धृतरासटर महाराज !, कृष्णजी सुण अरजुन री सारी बात

रणभोमी रैं बीच-विचाळै उत्तम रथ नैं दीनो थाम ॥ १-२४ ॥

भीष्म द्रोण राजावाँ सामैं कह्यो कृष्ण रथ नैं ठहरार

जुद्ध करणनैं आया कौरव निरख पारथा निजर पसार ॥ १-२५ ॥

इण उपरांत अरजुनैं निरखी दोनूँ सेना निजर पसार

दादा काका भाई भतीजा मामा पोता गुरुवर त्यार ॥ १-२६ ॥

सुसरा सजन सनेही ऊभा जुध भोभी में लड़ण तण्या

निरख्या निजर पसार अरजुनैं भाई-वेली सभी जणा ॥ १-२७ ॥

सोक व्याप घण हुयो गळगळो अरजुन कह्यो कृष्ण भगवान

अरजुन बोल्यो—

सजन सनेही सगळा निरखत जूँझण ऊभा जुध मैदान ॥ १-२८ ॥

सिथळावैं सव अंग म्हाँरळा मुखड़ो भी सूखंतो जाय

तनड़ो काँप धूजणी छूटै रूँआळी सव तणती आय ॥ १-२९ ॥

पड़ै धनुष गाण्डीव हाथ सूँ वळै घणी काया री चाम

मन भरमायो—सो है म्हाँरो ऊभण सकूँ न समरथ राम ॥ १-३० ॥

उलटा लछण केसवा निरखूँ निजर पसारूँ जूनैं जोय

मार जुद्ध में सुजण-कुटुम्बी कुळ में श्रेय न दीसै कोय ॥ १-३१ ॥



कृष्ण जीवन्ती है नहिं भाई जीव याव मुझ से नहिं भाई  
 याव भोग जीवन्त मुँ मोचिब की पश्योवन सोमे भोग ॥ १-३२ ॥  
 याव भोग मुझ से सो मन में जियो पाखे रागो भाई  
 मन जीवन्त से पाखे सोचने ने ही जा कजा कृष्ण भोग ॥ १-३३ ॥  
 मुझवर पिअर पुन अर दादा सोना कृष्ण करण के भोग  
 माया माया मुझसे कृष्ण से पाखे सामने समझो भोग ॥ १-३४ ॥  
 मन्ते मायियाँ भी मयमुदमाँ भाखे ह्यो मन्ते मन भोग  
 मन्तो भी मुक्त मोन सोक से याव मन्ते मो भी नहिं भाई ॥ १-३५ ॥  
 भृगुसागर या पुन मायियाँ मुसी हवे के ह्यो मन भोग  
 ह्यो पसीयो ने भाय्याँ भी भायन पन्ते पाप भोग ॥ १-३६ ॥  
 भृगुसागर या पुन कृष्ण भव सो भारी मन्ते नहिं भोग  
 मुद्गम-हरीयो माय्याँ भायन कियो मिलेयो मुझ से भोग ॥ १-३७ ॥  
 श्रीम-भ्रष्ट-निन ह्यो भोग अ वेताकृष्ण ह्यो गो भोग  
 मित्रो धैर पाप नहिं जाणे कुळ नासण से मित्रे न भोग ॥ १-३८ ॥  
 कुळ नासण से भोग ह्यो मो भाणो जाणो जका विकार  
 पाप करम मुँ वेतणे साम करणो नहिंसे मुँ न निचार ॥ १-३९ ॥  
 कुळ नाय्याँ कुळ धरम मनानन नष्ट-भ्रष्ट मगळा ह्यो जाम  
 धरम नान मुँ सगळे कुळ ने काठो लेवै पाप दवाय ॥ १-४० ॥  
 घणों पाप वचियाँ वण माटो कृष्ण सभी विगडै कुळनार  
 जणै वरणसंकर मंतानाँ दुसटण वण वै दोसण नार ॥ १-४१ ॥  
 कुळधाती कुळ नरक पठावण ह्यै वरण संकर मंतान  
 पतित ह्यै सब पितर लोग भी लोप ह्यो जळ-पिण्डाँ दान ॥ १-४२ ॥  
 वरणसंकरी ह्यो दोसाँ रे व्याप्याँ सगळा भ्रष्ट ह्यै  
 कुळधात्याँ कुळ धरम सनातन जात धरम सब नष्ट ह्यै ॥ १-४३ ॥

इसो सुण्यो है म्हे जनारदन कानाँ करण जोग विसवास  
नष्ट हुयो कुळ धरम मानखो अणैत काळ लै नरकावास ॥ १-४४ ॥

हाय सोक है सुध-बुध धारी बडो पाप करणै म्हे तयार  
राज भोग सुख लोभ कारणै सँभिया कुळनै देवण धार ॥ १-४५ ॥

ससतर धारी धृतरासटर रा सुत लेवै जे रण में मार  
बिन-ससतर बिन किर्याँ सामनो मन्हें मारणों घण हितकार ॥ १-४६ ॥

संजय बतायो—

रणभोमी में सोक-गळगळो अरजुन इणतर वचन उचार  
धनुष-बाण नैं नाँख धनंजै रथ में जाय बैसियो लार ॥ १-४७ ॥



कृष्ण जीतणो हूँ नहिं चाहूँ और राज सुख री नहिं चाह  
राज भोग जीवन सूँ गोविंद कीं परयोजन दीसै नाँय ॥ १-३२ ॥

राज भोग सुख री म्हे मन में जिणाँ कारणें राखाँ चाह  
धन जीवन री आस छोड़नैं वै ही आ ऊभा जुध माँय ॥ १-३३ ॥

गुरुवर पितर पुत्र अर दादा पोता जुद्ध करण के जोग  
मामा साळा सुसरा जुध में खड़ा सामनैं समधी लोग ॥ १-३४ ॥

मन्हें मारियाँ भी मधुसूदन ! मारूँ इणाँ नहीं मन माँय  
धरती तो तुछ तीन लोक रो राज मिलै तो भी नहिं चाह ॥ १-३५ ॥

धृतरासटर रा पूत मारियाँ खुसी हुवै के म्हाँ मन माँय  
इण पापीड़ाँ नैं मारचाँ भी माधव पल्लै पाप वँधाय ॥ १-३६ ॥

धृतरासटर रा पूत बंधु जण म्हे माराँ म्हाँरै नहिं जोग  
कुटुम-कवीलो मारचाँ माधव कियाँ मिलैलो सुख रो भोग ॥ १-३७ ॥

लोभ-भ्रष्ट-चित्त हुया लोग अँ चेताचूक हुया खो होस  
मितराँ बैर पाप नहिं जाणैं कुळ नासण रो गिणैं न दोस ॥ १-३८ ॥

कुळ नासण रो दोस हुवै सो आपाँ जाणाँ जको विकार  
पाप करम सूँ बँचणैं सारू करणो चाहियै क्यूँ न विचार ॥ १-३९ ॥

कुळ नास्याँ कुळ धरम सनातन नष्ट-भ्रष्ट सगळा हुय जाय  
धरम नास सूँ सगळै कुळ नैं काठो लेवै पाप दवाय ॥ १-४० ॥

घणों पाप बधियाँ घण माड़ो कृष्ण सभी बिगड़ै कुळनार  
जणैं वरणसंकर संतानाँ दुसटण बण बै दोसण नार ॥ १-४१ ॥

कुळघाती कुळ नरक पठावण हुवै वरण संकर संतान  
पतित हुवै सब पितर लोग भी लोप हुयाँ जळ-पिण्डाँ दान ॥ १-४२ ॥

वरणसंकरी इण दोसाँ रै व्याप्याँ सगळा भ्रष्ट हुवै  
कुळघात्याँ कुळ धरम सनातन जात धरम सब नष्ट हुवै ॥ १-४३ ॥

इसो सुण्यो है म्हे जनारदन कानाँ करण जोग विसवास  
नष्ट हुयो कुळ धरम मानखो अणैत काळ लै नरकावास ॥ १-४४ ॥

हाय सोक है सुध-बुध धारी बडो पाप करणें म्हे त्यार  
राज भोग सुख लोभ कारणें सँभिया कुळनै देवण धार ॥ १-४५ ॥

ससतर धारी धृतरासटर रा सुत लेवै जे रण में मार  
बिन-ससतर बिन कियाँ सामनो मन्हें मारणों घण हितकार ॥ १-४६ ॥

संजय बतायो—

रणभोमी में सोक-गळगळो अरजुन इणतर वचन उचार  
धनुष-बाण नैं नाँख धनंजै रथ में जाय बैसियो लार ॥ १-४७ ॥

• • •



## दूसरी अध्याय

### सांख्य योग

संजय बतायो—

आकळ-बाकळ सोकाकुळ लख अरजुन आंख भरायो ज्यूँ  
मधुसूदन भगवान दयाकर अरजुन नें समझायो यूँ ॥ २-१ ॥

भगवान बखाण्यो—

अधरम जोग कुजोग अरजुना वेमौकै क्यूँ मोह करै  
सरग टाळ अपजस करवावै इसी आंख क्यूँ आज झरै ॥ २-२ ॥

थारै जोग कायरी कोनी मत वण तूँ कायर-लाचार  
हियो दूबळो मत कर अरजुन जुद्ध करण नें हुयजा त्यार ॥ २-३ ॥

अरजुन बोल्हो—

समरभोम में कियाँ चलाऊँ भीषम-द्रोण काळजाँ वाण  
पूजनीक दोनूँ ही म्हाँरै ऊभा समुख काळजो ताण ॥ २-४ ॥

वध न करूँ गुरुजन है म्हाँरा बाँनें मार कियाँ तरसूँ  
लोही-लिवड़िया भोग न भोगूँ भीख माँग भोजन करसूँ ॥ २-५ ॥

म्हे नहिं जाणाँ के आछो है जुद्ध कराँ का माँगाँ भीख  
समधी मार जियाँ नहिं इच्छा किण री हार किणाँ री जीत ॥ २-६ ॥

ममता मोह घिरायो छतरी चेताचूक न चित्त ठिकाण  
हूँ सरणागत सिष्य आपरो भली सीख देवो भगवान ॥ २-७ ॥

मनाँ-इन्दरियाँ सोक मिटावै लखूँ न कोई इसो उपाय  
दुसमण देव सकळ वस करलूँ तो भी राज-भोग सुख नाँय ॥ २-८ ॥

संजय बतायो--

राजन ! खुलो खुलासा बोल्हो कृष्ण तणों अरजुन मुख खोल  
जुद्ध न करूँ वात इतणी-सी मौन हुयो अरजुन यूँ बोल ॥ २-९ ॥

दो सेना रै बीच-बिचाळै अंतरजामी सकळ सुजान  
सोकाकुळ अरजुन नैं कहियो होळै-सी हँस श्री भगवान ॥ २-१० ॥

भगवान बखाण्यो--

सोक करै पिंडत ज्युँ बोलै जका सोक करणें नहिं जोग  
मरचाँ-जियाँ रो सोक न लावै पण मनडै में पिंडत लोग ॥ २-११ ॥

किणीं काळ हूँ तूँ अै राजा कोनी हा अरजुन मत जाण  
फेर भळै आगै न हुवाँला आ भी तूँ मन में मत आण ॥ २-१२ ॥

बाळ जवानी विरध अवस्था भोगै है ज्युँ सकळ सरीर  
खोळ बदळ भी करै आतमा मो-माया में फँसै न धीर ॥ २-१३ ॥

छिणभंगुर सब भोग इन्द्रियाँ गरम-सरद सुख-दुख संजोग  
भरत वंस रा लाल अरजुना करलै सहन सहन रै जोग ॥ २-१४ ॥

आकळ-बाकळ कर न सकै रे धीराँ नराँ इन्द्रियाँ भोग  
सम सुख-दुख समझै सो धीरो अरजुन मोख-मुगत रै जोग ॥ २-१५ ॥

अरजुन नहीं असत री सत्ता सत रो कोनीं अठै अभाव  
ज्ञानी तत्व छाण लख दोनूँ निरणै कियो खुलासा साव ॥ २-१६ ॥

चेतन तत्व सदा अविनासी अरजुन तूँ अविनासी जाण  
उण चेतन नैं कृष्ण विनासै कोई भी नहिं समरथवाण ॥ २-१७ ॥

नासवाण है देह अरजुना पण नित रैवै आतमा-प्राण  
उठ जुध कर बळवीर भारता अजर-अमर जीवात्म जाण ॥ २-१८ ॥

मरै न मारी जाय आतमा निसचै जो जाणै सो जाणै  
मरण-मारणै जोग आतमा जो जाणै सो ठीक न जाणै ॥ २-१९ ॥

जलम न लै नहिं मरै आतमा हुयो न हुयसी भविस सुजाण  
तन मरियाँ भी मरै न सासत अमर आतमा नित्य पुराण ॥ २-२० ॥

अविनासी अज अमर आतमा पारथ जो नर जाण विचारै  
वो नर भलाई मारणै खातर किणनै तेड़ कियाँ किण मारै ॥ २-२१ ॥

बोदा बसतर त्याग पुरुष ज्युँ नूँ आ-निकोरा बसतर धारै  
त्युँ बोदो तन तजै आतमा नुँ ई-निकोरी काया धारै ॥ २-२२ ॥

अमरी इसी आतमा इणनै काटण सकै न ससतर पाय  
गाळ न बाळ सकै जळ अगनी सकै न इणनै पून सुखाय ॥ २-२३ ॥

अणछेदी अणबळी आतमा अणभीजी अणसोख बराण  
अेकरूप है सदा सनातन सरवाळै व्यापक थिर जाण ॥ २-२४ ॥

अणभण अणचींत्यो अविकारी इसो आतमा रो है माण  
सोक कदै नहिं करणों अरजुन इसड़ो ही मन में तूँ जाण ॥ २-२५ ॥

नित जलमी अर मरी जु जाणै इसौ आतमा रो जे माण  
तो भी तो अरजुन इण तरियाँ सोक न करणों उचित सुजाण ॥ २-२६ ॥

जो जलमै सो मरै जरूरी अरजुन तूँ निसचै ध्रुव जाण  
इणतर अटळ विषै पर भी तो सोक न करणो जोग सुजाण ॥ २-२७ ॥

जलमण सूं ले मरण समैं तक दरसण भूत देवै संसार  
मरचाँ पछें हुय जाय अदीठा बाँरो सोक सफा वेकार ॥ २-२८ ॥

इचरज देख सुणैं पिंडतजण इचरज भरी वखाणै रे  
पण कोई सुण पुरुष आतमा भली भाँत नहि जाणै रे ॥ २-२९ ॥

सकळ प्राणियाँ री देहां में वसी आतमा नहीं समाय  
छोटा-मोटा इण जीवाँ हित तूँ अनुचित क्युँ सोक समाय ॥ २-३० ॥

धरम-करम सूं विचळित होणो भलो न अरजुन लख संजोग  
धरमजुद्ध सूं वडो न कोई साधन श्रेय क्षत्रियाँ जोग ॥ २-३१ ॥



धरमजुद्ध मुख पोळ सरग री धन्य जका क्षत्री जावै  
मीन मेख इण में नहिं अरजुन अवस भोग सुख रा पावै ॥ २-३२ ॥

जे तूँ धरम जुद्ध नहिं करसी धरम-करम-करतव टळसी  
धरम-कीरती नास हुयाँ सँ घोर पाप-भागी वणसी ॥ २-३३ ॥

अपजस घणों बखाण्याँ जासी लोग-लुगाई घेर-घिराय  
मरणें सँ भी घण दुखदायी थिर अपकीरत सही न जाय ॥ २-३४ ॥

गुणीं समझ आदर सँ देखै वै नर भी करसी अपमान  
कायर जुद्ध-भगोड़ो कहसी अरजुन तन्हें हीण सब जाण ॥ २-३५ ॥

थारै जोग हुवै के अरजुन इण सँ मोटी दुख री बात  
दुसमणिया समरथ निदैला तीखाँ बोल करैला घात ॥ २-३६ ॥

जुध में मरघाँ सरग मिल जासी जीत्याँ मिलै राज सुख भोग  
“का जीतूँ का मरूँ जुद्ध में” दृढ़ निसचै कर जुद्ध सुयोग ॥ २-३७ ॥

सुख-दुख हाणी-लाभ सरीसा हार-जीत सगळा सम जाण  
इणतर कोई पाप न लागै अरजुन जुध करलै घमसाण ॥ २-३८ ॥

ज्ञानयोग बुध सुणीं अरजुना करम योग बुध सुण चित लाय  
जिणसूँ करम बंधणाँ छूटै राग-द्वेष सब भरम मिटाय ॥ २-३९ ॥

इण निसकामी करम योग में दोष न कोय बीज रो नास  
थोड़ी-सी भी धरम ध्यावना मेटै जलम-मरण री त्रास ॥ २-४० ॥

निसचै बुध निसकामी ज्ञानी अक रूप अरजुन चित लाय  
डाळ-डाळ अज्ञानी कामी बिखरोड़ा भटकै भरमाय ॥ २-४१ ॥

फळ में कोरी प्रीत अरजुना कामी पुरुष लगावण लोय  
घणी ओपती बात दिखाऊ कथै न इणसँ मोटी कोय ॥ २-४२ ॥

जलम करम-फळ सरग बडो है अज्ञानी जण भण बतलाय  
भोगण भोग जोग धन दौलत किरिया करम घणा सिखळाय ॥ २-४३ ॥

भरम भरी वाणी भटकाया धन-दौलत चित चेतो खोय  
जका भोग पर लट्ठू हुयग्या मन सुध बुध व्यापै नहिं कोय ॥ २-४४ ॥

वेद काम तिगुणां जग व्यापै अरजुन तूँ हुयजा निसकाम  
सुख-दुख योग-खेम टंटै सूँ टळजा बणजा आतमराम ॥ २-४५ ॥

नदी नीर मिलियाँ कद भावै ताळ-तळाव छिलरियाँ नीर  
ज्यूँ ही ब्रह्मानन्द मिल्याँ नर तजै परोजन वेद सरीर ॥ २-४६ ॥

फळ में नहीं करम में थारो अरजुन तूँ करलै अधिकार  
छोड़ वासना करम फळाँ री धरम करम सूँ करलै प्यार ॥ २-४७ ॥

फळ अभिळाषा त्याग धनजै धारण करलै तूँ थिर योग  
सिध अर असिध दोऊँ सम जाणो धरम करम ही योग सुयोग ॥ २-४८ ॥

फळ री आस करम करियो नर दीन-हीन अर हेठो जाण  
समत योग री सरण जाय कर करम अरजुना सकळ सुजाण ॥ २-४९ ॥

समत योग धारी निसकामी पाप-पुण्य दोऊँ नाँ लिपटाय  
जलम-मरण रा बंधण टूटै अरजुन परम मोक्ष पद पाय ॥ २-५० ॥

बुध योगी ज्ञानी जन अरजुन करम जण्या फळ त्याग जरूर  
जलम-बंध सूँ छूट परम पद पाय अमर रस सूँ भरपूर ॥ २-५१ ॥

मोह रूप दळ-दळ सूँ तरसी जद अरजुन थारी बुध लाग  
उण बेला निसचै तूँ पासी सुणण जोग सुणियो वैराग ॥ २-५२ ॥

भांतरका सिद्धांत सुण्याँ सूँ बुध विचळित घण हुई अजोग  
थिर सुध बुध कर लियाँ समाधी तूँ पासी रे समत-सुयोग ॥ २-५३ ॥

अरजुन पूछ्यो

थिर बुधवाण पुरुष रा लक्षण लियाँ समाधी के बतळाय  
केसव ! किर्याँ बो बोलै-चालै बैठै सभी देओ समझाय ॥ २-५४ ॥

भगवान् ब्रह्माण्यो-

मन री सभी कामना त्यागै जिण वेळा अरजुन तूँ जाण  
आतम सँ आतम संतूठै उण वेळा थिर सुध-बुधवाण ॥ २-५५

दुख आयाँ मन पीड़ न व्यापै सुख आयाँ मन करै न कोड  
थिर बुधवाण मुनी कहळावै त्यागै जको राग भय क्रोध ॥ २-५६

सुभ अर असुभ न सुख-दुख संपै मन में नेह न राखै कोय  
बो नर थिर बुधवाण अरजुना सरब काळ सरवाळै होय ॥ २-५७

थिर बुधवाण जको नर होवै विषै भोग सब देवै मेट  
काछबियो ज्युँ अंग समेटै सभी इन्द्रियाँ लेय समेट ॥ २-५८

विषै-भोग तज दियाँ इन्द्रियाँ विषै मिटै पण मिटै न राग  
पण मिलियाँ परमातम छूटै सुण अरजुन उण री रस राग ॥ २-५९

जतन करै बुधवाण घणा पण जीत न सकै पुरुष री जात  
मन-मथणी मन मथै इन्द्रियाँ अरजुन चित नै हरै बलात ॥ २-६०

उण नर री बुध थिर है अरजुन जो वस करलै सकळ सरीर  
संयम धार इन्द्रियाँ योगी भगत हुवै म्हाँरो ही धीर ॥ २-६१

ध्यायाँ विषै आसकी व्यापै मन में उठै काम री सोध  
मन-इच्छा जद हुवै न पूरी अरजुन उपजै भारी क्रोध ॥ २-६२

उपज्याँ क्रोध मूढपण व्यापै खोय विवेक भरम भरमाय  
भरमजाळ फँस सुमरण सगती सुध बुध साधन सभी गँवाय ॥ २-६३

राग-द्वेष सँ मुगत आपवस भोगत विषै इन्द्रियाँ भोग  
पा लेवै परसाद अरजुना मन पर काट न लागै रोग ॥ २-६४

निरमळ मन सगळा दुख हरदै चित व्यापै आनंद सवाय  
अरजुन जिण रो चित परसण है उणरी सुध बुध थिर हुय जाय ॥ २-६५

साधन हीण पुरुष नहि पावै सुध बुध और आसत्तिक भाव  
बिनाँ आसत्तिक भाव न साँयत बिन साँयत सुख कूँकर आय ॥ २-६६

विषै-इन्द्रियाँ विचरण करताँ मन सुध बुध रो हरण करै  
पवन विचरतो ज्युँ जळ माँही तिरती-फिरती नाव हरै ॥ २-६७ ॥

जकै पुरुष री सकळ इन्द्रियाँ सगळा विषयाँ सूँ नित द्वार  
अरजुन जो राखै मन काबू उणरी सुध बुध थिर सैपूर ॥ २-६८ ॥

जोगी बुद्ध जागरण जागै हुवै भूत प्राणी री रात  
नासवान सुख भूत जगै जद तत्वमुनी समझै सम रात ॥ २-६९ ॥

नदियाँ नीर मिलै समदर ज्युँ अचळ सांति सूँ जाय समाय  
भोग भिळचाँ थिर बुध धारी ही पाय सांति पण कामी नाँय ॥ २-७० ॥

जको कामना ममता त्यागै छोडै अहंकार रस-राग  
अरजुन वो ही पुरुष आतमा मन में पावै सांति सुभाग ॥ २-७१ ॥

ब्रह्म मिलण री आही पोड़ी मिलियाँ मोह न फँसै सुजाण  
अंतकाळ तक थित रैवै तो अरजुन वो पावै निरवाण ॥ २-७२ ॥

• • •



## तीसरो अध्याय

### करम योग

अरजुन पूछ्यो—

प्रभु जनारदन जे थे मानो ज्ञान करम सँ श्रेष्ठ बताय  
तो फिर थे क्यूँ घोर करम में केसव देवो मन्हें लगाय ॥ ३-१ ॥

फोर-बदळ कह मोटो-छोटो ज्ञान-करम-बुध मोह फँसाय  
प्रभु म्हाँरो कल्याण करै सो निसचै अेक कहो समझाय ॥ ३-२ ॥

भगवान वखाण्यो—

दोय भाँत री निष्ठा अरजुन भाखी पहली लोक वखाण  
ज्ञान योग सँ ज्ञानी मोखै करम योग सँ योगी जाण ॥ ३-३ ॥

करम न करणें सँ निसकरमी हुय अरजुन सिद्धी नाँ पाय  
और न करम त्यागणें मातर सँ भी कोई सिद्धी आय ॥ ३-४ ॥

निसचै जाण समझलें अरजुन कुदरत रो गुण धरम वण्यो  
करम विनाँ क्षण टिकै न प्राणी जो कुदरत सँ जलम जण्यो ॥ ३-५ ॥

काम रोक जो जवर इन्द्रियाँ विषै भोग मन चावै रे  
अरजुन वो ही मिथ्याचारी दंभी पुरुष कवावै रे ॥ ३-६ ॥

मन सँ वस में करै इन्द्रियाँ अणआसक होयो वो जाण  
करम इन्द्रियाँ करम योग रो करै आचरण श्रेष्ठ सुजाण ॥ ३-७ ॥

करम श्रेष्ठ कर करम अरजुना नीती नियत वखाणी रे  
करम विनाँ काया नहि चाले कटै नहीँ जिनगानी रे ॥ ३-८ ॥

यज्ञ करम सूँ करम दूसरा लग्याँ पुरुष ही करम वैधाय  
छोड आसकी सदाचरण कर पारथ करम परम हित लाय ॥ ३-९ ॥

प्रजा यज्ञ सँग रच परजापत आद कळप में कह्यो उचार  
इष्ट कामणा थाँ देवणियो यज्ञ वधेपो दै विसतार ॥ ३-१० ॥

उनती करो यज्ञ देवाँ री थाँरी उनती देव कराय  
इणतर फरज समझ आपस में परम श्रेय वध लेसो पाय ॥ ३-११ ॥

यज्ञ बधायँ देव तूठियाँ थाँरै हित देसी प्रिय भोग  
निसचै चोर जाण जो भोगै विनाँ दियाँ ही दीना भोग ॥ ३-१२ ॥

यज्ञ सेष ही जो अन खावै श्रेष्ठ पुरुष सब पाप छुटाय  
पापी लोग पेट पोखण हित पाप पकाय पाप ही खाय ॥ ३-१३ ॥

यज्ञ करम सूँ और यज्ञ सूँ विरखा वरस्याँ अन उपजाय  
सगळा भूत अन्न सूँ उपजै सब प्राण्याँ नै अन्न पळाय ॥ ३-१४ ॥

वेद उपजियो अविनासी सूँ करम वेद सूँ उपज्यो जाण  
इंयाँ सरब व्यापी परमेसर सदा यज्ञ थित समझ सुजाण ॥ ३-१५ ॥

सृष्टिचक्र अनुसार न वरतै लोक चलायै इण परकार  
पुरुष इन्द्रियाँ सुख भोगणिया पाप उमर जीवै वेकार ॥ ३-१६ ॥

पण जो राख आतमा प्रीती तूठै तिरप आतमा माँय  
अरजुन जाण उणाँ पुरुषाँ हित दूजो कोई करतव नाँय ॥ ३-१७ ॥

कियाँ-अणकियाँ भी इण जग में पुरुष कोय परयोजण नाँय  
स्वारथ-समध सकळ भूताँ में उण रो अरजुन कीं न लखाय ॥ ३-१८ ॥

अणआसक होयो सैलँग कर करतव करम भलाँ आचार  
अणआसक हुय करम करंतो अरजुन पुरुष परम साकार ॥ ३-१९ ॥

जनक जिसा ज्ञानी जन भी तो करचाँ करम ली सिद्धी पाय  
लोक संगरै लखताँ भी तू अरजुन जोगो करम कराय ॥ ३-२० ॥

श्रेष्ठ पुरुष जो करै पारथा आप आचरण नैं वरतार  
वो जिसड़ो परमाण बतावै दूजा बरतै उण अनुसार ॥ ३-२१ ॥

अरजुन जदी कोई भी करतब म्हारो तीन लोक में नाँय  
मिलणजोग-अणमिली न बसतू तो भी करम करूँ वरताय ॥ ३-२२ ॥

सावधान हुय करम न बरतूँ तो दूजो कुण करम कराय  
ज्यूँ बरतूँ हूँ दूजा बरतै म्हारी नकल करंता जाय ॥ ३-२३ ॥

छोड चलूँ जे करम पारथा सगळा लोक भ्रष्ट हुय जाय  
जणक वरण संकर में होऊँ अर परजा रो नास कराय ॥ ३-२४ ॥

मूढ करम ज्यूँ करै रात दिन आसक मन इच्छा फळ चाय  
त्यूँ ही करण जोग विदवानाँ छोड आसकी फळ विसराय ॥ ३-२५ ॥

ज्ञानी छूट करै मतिहीणाँ किरथीणाँ बुध भेद न लाय  
मूढाँ सूं विदवान विवेकी सदाचरण कर करम कराय ॥ ३-२६ ॥

कुदरत रै गुण धरम करम सब आपोआप हुवै आ जाण  
मोह जाळ पण उलझ बावळा जाण “हूँ करूँ” चाढै पाण ॥ ३-२७ ॥

गुण करमाँ रै रूप-भेद नैं जाणणियो ततवंत सुजाण  
हुवै नहीं आसक बावळियो गुण में गुण बरतै आ जाण ॥ ३-२८ ॥

कुदरत गुण मोह्यो जण अरजुन गुण करमाँ आसकती छाय  
पण ज्ञानी उण अणसमझाँ रा मन विचळण नहिं करै उपाय ॥ ३-२९ ॥

अरजुन तूँ सुध बुध अध्यातम म्हाँ अरपण कर करम सुजान  
मो-माया ममता आसा अर सोक त्याग कर जुद्ध महान ॥ ३-३० ॥

मानें मत निरदोस म्हाँरलो बरतै नित इण मत अनुसार  
पुरुष सकळ करमाँ रै फळ सूं मुगत हुवै पावै छुटकार ॥ ३-३१ ॥

दोसी जका न ओ' मत पाळै वै कल्याण भटकिया जाण  
चेताचूक मूढ वै प्राणी समझ पारथा अवुध अजाण ॥ ३-३२ ॥



कुदरत भाव-सभावाँ चालै सब परवस हुय करम करै  
ज्ञानवान भी टलै न कुदरत हठ कर वो के करै-धरै ॥ ३-३३ ॥

इन्द्री-इन्द्री रै अरथाँ में राग-द्वेष रा भोग टलाय  
मोक्ष-मुगत रै मारगियै में वै ही बैरी विघन कराय ॥ ३-३४ ॥

अरजुन गुण हीणो स्वधरम भी परधरमाँ उत्तम घण जाण  
स्वधरम चरण मरण कल्याणी पर धरमाचर नरक समान ॥ ३-३५ ॥

अरजुन पूछ्यो—

तो फिर कृष्ण कियाँ बिलमायो भँवरजाळ किण रै भटकाव  
लाग्यो पुरुष बलाती ज्यूँही पापाचार करै अणचाय ॥ ३-३६ ॥

भगवान बखाण्यो—

अरजुन काम रजोगुण उपज्यो वो ही तो है क्रोध सुजाण  
भोगाँ तिरपै नहीं अगन ज्यूं घण पापी बैरी तूँ जाण ॥ ३-३७ ॥

आग धुँअै सूँ मळ सूँ दरपण जर सूँ ढकियो गरभ सुजान  
बींतर अरजुन उणीं काम सूँ इण जगती में ढकियो ज्ञान ॥ ३-३८ ॥

काम कठण तिरपै अर पूरै समझ अरजुना अगन समान  
काम ज्ञानियाँ रो नित बैरी उण सूँ ही ढकियो है ज्ञान ॥ ३-३९ ॥

मन बुद्धी अर करम इन्द्रियाँ काम रूप घर करै निवास  
जीव आतमा नैं उळझावै ज्ञान ढकै मो-माया फाँस ॥ ३-४० ॥

भरत वंस रा लाल अरजुना काबू पैल इन्द्रियाँ धार  
ज्ञान और विज्ञान विनासक पापी काम मिटादै मार ॥ ३-४१ ॥

तन सूँ श्रेष्ठ इन्द्रियाँ अर मन मन, सूँ बुद्धी श्रेष्ठ सुजान  
बुद्धी सूँ भी घणी श्रेष्ठ है अरजुन सदा आतमा मान ॥ ३-४२ ॥

इणतर बुध सूँ श्रेष्ठ आतमा तूँ बुध सूँ मन वस करजाण  
अपणी सगती समझ अरजुना मार काम बैरी बळवाण ॥ ३-४३ ॥

## चौथो अध्याय

### ज्ञान करम सन्यास योग

भगवान वखाण्यो—

आदकाळ सूरज रै सेती भाख्यो मैं अविनासी योग  
सूरज मनु नैं मनु इक्ष्वांकु नैं कह बतलायो बो ही योग ॥ ४-१ ॥

पीढ़ी दर पीढ़ी यूँ चलताँ जाण्यो राज रिस्याँ जो योग  
पण वीत्यो घण काळ, लोक सूँ अरजुन लोप हुयो बो योग ॥ ४-२ ॥

बो ही योग पुराणो भाख्यो मैं अरजुन थारै हित जाण  
जको घणो उत्तम रहस्य पण तूँ है भगत'र सखो सुजाण ॥ ४-३ ॥

अरजुन पूछ्यो—

जलम आपरो अबैं हुयो है पण सूरज रो जलम पुराण  
आदकाळ में आप बतायो आ हूँ मानूँ कियाँ सुजाण ॥ ४-४ ॥

भगवान वखाण्यो—

थारा-म्हारा जलम घणाँ ही हुय-हुय वीत्या काळ पुराण  
पण तूँ जाण सकै नहि अरजुन उणरी हूँ ही राखूँ जाण ॥ ४-५ ॥

हूँ अविनासी अर अणजणियो भूतेसर हूँ तो भी जाण  
पारथ योग माया सूँ प्रगटूँ हूँ म्हारी कुदरत रै ताण ॥ ४-६ ॥

जद-जद धरम घटै घरती पर अधरम वढै धरम घेराय  
प्रगट हूँ पारथ हूँ ही तो उणीं काळ निज रूप रचाय ॥ ४-७ ॥

साधू पुरुष उबारण जग में पापीड़ाँ रो करण विनास  
धरम धजा थापण नैं प्रगटूँ जुग-जुग में हूँ जुगरी आस ॥ ४-८ ॥

जलम करम वो दिव्य अलोकी अरजुन जको तत्व लै जाण  
काया त्याग कदै नहि जलमै पूगै म्हाँरी ठोड़-ठिकाण ॥ ४-९ ॥

छोड राग भय क्रोध घणकरा आय सरण हुय अकारूप  
पावन हुया ज्ञान रै तप सूँ पायो म्हाँरो साँत सरूप ॥ ४-१० ॥

जो म्हाँनै ज्यूँ भजै अरजुना हूँ भी वीनै भजूँ वियाँन  
म्हाँरो ही मारग सब भाँती बरत्याँ चलै पुरुष बुधवान ॥ ४-११ ॥

जका करम फळ लोक चाँवताँ इण धरती पर पूजै देव  
वै नर तुरता-फुरत जगत में करम जणीं वा सिद्धी लेय ॥ ४-१२ ॥

ब्राह्मण क्षत्री वैश्य सूद्र सब गुण-करमाँ मैं रच्या सुजाण  
मैं अविनासी करता नैं भी अरजुन तूँ अणकरता जाण ॥ ४-१३ ॥

हूँ करमाँ रै फळ नहि लेपूँ करम फळाँ पर मोहित नाँय  
म्हाँनै जको तत्व सूँ जाणै वो भी करमाँ नहीं बँधाय ॥ ४-१४ ॥

म्हाँरी सरण बडेरौ पुरुषाँ करियो इँयाँ इणीतर जाण  
सदा कियो जो करम बडेरौ वो ही अरजुन कर चित लाण ॥ ४-१५ ॥

के है करम और के अकरम मोहित है सगळा बुधवाण  
इण कारण थारै हित करस्यूँ बंधण-मुगती करम बखाण ॥ ४-१६ ॥

अकरम करम निषिध करमाँ रो भलो जाणणै जोग सरूप  
कहूँ ध्यान सूँ सुणलै अरजुन जाण करम गत गहरो रूप ॥ ४-१७ ॥

जको करम में अकरम देखै अर अकरम में लखै करम  
वो बुधवाण पुरुष मिनखाँ में योगी करतो करम धरम ॥ ४-१८ ॥

बिनाँ कामणा अर सँकळप है जिणीं पुरुष रा सकळ करम  
ज्ञानी भी उणनै पिंडत कह जगाया करम-धरम ॥ ४-१९ ॥

छोड आसरो संसारी रो परमाँणद नित तिरपत होय  
त्याग करम फळ संग करम नैं भल बरत्याँ कीं करै न कोय ॥ ४-२० ॥

भोग लालसा सगळी त्यागी जिण जीत्यो चित और सरीर  
बिन आसा तन करम करंताँ पाप न व्यापै पुरुष सरीर ॥ ४-२१ ॥

आपोआप मिल्याँ संतूठै झगडाँ-टण्टाँ जको न जाय  
सिध-अणसिध दोनूँ सम समझै करंताँ करम न करम बँधाय ॥ ४-२२ ॥

जको ज्ञान में थिर चित लावै आसकती नैं देय मिटाय  
यज्ञ आचरण करै मुगत नर उणरा सगळा करम नसाय ॥ ४-२३ ॥

हवि अरपणिया ब्रह्म अगन भी है रे अरजुन ब्रह्म समान  
ब्रह्म समाधी लियाँ जु पावै वो भी तो है ब्रह्म सुजाण ॥ ४-२४ ॥

योगी पूजै देव यज्ञ नैं आछीतराँ उपासै मन  
अर ज्ञानी जण ब्रह्म अगन में करै यज्ञ सूँ यज्ञ हवन ॥ ४-२५ ॥

वस में करै विषै योगीजण तप संयम रै ताप तपाय  
श्रोत सबद काबू कर सगळा होमै हवन कुण्ड भसमाय ॥ ४-२६ ॥

करम इन्द्रियाँ अर प्राणाँ रा योगी कई ज्ञान दीपाय  
आतम संयम योग अगन में सगळा होमै होम कराय ॥ ४-२७ ॥

होमै द्रव्य लोक सेवा में स्वधरम पाळ तपै कीं लोग  
ज्ञान यज्ञ स्वाध्याय अहिंसा रा व्रत वरतै जतनाँ जोग ॥ ४-२८ ॥

प्राणवायु होमै अपाण में करै प्राण में होम अपाण  
प्राण अपाण दोऊँ गत थामै प्राणायाम करै पाराण ॥ ४-२९ ॥

खाण-पीण रो नेम निभावै होम करै प्राणाँ में प्राण  
जकाँ यज्ञ कर पाप नसायो सकळ पुरुष है यज्ञ सुजाण ॥ ४-३० ॥

ज्ञान अमरफळ भोग यज्ञ रो अरजुन ब्रह्म सनातन पाय  
यज्ञ बिनाँ नर लोक न सोखो वो परलोक कियाँ सुखदाय ॥ ४-३१ ॥

भाँत-भाँत रा यज्ञ घणाँ ही वेदाँ री वाणी विसतार  
तत्त्व जाण निसकाम करम कर उण करमाँ हुयसी निसतार ॥ ४-३२ ॥

ज्ञान यज्ञ है श्रेष्ठ अरजुना द्रव्य यज्ञ सूँ मोटो जाण  
 ज्ञान यज्ञ में परा समावै आखा-सगळा करम सुजाण ॥ ४-३३ ॥  
 तत्व जाणिया ज्ञानी जण री कर सेवा दण्डोत प्रणाम  
 कपट भाव तज ज्ञान पूछियाँ कर उपदेस वतासी ज्ञान ॥ ४-३४ ॥  
 जिण जाण्याँ तूँ मोह न उलझै आतम में लखसी सब भूत  
 उण उपरांत लीण हुय आँणद मन्हें लखैलो पाण्डू-पूत ॥ ४-३५ ॥  
 जे तूँ सब पाप्याँ सूँ पापी तो भी अरजुन निसचै जाण  
 ज्ञान रूप इण नाव बैठियाँ तरजासी सब पाप सुजाण ॥ ४-३६ ॥  
 अगनी भसम करै ईन्धण नैं त्यूँ ही अरजुन निसचै जाण  
 भसम करै सगळा करमाँ नैं अगन ज्ञान री समझ सुजाण ॥ ४-३७ ॥  
 ज्ञान बराबर कीं नहिं जग में निसचै पावन करै सुजान  
 सिध योगी जण कितै काळ सूँ अनुभव करै आतमा ज्ञान ॥ ४-३८ ॥  
 जको जितेन्द्रिय सरधा लाग्यो वो ही पुरुष लाभलै ज्ञान  
 झटपट परम साँति नैं पावै अरजुन निसचै समझ सुजान ॥ ४-३९ ॥  
 बिन सरधा संसै में भटक्यो भ्रष्ट हुवै वो पुरुष अजाण  
 लोक और परलोक न सुख है संसै में बिनसै सब जाण ॥ ४-४० ॥  
 जकै ज्ञान सूँ संसै मेट्यो अरप करम नैं योग सिधाय  
 पुरुष आतमा बँधै न अरजुन उणनैं करम कदै न बँधाय ॥ ४-४१ ॥  
 समत योग थिर हुयजा भारत उठा ज्ञान रूपी तलवार  
 हिय संसै अज्ञान उपजियो काट ऊभ लड़ जुध ललकार ॥ ४-४२ ॥

• • •

# पाँचवों अध्याय

## करम सन्यास योग

अरजुन पूछ्यो—

कृष्ण ! करम सन्यास बखाणो करम योग निसकाम बखाण  
दोनाँ माँयलो अेक बखाणो कर निसचै कारक कल्याण ॥ ५-१ ॥

भगवान बखाण्यो—

करम योग सन्यास दोउँ ही जाण परम कल्याण करै  
करम योग पण श्रेष्ठ अरजुना सुगम साधणाँ श्रेय करै ॥ ५-२ ॥

द्वेष ध्यावणा करै न अरजुन वो योगी सन्यासी जाण  
राग-द्वेष रो दुंद न राखै बंधण मुगत हुवै सुखमान ॥ ५-३ ॥

सांख्य योग सन्यास करम नैं मूरख न्यारोन्यार बताय  
दोनाँ माँ सूँ किणीं अेक में भी थिर पुरुष परम फळ पाय ॥ ५-४ ॥

ज्ञान योग जो करम योग सो वो ही परम धाम फळ पाय  
जको पुरुष दोनाँ रै फळ नैं अेक लखै सो ठीक लखाय ॥ ५-५ ॥

करम योग विन मिलणो मुसकल पण अरजुन सन्यास सुजाण  
मुनिवर करम योग सूँ लाग्यो पाय ब्रह्म नैं झटपट जाण ॥ ५-६ ॥

आतमजीत जितेन्द्रिय योगी सुध अंतर सूँ लगन लगाय  
अेकाभाव परम में लाग्यो करम करंतो भी न लिपाय ॥ ५-७ ॥

तत जाणणियो योगी मानैं हूँ तो कीं नहिं करूँ सुजाण  
लखत सुगत परसत अर सूँ घत खाँवत जाँवत सोँवत जाण ॥ ५-८ ॥

साँस लेंवताँ और बोलताँ त्यागत ग्रहण करताँ भी  
खोलत मींचत आँख इन्द्रियाँ करम वरतताँ करूँ न कीं ॥ ५-९ ॥

कर अरपण सब करम ब्रह्म रै पुरुष आसकी जो छिटकाय  
जळ सूँ कमळ पात री तरियाँ करताँ करम न पाप लिपाय ॥ ५-१० ॥

इन्द्रिय मन बुद्धी काया सूँ आसक भाव छोड छिटकाय  
करम करै योगी ही केवळ आतम सुध हित लगन लगाय ॥ ५-११ ॥

योगी प्रभु नैं अरप करम फळ भगवत रूप सांति नैं पाय  
फळ पर लट्ठू पुरुष सकामी पणैं कामणा सूँ बँध जाय ॥ ५-१२ ॥

नव दरवाजा रूपी घर में सकळ करम मन सूँ छिटकाय  
निसचै वो करतो न कराँतो तनकावू थिर सुखाँ समाय ॥ ५-१३ ॥

प्रभु नहिं रचै लोक करतापण नहीं करम अर करम सँजोग  
पण कुदरत गुण में गुण वरतै है सगळो कुदरत रो योग ॥ ५-१४ ॥

ग्रहण करै नहिं प्रभू किणीं रा सुभ अर पाप करम आ जाण  
पण माया सूँ ज्ञान ढकायो मोहित जीव हुवै सब जाण ॥ ५-१५ ॥

आतमज्ञान पणैं जिण अंतर मिटिया मेट कियो अज्ञान  
सचिदानन्द परम पळकावै उणरो वो सूरज—सो ज्ञान ॥ ५-१६ ॥

मन बुद्धी उण रूप जिणाँ री उण में ही थिर अेकाभाव  
खोय पाप नैं ज्ञान परायण वो ही पुरुष परम गत पाय ॥ ५-१७ ॥

विद्या—बिनै साँपियो ब्राह्मण गौ हाथी कुत्तो चिण्डाळ  
ज्ञानी जण समदरसी देखै बाँ सगळ्हाँ नैं अेक समान ॥ ५-१८ ॥

मन जिण रो थिर समत भाव में बाँ जीत्यो जीवत संसार  
कारण सम निरदोस ब्रह्म है वो थिर सचिदानंद आधार ॥ ५-१९ ॥

प्रिय नैं पाय न हरखै—कोडै अणप्रिय पाय न मन दुख लाय  
थिर बुधवाण न संसै राखै पुरुष ब्रह्म थित अेका भाव ॥ ५-२० ॥

विषै भोग अन्तर नहिं आसक जो भगवत सुख पाय सुखी  
ब्रह्म योग में पुरुष लागियो आणद अनुभव करै अखी ॥ ५-२१ ॥

विषयाँ योग भोग सुख भासै पण निसचै दुख हेतू जाण  
आद अन्त होवणिया अरजुन सुध-बुधवाण न रमै सुजाण ॥ ५-२२ ॥

काया नास हुवण पैली ही काम क्रोध रो वेग मिटाय  
वो नर ही योगी है अरजुन सुखी हुवै इण लोकाँ माँय ॥ ५-२३ ॥

सुख आराम आतमा राखै निसचै आतम जोत सुजाण  
अेकीभाव परम वो योगी अरजुन पाय ब्रह्म निरवाण ॥ ५-२४ ॥

जिण रा सगळा पाप विनास्या दियो ज्ञान सूँ संसै भेट  
भूत प्राणियाँ हित चित लाग्यो लाभै ब्रह्म सांति सूँ भेट ॥ ५-२५ ॥

काम क्रोध सूँ रहित जीत चित परम ब्रह्म करियाँ साख्यात  
च्यारूँ दिस वै ही ज्ञानी नर बरतै परम ब्रह्म में सांत ॥ ५-२६ ॥

कर भँवराळी बीच नैण थिर विषै भोग वारें ही त्याग  
प्राण-अपाण नासिका विचरै सम कर अरजुन साँस सुभाग ॥ ५-२७ ॥

मन बुद्धी अर जीत इन्द्रियाँ मोख-परायण मुनी सुजाण  
इच्छा भय अर क्रोध विहूणो बीनै सदा मुगत ही जाण ॥ ५-२८ ॥

मन्हें यज्ञ तप भोगी जाणें लखै महेसर लोकाँ माँय  
सकळ भूत प्राण्याँ रो प्रेमी जाण तत्व सूँ साँयत पाय ॥ ५-२९ ॥

• • •





## छठो अध्याय

### आत्म संयम योग

भगवान ब्रह्माण्यो—

जको करमफळ नहीं चाँवतो करणैं जोगो करै करम  
वो सन्यासी-योगी है पण नहीं जु त्यागै अगन करम ॥ ६-१ ॥

जिणनैं यूँ सन्यास ब्रह्माणैं अरजुन योग उणीं नैं जाण  
संकळप त्याग्यां बिनाँ न योगी पुरुष न कोई समझ सुजाण ॥ ६-२ ॥

जको समत बुध योग चढण रीइच्छा करै मुनी मन माँय  
योग हेतु निसकाम करम अर योगी हित संकळप अभाव ॥ ६-३ ॥

करम इन्द्रियाँ रै भोगाँ में आसक नहीं हुवै जिण काल  
सब संकळपाँ रो त्यागी ही योगी पुरुष बजै उण काल ॥ ६-४ ॥

आपोआप आत्मा तारै आप आत्मा नहीं गिराय  
वैरी-सजन आत्मा अपणी दूजो नहीं कोई जग माँय ॥ ६-५ ॥

जको जीतलै आप आत्मा बंधु आत्मा उणरी जाण  
जको न जीतै आप आत्मा वैरी ज्यूँ बरतै आ जाण ॥ ६-६ ॥

सरदी-गरमी अर सुख दुख में साँयत भली माण-अपमाण  
जको आत्मा जीत अरजुना सचिदानन्द समयो जाण ॥ ६-७ ॥

लिबी इन्द्रियाँ जीत आत्मा तिरपत हुई ज्ञान-विज्ञान  
कूड़ न कपट कहीजै योगी माटी-सोनो जिणाँ समान ॥ ६-८ ॥

हीयाळू-वैरी अर मितर द्वेष बंधु मध-भाव उदाँण  
घरमी अर पापी सम समझै वो अरजुन घण श्रेष्ठ सुजाण ॥ ६-९ ॥

चित्त मन आतम जीत्यो योगी विनाँ वासना-सँगरै ध्याय  
थिर अकेलड़ो अेकाँयत में ध्यान लगोलग परम लगाय ॥ ६-१० ॥

सुद्ध भोम में ऊपर-नीचै सुद्ध वसतराँ कुस-मृगछाळ  
आसण घणो न ऊँचो-नीचो बैठै थिर थित आसण ढाळ ॥ ६-११ ॥

उण आसण पर बैठ करै वो अेकागर मन योगाभ्यास  
चित्त इन्दरियाँ किरिया काबू आतम सुध हित योग उजास ॥ ६-१२ ॥

सिर-नस अर काया सम करलै अरजुन अचळ दिढाई धार  
दूजी दिसा न देखै कोई निजर नासिका नोक पसार ॥ ६-१३ ॥

थिर बुध ब्रह्मचारी व्रतधारी निरभै सावधान घण साँत  
मन वस कर म्हाँरै में लाग्यो परम परायण थिर चित्त थाँत ॥ ६-१४ ॥

इयाँ आतमा लगा लगोलग परम रूप योगी स्वाधीण  
परम साँति निरवाण लाभलै जिणरो मन अपणें आधीण ॥ ६-१५ ॥

जो अणखाऊ का घणखाऊ जागै घणो और घण सोय  
निसचै जाण उणाँ पुरुषाँ रो पारथ योग सिद्ध नाँ होय ॥ ६-१६ ॥

जथा जोग आहार-विहाराँ करम चेतटा करै सुजाण  
जथा जोग सोवै-जागै तो योग सिद्ध दुखनासी जाण ॥ ६-१७ ॥

इणतर योग परम थित करियो काबू कियो चित्त जिण काळ  
विनाँ कामणा और लालसा योग युगत बाजै उण काळ ॥ ६-१८ ॥

हीण पून थित थाँह सँजोई हिलै न ज्युँ दीपक री लोय  
परम ध्यान लाग्यै चित्त जीत्यै योगी री उपमा ही सोय ॥ ६-१९ ॥

सेयाँ योग पुरुष जिण बेळा कर काबू चित्त मुगत समात  
सच्चिदानन्द मिलै संतूठै सुध-बुध पाय परम साख्यात ॥ ६-२० ॥

जको अणत आणंद आतमा सुध-बुध ग्रहण करण रै जोग  
भगवत रूप थितै जिण बेळा योगी अनुभव करै सुयोग ॥ ६-२१ ॥

घणों लाभ दूजो नहिं मानैं अरजुन परम लाभ नैं पाय  
भगवत रूप हुयाँ थित योगी घोर दुखाँ भी नाँ विचळाय ॥ ६-२२ ॥

दुख-संजोग-विजोगाँ अरजुन जाण्यो चाव कहीजै योग  
लगन लागियै चित सूँ निसचै है करतव्य धारणो योग ॥ ६-२३ ॥

सँकळप उपजी सकळ कामना आसक भाव छोड-छिटकार  
मन सूँ वस कर सकळ इन्द्रियाँ चारूँमेर भली परकार ॥ ६-२४ ॥

होळै-होळै मिलै मुगत में पारथ परमाँ परम समाय  
धीरज धार बुद्धि सूँ मन में थित कर परम-परम चिंताय ॥ ६-२५ ॥

जिण-जिण कारण सूँ मन चंचळ भोगाँ फिरै-घिरै-विचरै  
वारंवार रोक उण-उण सूँ योगी परम अधीण करै ॥ ६-२६ ॥

जिण रो मन भल साँत अरजुना और पाप सूँ रहित सुजाण  
घण उत्तम आणद लै योगी हुयाँ साँत रज ब्रह्म समाण ॥ ६-२७ ॥

लगा लगोलग परम आतमा पाप रहित योगी इण भाँत  
अनुभव करै अणत आणद नैं पारथ परम ब्रह्म सुख पाँत ॥ ६-२८ ॥

योग युगत समदरसी योगी लग्यो परम में पाण्डू-पूत  
लखै आतमा सब भूताँ में और आतमा में सब भूत ॥ ६-२९ ॥

लखै सकळ भूताँ नैं मैं में सब भूताँ व्यापक म्हाँ जाण  
वो म्हाँरै सूँ नहीं अदीठो अर हूँ उण सूँ नहीं सुजाण ॥ ६-३० ॥

सगळीं भूताँ मन्हें व्यापियो अका भाव भजै सो आण  
सब भाँती वरतंतो वरतै वो योगी मैं में ही जाण ॥ ६-३१ ॥

आप जिसो ही सब भूताँ में अरजुन सम जो लखै सुजाण  
वो ही परम श्रेष्ठ योगी है सुख-दुख देखै सम परमाण ॥ ६-३२ ॥

अरजुन वोल्यो -

समत भाव सूँ ध्यान योग रो आप प्रभू जो कियो वखाण  
मन चंचळ मधुसूदन इण री थिर थित कोनीं लखूँ सुजाण ॥ ६-३३ ॥

मन चंचळ घण मथण स्वभावी कृष्ण घणों द्रिढ़ अर वळवाण  
वायरियै ज्यूँ मन वस करणों हूँ जाणूँ घण कठण सुजाण ॥ ६-३४ ॥

भगवान वखाण्यो—

मन चंचळ वस करणों मुसकल अरजुन इण में संसै नाँय  
पण बैराग करत अभ्यासाँ वार-वार वो वस हुय जाय ॥ ६-३५ ॥

योग परापत होणों मुसकल जो मनड़ो वस कर न सकाय  
सहज साधनाँ जतन करंताँ हुवै आपवस म्हाँरी राय ॥ ६-३६ ॥

अरजुन पूछ्यो—

सरधा थकाँ सिथळ जतनाँ पण जिण रो योग न सिद्धी पाय  
डिगै योग सूँ मनड़ो उणरी कृष्ण गती के हुवै बताय ॥ ६-३७ ॥

के न प्रभू मोहित ब्रह्म मारग पुरुष विनाँ आश्रम भटकाय  
भ्रष्ट भोग-भगवान दोवाँ सूँ ज्यूँ बिखरचा वादळ मिटजाय ॥ ६-३८ ॥

म्हारो संसो साफ मिटावण कृष्ण जोग ही आप सुजान  
मिलै नहीं संसो मेटणियो हूजो कोई आप समान ॥ ६-३९ ॥

भगवान वखाण्यो—

पारथ पुरुष विनासै कोनीं लोक और परलोकाँ माँय  
कारण सुभ प्रिय करम करणियो कोई भी दुरगत नाँ पाय ॥ ६-४० ॥

योग भ्रष्ट वो पुरुष पारथा पुण्य लोक पण पाय निवास  
सुधचारी भाग्याँ घर जलमै उण लोकाँ कर वरसाँ वास ॥ ६-४१ ॥

ज्ञानी अर योगी कुळ जलमै बैरागी उण लोक न जा'र  
पण अरजुन इण भाँत जलमणो निसचै घण दुरलभ संसार ॥ ६-४२ ॥

बठै साधिया पूरब देही लाभै पुरुष बुद्धि संयोग  
उण सूँ जतन करै फिरँ आछा पारथ परम परापत योग ॥ ६-४३ ॥

वो निसचै वस विषै हुयो भी तजै परम पूरण अभ्यास  
समत योग रो जिजासू भी लाँघै सबद ब्रह्म परकास ॥ ६-४४ ॥

घण जलमाँ पायोड़ा सिध अर योगी घण जतनाँ अभ्यास  
घोय पाप सगळा उण साधण पावै परम गती परकास ॥ ६-४५ ॥

तपियाँ और पिंडताँ सूँ भी मानीजै योगी घण श्रेष्ठ  
करम सकाम करणियाँ आछो अरजुन तूँ योगी हुय श्रेष्ठ ॥ ६-४६ ॥

योग्याँ में सरधाळू योगी जो म्हाँरै में लोय लगाय  
परम श्रेष्ठ बो योगी मानूँ निस-दिन मन सूँ मन्हें भजाय ॥ ६-४७ ॥

• • •



# सातवों अध्याय

## ज्ञान विज्ञान योग

श्री भगवान् बखाण्यो—

तूँ आसक मन प्रेम परायण हुय म्हाँरै में योग लगाय  
सब रो आतम रूप समझसी सुण तूँ संसै जियाँ मिटाय ॥ ७-१ ॥

तत्व ज्ञान रै बीं रहस्य नैं हूँ थारै हित कथूँ खुलास  
उण जाण्यौ अरजुन इण जग में जाणण जोग न सेस जरास ॥ ७-२ ॥

कोई अेक हजाराँ मिनखाँ सिद्धी पावण जतन कराय  
जतन करणियाँ विरळा जोगी मन्हें तत्व सूँ जाण सकाय ॥ ७-३ ॥

अंगन पवन जळ-थळ-नभ अरजुन मन बुद्धी अर अहंकार  
इयाँ जाण आ म्हाँरी कुदरत पारथ वँटी आठ परकार ॥ ७-४ ॥

आठ भाँत री अपरा कुदरत समझ अरजुना जड़ परकार  
दूजी परा जीव कुदरत है जिण सूँ जग धारीजै धार ॥ ७-५ ॥

आँ ही दो कुदरत सूँ उपज्या सकळ भूत तूँ समझ सुजाण  
हूँ ही सरजूँ और विनासूँ इण सगळै जग नैं आ जाण ॥ ७-६ ॥

निसचै जाण धनंजै जग में म्हाँरै सिवा न दूजो कोय  
अेक सूत गुँथियो जग म्हाँ में सूताळा मिणियाँ ज्युँ पोय ॥ ७-७ ॥

जळ में हूँ रस जाण अरजुना चाँद-सुरज में हूँ परकास  
वेदाँ में ओंकार, पुरुष में पौरस हूँ, हूँ सबद अकास ॥ ७-८ ॥

हूँ धरती री पुण्य सुगंधी और अगन रो तेज सुजाण  
सकळ भूत प्राण्याँ रो जीवण हूँ तपस्याँ रो तप हूँ जाण ॥ ७-९ ॥



सकळ भूत प्राण्यां रो कारण सदा सनातन हूँ हूँ जाण  
बुधवाणां री बुध हूँ अरजुन तेज्यां रो हूँ तेज सुजाण ॥ ७-१० ॥

विनां कामणा अर आसकती सबळां रो हूँ समरथ सार  
हूँ ही सकळ भूत प्राण्यां में अरजुन काम धरम अनुसार ॥ ७-११ ॥

सत रज तम गुण भाव उपजिया सगळा मैं सूं उपज्या जाण  
पण हूँ आं में अर वै मैं में नहीं असल में समझ सुजाण ॥ ७-१२ ॥

सत रज तम तीनां गुण भावां मोहित है सगळो संसार  
तत सूं लखै न अविनासी नैं तीन गुणां सूं परिया-पार ॥ ७-१३ ॥

तीन गुणी म्हांरी आ माया घणीं अलोकी अपरंपार  
पण जो सैलंग भजै मन्हें ही तिर निसतारै परलै-पार ॥ ७-१४ ॥

माया मोहित ज्ञान गँवाया धारण करिया असुर स्वभाव  
दोसी करम करणिया मूरख मन्हें न अरजुन इता भजाय ॥ ७-१५ ॥

उत्तम करमी अरथ लागिया आरत जिज्ञासू अर ज्ञानी  
च्यार भगत जण भजै मन्हें ही अरजुन जो न असुर अज्ञानी ॥ ७-१६ ॥

बां में भी नित लग्यो भाव सूं अनन-भगत जो सुज्ञानी  
हूँ उण ज्ञानी नैं घण प्यारो और मन्हें वो ही ज्ञानी ॥ ७-१७ ॥

भजन भाव ध्यावै सो उत्तम पण ज्ञानी साख्यात सरूप  
है म्हारो मत थिर बुध ज्ञानी उत्तम गत थित म्हांरै रूप ॥ ७-१८ ॥

घण जलमां में जलम आखरी सब कुछ वासुदेव ही जाण  
दुरलभ इसो मातमा अरजुन भजै मन्हें ही इयां सुजाण ॥ ७-१९ ॥

आप आपरै भाव सभावां बां-बां भोगां ज्ञान गँवाय  
वै-वै नेम धार जो अरजुन ध्यावै दूजा देव भजाय ॥ ७-२० ॥

जो-जो भगत सकामी मनसा सरधा पूजै जो-जो देव  
उणीं भगत री सरधा अरजुन हूँ थिर करदूँ उण ही देव ॥ ७-२१ ॥

पुरुष जको सरधा सूं लाग्यो करे चेसटा पूजन देव  
उणीं देव सूं म्हाँरा सरज्या निसचै भोग बैही लै लेय ॥ ७-२२ ॥

पण उण ओछी बुधवाळां रा नासवाण है फळ जो चाय  
वांनै मिलै देवता बैही म्हाँरा भगत मन्हें ही पाय ॥ ७-२३ ॥

म्हाँरो परम भाव अविनासी तत्व न लखै पुरुष बुध हीण  
वै सरवोतम परा न समझै मानें पुरुष भाव ही लीण ॥ ७-२४ ॥

हूं म्हाँरी माया सूं लुकियो सबनै पिरतक नहीं लखाय  
मूढ पुरुष अणजण अविनासी मन्हें न अरजुन जाँणण पाय ॥ ७-२५ ॥

काल आज अर काल आँवतां सब भूतां हूं राखूं जाण  
सरधा भगती हीण पुरुष पण मन्हें न कोई पावै जाण ॥ ७-२६ ॥

इंछा-द्वेष उपजियाँ सुख-दुख दुंद मोह घिरिया सब प्राण  
भरत वंस रा लाल अरजुना प्राणी पावै घण अज्ञान ॥ ७-२७ ॥

पण जिण पुरुषाँ धरम करम सूं पारथ दीनो पाप नसाय  
दुंद मोह सूं मुगत हुया वै द्रिढ़ बरती सब मन्हें भजाय ॥ ७-२८ ॥

जरा मरण छुटकारो पावण म्हाँरी सरणाँ जतन कराय  
परम करम सगळो अध्यातम जाणै पुरुष ब्रह्म वो पाय ॥ ७-२९ ॥

भूत देव अधियज्ञ सभी में जाणै पुरुष मन्हें ही जोय  
अरजुन निसचै वै नर चेत्या अंतकाल भी पावै मोय ॥ ७-३० ॥

• • •



# प्राठर्वो अध्याय

## अक्षर ब्रह्मयोग

अरजुन पूछ्यो—

के है ब्रह्म करम अध्यात्म पुरुषोत्तम जो कियो बखाण  
के है जो अधिभूत बतायो अर के है अधिदेव सुजाण ॥ ८-१ ॥

मधुसूदन अधियज्ञ कूण है अठै कियाँ वो इणाँ शरीर  
अंतकाळ थे कियाँ लखावो लगन लग्यै चित पुरुष सरीर ॥ ८-२ ॥

भगवान बखाण्यो—

आखर परम ब्रह्म है अरजुन जीवात्म अध्यात्म जाण  
भूत भाव उपजणियो, करियो यज्ञ-दान ही करम सुजाण ॥ ८-३ ॥

उपजै-विनसै सकळ पदारथ बै अधिभूत भाव है जाण  
समझ पुरुष अधिदेव अरजुना हूँ देहाँ अधियज्ञ सुजाण ॥ ८-४ ॥

अन्तकाळ में मन्हें सुमरतो ही जो त्यागै पुरुष सरीर  
इण में संसै नहीं अरजुना वो खुद म्हाँनै पाय सरीर ॥ ८-५ ॥

अन्तकाल में जिण-जिण भावाँ सुमरण करतो तजै सरीर  
जकै भाव नै सदा चींततो पावै बोही भाव सरीर ॥ ८-६ ॥

सैलैंग सुमर मन्हें ही अरजुन इणतर लाग जुद्ध भी कर  
निसचै जाण मन्हें ही पासी मन बुध सँ म्हाँ अरपण कर ॥ ८-७ ॥

परम ध्यान अभ्यास योग लग चित नाँ डाँवाडोळ कराय  
परम दिव्य परमात्म पावै अरजुन जो सैलैंग चिंताय ॥ ८-८ ॥

सरव जाण अणु रै अणु नैं जो उण अनाद सासक सबरै  
रवि वरणै दाता अंचित्य नैं परा अविद्या नैं सुमरै ॥ ८-९ ॥

अंतकाळ बो भगती भायो योग बळां भौं मध थित प्राण  
निसचळ मनां सुमरतो अरजुन परम दिव्य ही पुरुष समाण ॥ ८-१० ॥

ओंकार कह परम वेद विद जती वीतरागी जिण जाण  
परम चावणा रह ब्रह्मचारी सो पद सुण संखेप बखाण ॥ ८-११ ॥

काबू कर बै सगळा मारग मन हिरदै रै मांय थमाय  
योग धारणा थित कर अरजुन मसतक में निज प्राण थपाय ॥ ८-१२ ॥

ॐ अेक आखर उण ब्रह्म नैं जो उचारतो म्हाँरो रूप  
त्याग जाय तन जको चींततो मुगत पाय बो परम स्वरूप ॥ ८-१३ ॥

अनन चित्त सूं सदा लगोलग अरजुन जको मन्हें सुमराय  
बीं नित युगत हुयै योगी हित हूं हूं सुलभ सहज बो पाय ॥ ८-१४ ॥

परम सिद्धि पाया महातमा पारथ मन्हें परापत होय  
दुख रो थान जिको छिणभंगुर पुनरजलम पावै नहिं कोय ॥ ८-१५ ॥

ब्रह्म लोक सूं ले सब लोकां सगळा पुनरजलम ही पाय  
पण अरजुन जो मन्हें पायलै बो प्राणी न पुनरजलमाय ॥ ८-१६ ॥

ब्रह्मा रो दिन और रात भी सैंस चौकड़ी युग परवाँण  
काळ तत्व वै योगी जाणें जका तत्व सूं राखै जाण ॥ ८-१७ ॥

ब्रह्मा रो दिन जद परवेसै उणसूं ही जलमै सब भूत  
और रात उणरी परवेस्यां उण में ही लय होवै भूत ॥ ८-१८ ॥

उतपन हुय-हुय वस कुदरत रै बो ही सकळ भूत समुदाय  
आयां रात हुवै लय पारथ दिन आयां फिर जलम धराय ॥ ८-१९ ॥

अरजुन ब्रह्म अनोखो है पण उणीं ब्रह्म सूं घणों परै  
परम भाव जो सदा सनातन भूत मरचां भी नहीं मरै ॥ ८-२० ॥

आखर ब्रह्म कह्यो इण भाँती बो ही परम गती रो भाव  
 वो ही परम धाम है म्हारो मिल्याँ सनातन फेर न आय ॥ ८-२१ ॥  
 सकळ भूत जिण में अर जिण सूर् परिपूरण है सगळो लोक  
 परम सनातन पुरुष अरजुना अनन भाव सूर् पावण जोग ॥ ८-२२ ॥  
 त्याग गयाँ तन जिणीं काळ में योगी जण जो पाय सुजाण  
 पूठा आण न आवण री गत उणीं काळ नैं कहस्यूँ जाण ॥ ८-२३ ॥  
 अगत जोत दिन अर चानणपख छव महिनाँ उतरायण माँय  
 गयाँ ब्रह्म जाण्या योगीजण पारथ परम ब्रह्म ही पाय ॥ ८-२४ ॥  
 धूम रात अर अंधारैपख छव महिनाँ दिखणायण माँय  
 गयाँ सकामी करमी योगी चाँद जोत पा पूठा आय ॥ ८-२५ ॥  
 सुकळ-कृष्ण दो भाँत जगत गत मारग लिया सनातन मान  
 अेकाँ पाय परम गत दूजाँ जलम-मरण फिर पूठा आण ॥ ८-२६ ॥  
 जको तत्व जाणै दोउँ मारग योगी मोहित हुवै न जाण  
 इण कारण हुय योग युगत तूँ सरबकाळ ही साध सुजाण ॥ ८-२७ ॥  
 परम सनातन पद ही पावै योगी लेय तत्व सूर् जाण  
 वेद पढण तप यज्ञ दान रो निसचै पुन-फळ लाँघ सुजाण ॥ ८-२८ ॥

• • •



## नवों अध्याय

### राज विद्या राज गुह्य योग

भगवान ब्रह्मण्यो—

तैं निरदोस भगत नैं कहस्यु गोपण परम ज्ञान-विज्ञान  
दुख संसार मुगत हुयजासी अरजुन तूँ निसचै जिण जाण ॥ ९-१ ॥

राज रहस विद्या रो राजा अविनासी धरमी बो ज्ञान  
सुध उत्तम पिरतक फळदायक सुगम साधना घणो सुजान ॥ ९-२ ॥

ज्ञान धरम सरधा नहिं जिण री बो नर अरजुन मन्हें न पाय  
मिरत लोक संसारी चकरी भुँवतो फिरै भुँवाळी खाय ॥ ९-३ ॥

परम आतमा सचिदानंद सूं सराबोर सगळो जग जाण  
सकळ भूत सकळप थित म्हां में पण हूं थित बां में न सुजाण ॥ ९-४ ॥

पण लख असर योग माया रो सकळ भूत म्हां में थित नांय  
भूत जणक धारक पोषक री थित न आतमा भूतां मांय ॥ ९-५ ॥

ज्यूँ सरवाळै सदा विचरणो आभै में थित पवन महान  
सकळप जण्या भूत वै सगळा म्हां में थित नित समझ सुजान ॥ ९-६ ॥

वीत्यां कळप हुवै सब अरजुन भूत म्हांरळी कुदरत लीन  
भळै कळप रो ऊदो आयां हूं बांनैं करदूँ सरजीण ॥ ९-७ ॥

अंगीकार तिरगुणी माया वारंवार रचूं सरजाय  
परवस हुयै सुभावां कारण अरजुन सकळ भूत समुदाय ॥ ९-८ ॥

विनां आसकी अणमणियै ज्यूँ बां करमां थित हुयै थिताय  
मैं परमात्म नैं वै सगळा करम पारथा नहीं वेंधाय ॥ ९-९ ॥



म्हाँरी देख-रेख में अरजुन इण हेतु माया गरणाय  
 सकळ जगत सचराचर सरजै जलम-मरण रो चक्र चलाय ॥ ९-१० ॥  
 भूत महेसर परम भाव नैं नाँ जाणणिया मूढ जणाय  
 मै मिनखा देही धारणियै परमात्म नैं तुच्छ गिणाय ॥ ९-११ ॥  
 बिरथा करम ध्यान घर आसा निपट अनाड़ी राखस जाण  
 असुर राखसाँ जिसी मोहणी तामस बिरती धरी अजाण ॥ ९-१२ ॥  
 पण कुंती सुत बै महातमा जिका देव बिरती रै ताण  
 भजै अेक मन लगन लगाय्याँ समझ सनातन अमर सुजाण ॥ ९-१३ ॥  
 सदा कीरतन करै भगत जण द्रढ निसचै भगती मन धार  
 जतन करंताँ निवै ध्यान सूँ भज मन म्हाँनैं बारंबार ॥ ९-१४ ॥  
 ज्ञान यज्ञ सूँ पूजन करता भजै उपासै अेकाकार  
 परम विराट रूप नै म्हाँनैं भाँत-भाँत मन भाव विचार ॥ ९-१५ ॥  
 यज्ञ करम हूँ अन्न औषधी अगन धिरत हूँ मंत्र सुजाण  
 हूँ ही होम होमायत किरिया अरजुन तूँ निसचै मन जाण ॥ ९-१६ ॥  
 मात पिता दादो हूँ जग रो हूँ ही हूँ धाता संसार  
 साम यजुर रिग वेद हूँ ही हूँ जाणण जोग सुद्ध ओंकार ॥ ९-१७ ॥  
 हूँ स्वामी सुभ लाभ लखणियो गत मुगती सब रो भरतार  
 वास सरण हित उतपत परळै थान मुकाम अमर आधार ॥ ९-१८ ॥  
 हूँ सूरज तप बिरखा बरसूँ अमरत और मरत हूँ जाण  
 सत अर असत हूँ ही हूँ सब कुछ समझ पारथा इयाँ सुजाण ॥ ९-१९ ॥  
 तीनूँ वेद विधान करम सुभ साध सोम रस पान करै  
 जका सरग इच्छा जिग पूजै दिव्य लोक पुन भोग करै ॥ ९-२० ॥  
 सुरग भोग पुन खीण हुयाँ बै मिरत लोक भोगै नर-नार  
 जका भोग री करै कामना जलम-मरण लै बारंबार ॥ ९-२१ ॥  
 अेक लगन सूँ जका भगत जण भजै भाव सूँ मन्हें चितार  
 हूँ खुद आप उणाँ पुरुषाँ रै खेम-कुसळ करदूँ संसार ॥ ९-२२ ॥

जेका भगतजण सरधा पूजै दूजा देव बिनाँ विध ज्ञान  
 तो भी बै म्हानैँ ही पूजै सुण अरजुन तूँ समझ सुजान ॥ ९-२३ ॥  
 सकळ यज्ञ भोगणियो स्वामी हूँ ही हूँ अरजुन तूँ जाण  
 बै नर मन्हें तत्व नहिं जाणें इणतर पाय पुनर-जलमाण ॥ ९-२४ ॥  
 पूज्याँ देव देव ही पावै पितर पूजियाँ पितर समाय  
 भूत पूजियाँ भूताँ भेळा म्हारा भगत मन्हें ही पाय ॥ ९-२५ ॥  
 पान फूल फळ जळ अरपण कर प्रेम भाव सँ भेट चढ़ाय  
 वो अरपणियो भोग भगत रो भोगूँ पिरतक प्रीत लगाय ॥ ९-२६ ॥  
 जो कुछ करम करै तूँ खावै करै हवन तप देवै दान  
 कर म्हारै अरपण बै सगळा अरजुन तूँ मन में सुभ मान ॥ ९-२७ ॥  
 सुभ अर असुभ करम फळ बंधण इणतर जोग धार तरसी  
 मुगत हुयो मतवाळो मनवो अरजुन तूँ म्हानैँ पासी ॥ ९-२८ ॥  
 हूँ समभाव सकळ भूताँ में व्यापक हूँ सगळाँ मन माँय  
 नाँ कोइ प्यारो नाँ कोइ खारो भजै सो म्हारो हूँ उण माँय ॥ ९-२९ ॥  
 जो कोइ घणो दुराचारीं भी अेक लगन सँ मन्हें भजाय  
 वो साधू ही जाणण जोगो भली भाँत निसचै मन माँय ॥ ९-३० ॥  
 इणतर तुरत हुवै धरमातम परम साँयती सदा समाय  
 निसचै साच जाण तूँ अरजुन बै ही परम मोक्ष फळ पाय ॥ ९-३१ ॥  
 नारी-वैस्य सूद्र सब कोई जो कोइ पाप जूण में आय  
 म्हारी सरण हुया जो अरजुन बै ही परम मोक्ष फळ पाय ॥ ९-३२ ॥  
 ब्राह्मण राजरिसी के कहणो भगत परम गति पुण्य समाय  
 छिणभंगुर सुख हीण लोक नर-देह पाय तूँ मन्हें भजाय ॥ ९-३३ ॥  
 अेकमनो हुय भज म्हानैँ ही लुळ-लुळ सरधा भाव पुजाय  
 इणतर सरण आतमा कर तूँ मन्हें पारथा लेसी पाय ॥ ९-३४ ॥

• • •



## दसवों अध्याय

### विभूति योग

भगवान ब्रह्माण्यो—

अजूं भलै सुण रे भुरजाळा म्हांरा परम रहस रा बोल  
घणों प्रेम राखणियै तैं हित कहस्यूं जका खुलासा खोल ॥ १०-१ ॥

देव महरिसी लोग न जाणैं म्हांरो उतपतियो अवतार  
कारण देव महरिस्यां री भी उतपत रो हूँ ही आधार ॥ १०-२ ॥

मन्हें अजलमो और अनादी भलै जु जाणैं लोक महेस  
मुगत हुवै सगळा पापां सूं वो ज्ञानी मिनखाँ मरतेस ॥ १०-३ ॥

सुध बुध ज्ञान खमाँ सत धारण दमण समण अणमोह सुजाण  
डर अर निडर भाव सुख दुख रा उतपत-लय म्हां सूं ही जाण ॥ १०-४ ॥

तप संतोष अहिंसा समता दान किरत-अपकिरत ब्रह्माण  
घण विध भाव भूत-प्राण्यां रा हुवै सभी म्हांसूं ही जाण ॥ १०-५ ॥

च्यार सनक मुनि सात महरिसी अर चवदह मनु सभी सुजाण  
म्हांरै भाव जण्या सैंकळप सूं बाँरी प्रजा लोक सब जाण ॥ १०-६ ॥

जो नर योग-विभूती म्हांरी तत सूं जाणैं समझ सुजाण  
निसचळ ध्यान योग लग निसचैं अक लगन म्हां में थित जाण ॥ १०-७ ॥

हूँ ही जग उतपत रो कारण सकळ चेसटा रो आधार  
तत्व जाण सरधा भगती सूं भजै लगोलग मन्हें भजार ॥ १०-८ ॥

चित मन प्राण मन्हें नित अरपै आपस परम प्रभाव ब्रह्माण  
तूठ रमें म्हांरो गुण गावै वे म्हांनै ही पाय सुजाण ॥ १०-९ ॥

लगन प्रेम सूँ लगा लगोलग जका भगत जण मन्हें भजाय  
हूँ देऊँ बुध योग उणाँ नैं जिण सूँ बै म्हाँनैं ही पाय ॥ १०-१० ॥

बाँ भगताँ पर किरप करण ही हूँ उण घट वैठूँ थित थान  
जगमग जोत ज्ञान दीपक सूँ मेटूँ अंधकार अज्ञान ॥ १०-११ ॥

अरजुन बोल्यो—

परम ब्रह्म हो परम धाम हो आप परम पावन भगवान  
सदा सनातन दिव्य पुरुष हो आदि देव अणजण्या महान ॥ १०-१२ ॥

देवल असित व्यास अर नारद देवरिसी सब करै बखाण  
आप सरब व्यापक अणजणिया कहो आप खुद मन्हें सुजाण ॥ १०-१३ ॥

केसव आप कहो जो म्हाँनैं हूँ सब सत जाणूँ सत मान  
दानव देव कोय नाँ जाणें थाँरोड़ी लीला भगवान ॥ १०-१४ ॥

हे देवाँ रा देव जगत पति भूत जनक भूतेस महान  
खुद ही आप आपनैं जाणो हे पुरुषोत्तम आप सुजान ॥ १०-१५ ॥

आप आपरी दिव्य विभूती पूरण रूप बखाणण जोग  
जकी विभूत्याँ व्याप आप प्रभु थित व्यापक हो सगळाँ लोक ॥ १०-१६ ॥

कूँकर सदा चितारूँ थाँनैं योगेसर जाणूँ थाँ जाण  
किण-किण भाव चितारण जोगा थे म्हाँरै सूँ हो भगवान ॥ १०-१७ ॥

योग सक्ति अर परम विभूती भळै बखाणो कर बिसतार  
अमर वचन सुणताँ नहिँ धापूँ हे जनारदन बारम्बार ॥ १०-१८ ॥

भगवान बखाण्यो—

अरजुन अन्त नहीं बिसताराँ जाण समझ कुरुश्रेष्ठ सुजाण  
मोटी-मोटी दिव्य विभूत्याँ तैं हित करस्यूँ अबैं बखाण ॥ १०-१९ ॥

सब भूताँ रै हियै विराजूँ हूँ सगळाँ रो आत्म जाण  
आदि मध्य अर अन्त हूँ ही हूँ ओ अरजुन तूँ समझ सुजाण ॥ १०-२० ॥

हूँ अदीत रो वेटो विष्णूँ जोत किरण सूरज हूँ जाण  
पवनाँ में हूँ पवन मरीची अर नखताँ में चन्द्र सुजाण ॥ १०-२१ ॥

वेदाँ में हूँ सामवेद हूँ देवाँ में हूँ इन्द्र सुजाण  
सकळ इन्द्रियाँ में हूँ मन हूँ भूताँ रो चेतो हूँ जाण ॥ १०-२२ ॥

यक्ष राखसाँ में कुबेर हूँ रुद्राँ में संकर हूँ जाण  
सिखराँ में हूँ मेरु-सुमेरु वसुआँ में हूँ अगन सुजाण ॥ १०-२३ ॥

मुख पुरोहिताँ में विसपत हूँ सेनापत्याँ कारतिक जाण  
जळाँ-सरवराँ में सागर हूँ मन्हें पारथा समझ सुजाण ॥ १०-२४ ॥

महरिसियाँ में भृगू रिसी हूँ वाणी अकाक्षर ओंकार  
यज्ञाँ में जप यज्ञ पारथा थिराँ हिमाळो हूँ थिरथार ॥ १०-२५ ॥

विरछाँ-माँय विरछ पीपळ हूँ देव रिस्याँ नारद मुनि जाण  
गंधरवाँ में समझ चित्ररथ कपिल मुनी हूँ सिधाँ सुजाण ॥ १०-२६ ॥

घोड़ाँ अमर उचैसरवा हूँ हाथ्याँ में अरावत जाण  
नराँ माँयलो निरप पारथा म्हाँनै ही तो समझ सुजाण ॥ १०-२७ ॥

ससतरियाँ में वजर अरजुना कामधेन धेनाँ रै माँय  
पूत जणण हित कामदेव हूँ सरपराज सरपाँ रै माँय ॥ १०-२८ ॥

नागाँ में हूँ सेसनाग हूँ जळ जीवाँण वरुण हूँ जाण  
पितराँ में करयम पितरेसर राजाँ में जमराज सुजाण ॥ १०-२९ ॥

दैत्याँ में पैळाद पारथा काळ गिणतकाराँ हूँ जाण  
पसुआँ में हूँ सिघ अरजुना पाँखीड़ाँ में गरुड सुजाण ॥ १०-३० ॥

सुद्ध करणियाँ पवन पारथा ससतर धारचाँ राम सुजाण  
माछलियाँ में मगरमच्छ हूँ नदियाँ में हूँ गंगा जाण ॥ १०-३१ ॥

आद अंत मध हूँ सिसट्याँ रो विद्या में ब्रह्मविद्या जाण  
वादों में हूँ सारवाद हूँ अरजुन आ ही गगन मृजाण ॥ १०-३२ ॥

आखरियाँ में हूँ अकार हूँ और समासाँ दुंद समास  
काळाँ में हूँ महाकाळ हूँ धाता रूप विराट उजाण ॥ १०-३३ ॥

मौत सरवनासी हूँ ही हूँ अर भावी उतपत हूँ जाण  
नारचाँ श्री धृति वाक कीरती स्मृति मेधा अर क्षमा सुजाण ॥ १०-३४ ॥

श्रुतियाँ में हूँ बृहतसाम हूँ छंदाँ में गायत्री जाण  
मिंगसर मास हूँ ही मासाँ में रितुआँ माँय वसंत सुजाण ॥ १०-३५ ॥

छळगाराँ में हूँ जूवो हूँ तेज तेजस्याँ में हूँ जाण  
जीत जिताराँ नेहचाँ नेहचो सत पुरुषाँ सत भाव सुजाण ॥ १०-३६ ॥

वृष्ण वंसियाँ वासुदेव हूँ पाण्डू-सुताँ धनंजै जाण  
मुनियाँ में हूँ वेदव्यास हूँ कवियाँ सुकराचार्य सुजाण ॥ १०-३७ ॥

दमण करणियाँ रो हूँ डंडो नीत जीत चावणियाँ जाण  
हूँ ही मौन गुपत भावाँ में ज्ञानवान रो ज्ञान सुजाण ॥ १०-३८ ॥

अरजुन सकळ भूत उतपत रो बीज जको हूँ ही हूँ जाण  
म्हाँ बिन भूत चराचर कोनी कोई भी तो समझ सुजाण ॥ १०-३९ ॥

अंत परंतप नहीं म्हाँरळी दिव्य विभूत्याँ रो तूँ जाण  
थोडै में बिसतार उणाँ रो तैं हित कहियो समझ सुजाण ॥ १०-४० ॥

दीसै जठै विभूती जोती कांति सक्ति बीनै ही जाण  
म्हाँरै तेज अंस सूँ उतपत सकळ पारथा समझ सुजाण ॥ १०-४१ ॥

घण जाणण सूँ के परयोजन जाण तत्व सूँ मन्हें सुजाण  
अक अंस माया सूँ सगळो धार जगंत थित हूँ नित जाण ॥ १०-४२ ॥

• • •

## इग्यारवौं अध्याय

### विस्व रूप दरसन योग

अरजुन बोल्यो—

गुप्त ज्ञान रा वचन बखाण्या भारी महर करी भगवान  
परम ज्ञान री जोत जगाई मिटा दियो म्हारो अज्ञान ॥ ११-१ ॥

श्रीमुख सूं मैं सुणी खुलासा भूत जगत उतपती विनास  
अविनासी हो आप प्रभुजी परम जोत हो परम उजास ॥ ११-२ ॥

आप बखाणो सो सब साचो हे परमेश्वर है विसवास  
पण पिरतक दरसन करणैं री म्हाँरोड़ै मनड़ै अभिलास ॥ ११-३ ॥

दरसन दैण जोग जे जाणो तो योगेश्वर परम सुजान  
परम रूप रो पिरतक दरसन अविनासी देओ भगवान ॥ ११-४ ॥

भगवान बखाण्यो—

भाँत-भाँत रा वरण हजारूँ दिव्य रूप थारै हित धार  
हूँ ऊभो निजराँ रै सामो निरख पारथा निजर पसार ॥ ११-५ ॥

भरत वंस रा वीर अरजुना देख अदित हूँ वसू सुजाण  
रुद्र असविनी पवन सभी हूँ अणलखियो इचरजियो जाण ॥ ११-६ ॥

गुडाकेस थिर निजर निरखलै सकळ चराचर जगत निहार  
भळै जको भी निरखण चावै भली भाँत लख निजर पसार ॥ ११-७ ॥

पण तूँ थारी इण निजराँ सूं निरख सकै नहि म्हाँरो रूप  
इण कारण हूँ दिव्य-नेतरा निरख पारथा दिव्य सरूप ॥ ११-८ ॥



संजय बतायो—

संजय बोल कह्यो राजा नैं, इण उपरांत कृष्ण भगवान  
अपणो दिव्य रूप दरसायो अरजुन नैं प्रभु परम सुजान ॥ ११-९ ॥

अणगिण मुख नेतर उदबुदिया भांत-भांत रा रूप सँवार  
दिव्य भुजावाँ दिव्य भूषणाँ अणगिण दिव्य ससतराँ धार ॥ ११-१० ॥

दिव्य माळ सुभ वसतर सोभै दिव्य सुगंधी री महकार  
अरजुन दरस प्रभु रो करियो इचरज भरियो अपरंपार ॥ ११-११ ॥

आभैयै में ऊग हजारूँ सूरज सागै करै उजास  
तो भी राजन इसो न जिसड़ो विस्वरूप रो परम प्रकास ॥ ११-१२ ॥

इचरज भरियो रूप देखताँ अरजुन निरख्यो निजर पसार  
परम प्रभू री काया में थित न्यारोन्यार सकळ संसार ॥ ११-१३ ॥

उण उपरांत हँआँ फुरकंताँ इचरज सूँ अरजुन हरषाय  
हाथ जोड़ सरधा सूँ बोल्यो लुळ-लुळ प्रभु नैं सीस नवाय ॥ ११-१४ ॥

अरजुन बोल्यो—

प्रभु थाँरी काया में दीसै सकळ देव-भूतळ समुदाय  
कँवळ आसणाँ ब्रह्मा राजै महादेव रिसि साँप सुझाय ॥ ११-१५ ॥

हाथ पेट मुख नैण अनेकूँ अणत रूप स्वामी दरसाय  
आद मध्य अर अंत न दीसै विस्वरूप रो पार न पाय ॥ ११-१६ ॥

गदा मुगट अर चक्र प्रकासै दसूँ दिसा में जोत पसार  
सूरज अगन जिसो पळकारो रूपळ रूप पड़ै भळकार ॥ ११-१७ ॥

जाणण जोग परम आखर हो परम ब्रह्म परमात्म आप  
पुरुष सनातन धरम रुखाळा जग रो अक आसरो आप ॥ ११-१८ ॥

आद मध्य अर अंत बिनाँळा लखूँ अणत प्रभु समरथवान  
सूरज चाँद नैण जग तापै अगण भुजा मुख अगन समान ॥ ११-१९ ॥

सरग धरा मध आसमान अर दसूँ दिसा परिपूरण आप  
 तीनूँ लोक डरंता काँपै निरख भयंकर अद्भुत आप ॥ ११-२० ॥

सकळ देव परवेस आप में डर कर जोड़ करै गुणगान  
 सिद्ध महिरसी मंगळ गावै विनती करै हुवो कल्याण ॥ ११-२१ ॥

रुद्र अदित वसु और साधगण मरुत असविनी विसवेदेव  
 सिद्ध पितर गंधर्व यक्षगण राखस लखै अचूँभा लेय ॥ ११-२२ ॥

अणगिण हाथ पाँव मुख नेतर उदर जाड़ सब करुड़ कराळ  
 हूँ डरपूँ सब लोक डरपिया निरख रूप थाँरो विकराळ ॥ ११-२३ ॥

हे विसणूँ गिगनार परसता गमकतड़ा थाँरा बहुरूप  
 जगमग मुख मोटा नेतर लख डरपूँ धीर न सांति अनूप ॥ ११-२४ ॥

परळै री अगनी मुख जगता विकराळी जाड़ाँ लख माँय  
 दिसा न सूझै मिलै न सुखड़ो जगदाधार प्रभू तूठाय ॥ ११-२५ ॥

भीषम द्रोण करण सब जोधा घृतरासटर-सुत नृप समुदाय  
 हूँ सब लखूँ करै परवेसो बेगोबेग आपरै माँय ॥ ११-२६ ॥

म्हाँरै भी पख रा मुख जोधा विकराळी जाड़ाँ मुख माँय  
 भळै केई भुरभुरिया माथाँ लखूँ आप दाँताँ लिपटाय ॥ ११-२७ ॥

ज्यूँ नदियाँ रो नीर वेग सूँ जाय समँदराँ माँय समाय  
 विस्व रूप मुखड़ाँ परवेसै सूरवीर नर रा समुदाय ॥ ११-२८ ॥

ज्यूँ मो-माया पड़ै पतंगा नष्ट हुवणनै वळती लाय  
 त्यूँ सगळा ही लोग विनासण घणै वेग सूँ आप समाय ॥ ११-२९ ॥

आप सकळ लोकाँ नें चाटो जगमग मुखड़ाँ माँय ग्रसाय  
 जवर जोत सूँ विसणूँ जगनै दिव्य तेज सूँ ताप-तपाय ॥ ११-३० ॥

करुड़ रूप धारी थे कुण हो प्रभु म्हाँरै हित करो वखाण  
 नमूँ तत्व पिरकरती जाणण हे देवाँ-रा देव तुठाय ॥ ११-३१ ॥

भगवान बखाण्यो—

सब लोकाँ रो नास करणियो महाकाळ बधियो हूँ जाण  
प्रगट हुयो हूँ लोक विनासण तैं बिन मिटसी विपख सुजाण ॥ ११-३२ ॥

जस री जोत जगा उठ अरजुन दुसमण जीत राज सुख भोग  
सूर सव्यसाची मैं मारचा निमित्त मात्र बण समझ सुयोग ॥ ११-३३ ॥

भीषम द्रोण करण जयद्रथ सब जोधा म्हाँ मारचा तूँ जाण  
डर मत मार जीतसी निसचै उठ अरजुन कर जुध घमसाण ॥ ११-३४ ॥  
संजय बतायो—

सुण केसव रा वचन काँपतो डरतो अरजुन कर जोड़ाय  
नमसकार कर घणों गळगळो प्रभु सँ बोल्यो सीस निवाय ॥ ११-३५ ॥

अरजुन बोल्यो—

नाँव कीरतन सँ जग प्रभुवर हरख-हरख अनुराग लगाय  
दिस-दिस में राखस डर भागै नमै सिद्धगण रा समुदाय ॥ ११-३६ ॥

आद देव ब्रह्मा रा करता नमसकार वै क्यूँ न कराय  
आप अणत देवेस जगत रा ब्रह्म आखराँ सभी समाय ॥ ११-३७ ॥

आद सनातन पुरुष आप प्रभु परम अणत हो जगदाधार  
ज्ञानी आप जाणणें जोगा परम विस्व व्याप्यो परसार ॥ ११-३८ ॥

अगन पवन अर वरुण चन्द्रमा आप प्रभू ही हो यमराज  
ब्रह्मा रा भी आप ब्रह्म हो नमूँ हजरूँ वार प्रणाम ॥ ११-३९ ॥

नमसकार है सकळ दिसा सँ आगै-लारै सँ सब रूप  
आप अणत समरथ विकरम हो जग व्याप्यो है विस्व सरूप ॥ ११-४० ॥

प्रभुवर मैं महिमा नहिं जाणी सखा भाव सँ समझ सुजाण  
कह्यो प्रेम सँ का आळस सँ कृष्ण सखा यादव अणजाण ॥ ११-४१ ॥

हँसी मसखरी आसण सैया अपमाण्यो आहार-विहार  
अकलड़ाँ का सखाँ सामनेँ करी भूल दो प्रभू विसार ॥ ११-४२ ॥

पूजनीक गुरुवर विसवेसर जगत चराचर पिता सुजान  
तीन लोक में थाँसूँ मोटो कोनीं दूजो आप समान ॥ ११-४३ ॥

पिता पुत्र रा सखा सखा रा पति पतनी रा सह अपराध  
प्रभु तूठण निंव करूँ वीनती सहण जोग म्हाँरा अपराध ॥ ११-४४ ॥

प्रभु इचरजियो अलख रूप लख हरखूँ पण मनडै भय लाय  
जगदाधार प्रभूजी तूठो रूप चतरभुज ही दरसाय ॥ ११-४५ ॥

विस्व रूप हे सहसबाहु प्रभु विष्णूँ रूप धरो प्रगटाय  
रूप चतरभुज दरसण चाहूँ गदा चक्र धर-मुगट धराय ॥ ११-४६ ॥

भगवान बखाण्यो—

आद अनंत तेज दरसायो अरजुन किरप योग बळ रूप  
तैं सिवाय दूजै नहिं लखियो ओ' विराट अर परम सरूप ॥ ११-४७ ॥

वेद यज्ञ रा पाठ करो या दान करम कर तपो अनूप  
तैं सिवाय लख सकैं न दूजो मिरत लोक में विस्व सरूप ॥ ११-४८ ॥

लख विकराळ रूप मत घबरा मूढ भाव अरजुन मत लाय  
संख चक्र अर गदा पदम धर निडर प्रीत मन भळै लखाय ॥ ११-४९ ॥

संजय बतायो—

इण तरियाँ भगवान बोल फिर रूप चतरभुज दियो दिखाय  
आकळ-वाकळ अरजुन नैं प्रभु साँवर सूरत धीर बँधाय ॥ ११-५० ॥

अरजुन बोल्हो—

प्रभु थाँरो लख रूप साँवरो हुयो सांत चित हूँ चित लाय  
हे जनारदन निरख आपनैं अब पायो मै निजू सभाव ॥ ११-५१ ॥

भगवान बखाण्यो—

तैं निरख्यो जो आज अरजुना दुरलभ धणों चतरभुज रूप  
देव सदा दरसण नैं तरसै निरखण म्हाँरो इसो सरूप ॥ ११-५२ ॥

अरजुन मन री अचळ थापना कर न सकै जे म्हाँरै माँय  
 तो तूँ कर अभ्यास जोग सँ म्हाँ पावण ईछा मन लाय ॥ १२-९ ॥  
 जे न सकै अभ्यास करण तूँ म्हाँ हित परम करम अपणाय  
 म्हाँरै अरथ करम करतो भी तूँ सिद्धी ही लेसी पाय ॥ १२-१० ॥  
 भळै जदी कर सकै न ओ भी तो तूँ म्हाँरै सरणें आय  
 सरब करम फळ त्याग जोग सँ मन जीत्योड़ो म्हाँनै पाय ॥ १२-११ ॥  
 ज्ञान बडो अभ्यास जोग सँ और ज्ञान सँ ध्यान विसेस  
 बडो करम फळ त्याग ध्यान सँ ततखण हुवै साँति परवेस ॥ १२-१२ ॥  
 बैर भाव बिन सब भूताँ में बिन स्वारथ मितर किरपाळ  
 अहंकार ममता नहिं व्यापै सम सुख दुख नर जको खमाळ ॥ १२-१३ ॥  
 जको रात दिन ध्याय ध्यान सँ हाण-लाभ राखै संतोस  
 द्विद निसचै मन वस राखणियो अरपणियो प्रिय भगत निदोस ॥ १२-१४ ॥  
 जिण सँ कोई जीव न बिदकै आप किणीं सँ नाँ बिदकाय  
 हरख क्रोध भय बिदक बायरो सो ही म्हाँनै भगत सुहाय ॥ १२-१५ ॥  
 भगत पुरुष म्हाँनै बो प्यारो जिण मन नाँ कोई इछाळ  
 माँय-बार सुध चतर निरपखो दुख टळियो त्यागी सरबाळ ॥ १२-१६ ॥  
 हरख सोच अर बैर न व्यापै जको कामना करै न कोय  
 सुभ अर असुभ करम फळ त्यागी सो ही भगत मन्हें प्रिय होय ॥ १२-१७ ॥  
 संतरू-मितर भेद न राखै जको मान-अपमान समान  
 जगत आसकी भाव न व्यापै सरद गरम सुख दुख सम जाण ॥ १२-१८ ॥  
 निन्दा अर इसतुति सम समझै मौन तूठ ज्यूँ-त्यूँ निभ जाय  
 थान-मुकाम न राखै ममता थिर बुध भगत मन्हें वो भाय ॥ १२-१९ ॥  
 धरम धारें निसकाम भाव भर कर सरधा इमरत लै पाण  
 परम भगत जो इयाँ बखाण्या पण प्यारा तूँ समझ सुजाण ॥ १२-२० ॥

• • •

# तेरवों अध्याय

## क्षेत्र क्षेत्रज्ञ विभाग योग

भगवान बखाण्यो—

आ काया ही क्षेत्र कहीजै जो इणनै जाणै क्षेत्रज्ञ  
अरजुन जका तत्व नै जाणै बै ही इयाँ बखाणै विज्ञ ॥ १३-१ ॥

सब क्षेत्राँ क्षेत्रज्ञ अरजुना म्हाँनै ही तूँ समझ सुजाण  
तत्व क्षेत्र-क्षेत्रज्ञ जाणणो म्हाँरै मत है बो ही ज्ञान ॥ १३-२ ॥

जो है क्षेत्र जिसो जिण कारण जिणाँ विकाराँ जिसै सभाव  
थोड़ै में सब सुण म्हाँरै सूँ बो क्षेत्रज्ञ जिसै परभाव ॥ १३-३ ॥

भाँत-भाँत रा वेद मंतराँ रिसियाँ तत्व कह्यो समझाय  
और जुगत सूँ कर भल निसचै ब्रह्मसूत्र पद में भी गाय ॥ १३-४ ॥

पाँच भूत बुध अहंकार अर तीन गुणी माया तूँ जाण  
दसूँ इन्द्रियाँ मन अकलड़ो पाँच इन्द्रियाँ विषै सुजाण ॥ १३-५ ॥

सुख दुख इच्छा द्वेष देह अर धृती चेतना अरजुन जाण  
इणतर क्षेत्र विकाराँ भरियो मैं थोड़ै में कियो बखाण ॥ १३-६ ॥

बिनाँ दंभ रै खमा अहिंसा ऊँचपणै रो नहीं गुमान  
घणैमान सरधा गुरु सेवा थिर सुध बुध सूँ आतमवान ॥ १३-७ ॥

भोग लोक परलोक विरागी और न राखै अहंकार  
जलम मरण अर ज़रा रोग में लखै दोष दुख वारंवार ॥ १३-८ ॥

पतनी पूत न घर दौलत में ममता और आसकी लाय  
हरख-सोक अरजुन नहिं व्यापै प्रिय-अप्रिय नित सम चित चाय ॥ १३-९ ॥

अेक भाव थिर ध्यान जोग सूँ प्रभुवरता भगती सूँ ध्याय  
सेवै सुध अेकाँत न रीझै विषै डूबियाँ नर समुदाय ॥ १३-१० ॥

नित थित रह अध्यात्म ज्ञान में तत्व ज्ञान सगळै दरसाय  
ओ ही ज्ञान कंहीजै इणसूँ उलटो सब अज्ञान कवाय ॥ १३-११ ॥

कथसूँ जाणण जोग जाण जिण पुरुष परम आणद ही पाय  
अकथ अनादी परम ब्रह्म है सत अर असत कह्यो नहि जाय ॥ १३-१२ ॥

च्यारूँमेर हाथ पग नेतर च्यारूँमेर सीस मुख कान  
कारण सकळ लोक कर व्यापत थित है परम आतमावान ॥ १३-१३ ॥

सकळ इन्द्रियाँ रा गुण जाणें पण सगळ्याँ सूँ निपट वियोग  
निरगुण हुयो योग माया सूँ भोगै धार पोख गुण भोग ॥ १३-१४ ॥

माँय-बार सगळा भूताँ में सकळ चराचर परम सरूप  
सुखम तत्व अणदीठो वो ही घण नैड़ो-अळगो थित रूप ॥ १३-१५ ॥

अेकल और सकळ भूताँ थित दीसै न्यारोन्यार सुजाण  
धार पोख संहार करणियो जलम देणियो ब्रह्मा जाण ॥ १३-१६ ॥

जोताँ माँली परम जोत पण माया सूँ घण श्रेष्ठ कहाय  
जाणण जोगो परम ज्ञान थित तत्व ज्ञान सब हियाँ समाय ॥ १३-१७ ॥

इणतर क्षेत्र ज्ञान अर ज्ञेयम मैं थोड़ै में दिया बताय  
परम रूप नैं जाण तत्व सूँ म्हाँरो भगत मन्हें ही पाय ॥ १३-१८ ॥

तिरगुणती माया जीवातम दोनूँ रूप अनादी जाण  
गुण विकार सागै उत्पतिया कुदरत सूँ ही समझ सुजाण ॥ १३-१९ ॥

करम करण उत्पती कांरणें कुदरत हेतु बखाणी जाय  
अर अरजुन आ पुरुष आतमा सुख दुख भोगण हेतु कहाय ॥ १३-२० ॥

कुदरत में थित हुयो पुरुष ही कुदरत रा गुण भोग लगाय  
गुण संगत सूँ ही जीवातम भली बुरी जूणी जलमाय ॥ १३-२१ ॥

पुरुष भोगता अणदीठा अर मंता भरता परम बताय  
इण काया थित हुयाँ भी पर है सब देवाँ रा देव कहाय ॥ १३-२२ ॥

इणतर पुरुष और गुण कुदरत जो नर लेय तत्व सूँ जाण  
बो इणनै हरज्यूँ बरतंतो पुनरजलम भी लै न सुजाण ॥ १३-२३ ॥

सुध बुध ध्यान हियै घर देखै कइयक पुरुष योग कर ज्ञान  
कइयक देखै करम योग सूँ परम आतमा परम सुजान ॥ १३-२४ ॥

पण कइयक अणजाण जीवड़ा तत्व ज्ञानियाँ सूँ सुण ध्याय  
इणतर कान लगावणिया भी निसचै भवसागर तिर जाय ॥ १३-२५ ॥

जियाजूण सब थावर जंगम अरजुन जो उपजै तूँ जाण  
क्षेत्र और क्षेत्रज्ञ योग सूँ हुई सकळ उत्पत्ती सुजाण ॥ १३-२६ ॥

पुरुष नासता भूताँ देखै अविनासी प्रभु थित सम भाव  
जको लखै सो लखै अरजुना परम आतमा सही लखाय ॥ १३-२७ ॥

सगळाँ में समभाव व्यापियै परमेश्वर नैं लखत समान  
आप नष्ट नहिँ करै आपनैं पुरुष परम गत पाय सुजान ॥ १३-२८ ॥

जको पुरुष सगळा करमाँ नैं कुदरत सूँ ही हुया लखाय  
अण करता जो लखै आतमा बो ही अरजुन ठीक लखाय ॥ १३-२९ ॥

न्यारोन्यार भाव भूताँ रो अेक परम थित जणाँ लखाय  
और परम में भूत पसारो निरखै तणाँ ब्रह्म नैं पाय ॥ १३-३० ॥

अरजुन हुयाँ अनादी निरगुण ओ' अविनासी परम लखाय  
काया में थित हुयाँ थकाँ भी कीं न करै बो नाँ लींपाय ॥ १३-३१ ॥

आभैयै ज्यूँ सरब व्यापतो सुखम कारणैं नाँ लींपाय  
त्यूँ थित सकळ देह में आतम देह गुणाँ सूँ नाँ लींपाय ॥ १३-३२ ॥

अरजुन जियाँ अेकलो सूरज सकळ लोक में करै प्रकास  
वीर्या ही तो सकळ क्षेत्र में अेक आतमा करै उजास ॥ १३-३३ ॥

क्षेत्र और क्षेत्रज्ञ भेद नैं भूत-प्रकृति सूँ मोक्ष उपाय  
ज्ञान नेतराँ जो जन जाणैं बो ही परम ब्रह्म पद पाय ॥ १३-३४ ॥

० ० ०





## चवद्वौ अध्याय

### गुण त्रय विभाग योग

भगवान बखाण्यो—

ऊँचो परम ज्ञान जानाँ में करसूँ थारै काज बखाण  
मुनि सब परम सिद्धि लेतरग्या भवसूँ मुगत हुया जिण जाण ॥ १४-१ ॥

धार आसरो इणीं ज्ञान रो म्हाँरो परम रूप नर पाय  
जलमै नहीं सृष्टि रै उदै परलै में भी नहिं अकुळाय ॥ १४-२ ॥

म्हाँरी ब्रह्मजून घण मोटी हूँ उण में दूँ बीज थपाय  
जड़ चेतन संजोग भारता सकळ भूत उतपती उगाय ॥ १४-३ ॥

भाँत-भाँत री सब जूण्याँ में जिती मूरत्याँ धरै सरीर  
वाँ सबरी माँ तिरगुण माया अर हूँ बाप बीज रो हीर ॥ १४-४ ॥

सत रज औरतमो गुण अरजुन जण्या प्रकृति तीनूँ गुण जाण  
अविनासी जीवातम बाँधै गुण देही रै माँय सुजाण ॥ १४-५ ॥

वाँ तीनाँ में जोत करणियो निरविकार निरमळ सत जाण  
सुख अर ज्ञान आसकी भावाँ वो वाँधै निसपाप-सुजाण ॥ १४-६ ॥

राग रूप तिसणा रज उपज्यो है अरजुन म्हाँसूँ तूँ जाण  
करम करमफळ री आसकती जीवातम लै वाँध सुजाण ॥ १४-७ ॥

अरजुन सकळ देह मोवणियो तम अज्ञान उपजियो जाण  
घण गुमान आळस निंदरा सूँ जीवातम लै वाँध सुजाण ॥ १४-८ ॥

अरजुन सत्व लगावै सुख में और रजोगुण करम लगाय  
ढकै ज्ञान नैं अंघ तमोगुण घण गुमान में दै उळझाय ॥ १४-९ ॥

रज तम दबा सतोगुण छावै सत रज दबा तमोगुण छाय  
कदै रजोगुण बधै अरजुना तमो-सतोगुण बियाँ दबाय ॥ १४-१० ॥

इण देही अर सकळ बारणाँ हुवै चानणो जद ही जाण  
और ज्ञान सगती जद उपजै बध्यो सतोगुण समझ सुजाण ॥ १४-११ ॥

बधयाँ रजोगुण लोभ प्रवरती सकळ काम आरंभ कराय  
अरजुन मन चंचेड़ असाँयत विषे भोग री लाल लंगाय ॥ १४-१२ ॥

बधयाँ तमोगुण घुटै अँधारो अरजुन नर करतब भटकाय  
अन्तरकोर इन्द्रियाँ विगडै अहंकार अर मोह धिराय ॥ १४-१३ ॥

मरै सतोगुण री बिरधी में अरजुन जद जीवातम जाण  
ऊँचा थान मुकाम निरमळा सुरग लोक ही पाय सुजाण ॥ १४-१४ ॥

मरयाँ रजोगुण री बिरधी में करमी-जणाँ माँय जलमाय  
और तमोगुण री बिरधी में मूरख-जणाँ उतपती पाय ॥ १४-१५ ॥

सात्विक करम करयाँ तो सात्विक अर निरमळ फळ कह्यो सुजान  
राजस करम करयाँ रो फळ दुख तामस रो फळ है अज्ञान ॥ १४-१६ ॥

समझ सतोगुण ज्ञान ऊपजै लोभ रजोगुण निसचै जाण  
उपजै मोह गुमान तमोगुण और भळै अज्ञान सुजाण ॥ १४-१७ ॥

सुरग लोक में जाय-सतोगुण मिरत लोक में राजस जाय  
और नीच भूँडी बिरती रा तामस नरक लोक ही पाय ॥ १४-१८ ॥

दरसक तीन गुणाँ सूँ न्यारो दूजो करता जद न लखाय  
तीन गुणाँ सूँ श्रेष्ठ परम तत जाण पुरुष म्हाँ रूप समाय ॥ १४-१९ ॥

पुरुष देह इण उतपत कारण गुण तीनाँ सूँ जद लंघाय  
जलम मरण अर जरा दुखाँ सूँ मुगत हुयो परमाणंद पाय ॥ १४-२० ॥

अरजुन पूछ्यो—

अँ तीनूँ गुण पुरुष लँघै जद किसान-किसा वो लक्षण पाय  
और करै वो किसान आचरण प्रभु लाँघै वो किसै उपाय ॥ १४-२१ ॥

भगवान वखाण्यो—

सत उजास रज री परवरती अरजुन तम रै मोह भराव  
पुरुष हुयाँ रत वुरो न समझै विरत हुयाँ मन करै न चाव ॥ १४-२२ ॥

जको विरत थित गुणाँ न विचळै गुण में गुण वरतै आ जाण  
अेकाँभाव परम थित रैवै हिलै न डोलै पुरुष सुजाण ॥ १४-२३ ॥

सुख दुख में सम हुवै निरोगो भाटो धूड़ हेम सम जाण  
धीर गिणें सम खारो-मीठो सम निंदा इसतुती सुजाण ॥ १४-२४ ॥

गिणें मान-अपमान वरावर वैरी-मिंतर अेक समान  
गुणाँ लाँघियो पुरुष कहीजै करतापण नहिं गरव-गुमान ॥ १४-२५ ॥

जो सत पुरुष सदा ही सेवै भगत योग सूर् म्हांनै जाण  
परम लीण हुवणें हित जोगो वो तीनूर् गुण लाँघ सुजाण ॥ १४-२६ ॥

अविनासी पर ब्रह्म सनातन धरम और इसरत रो थान  
हूँ अखण्ड आणन्द आसरो ओ अरजुन तूर् समझ सुजान ॥ १४-२७ ॥

• • •



# पनरवो अध्याय

## पुरुषोत्तम योग

भगवान् ब्रह्माण्यो—

ऊपर जड़ाँ डाळियाँ नीचै जग पीपळ अविनासी जाण  
पत्ता वेद तत्व जो जाणें बो जाणणियो वेद सुजाण ॥ १५-१ ॥

ऊँची-नीची साख पसारी विषै कूँपळ्याँ तिरगुण छाय  
मिरतलोक में करम बँधाणी जड़ाँ जमीं सब लोकाँ माँय ॥ १५-२ ॥

आद-अंत थिति नाँ जग-पीपळ अठै न इसड़ै रूप लभाय  
द्रिढ़ मूळाँळै उण पीपळ नें द्रिढ़ ससतर बैराग कटाय ॥ १५-३ ॥

पछै परम पद नें भल सोधो सोधणिया फिर नाँ जलमाय  
षण पुराण परवरती पसरी उणीं परम री सरण धराय ॥ २५-४ ॥

मोह मिट्याँ सब दोस जीतियाँ नित थित हुयाँ परम नें ध्याय  
सुख दुख मुगत कामनाँ छोडयाँ ज्ञानी पद अविनासी पाय ॥ १५-५ ॥

सूरज चाँद न अगन उजासै जोत प्रकासै आपोआप  
पाय परम पद फेर न जलमें बो ही परम म्हाँरळो धाम ॥ १५-६ ॥

म्हाँरो ही तो अंस सनातन इण देही जीवातम जाण  
थित तिरगुण माया मन पाँचूँ इन्दरयाँ करषै समझ सुजाण ॥ १५-७ ॥

पवन गंध लै जियाँ अरजुना जाम गंध रै श्रान मुकाम  
त्यूँ जीवातम देह-त्याग सँ ले इन्दरयाँ जा नूँई जाम ॥ १५-८ ॥

कान आँख अर जीभ चामड़ी और नाक मन साथ लगाय  
नूँई देह में जा जीवातम विषयाँ नें सेवण में लाय ॥ १५-९ ॥

तजताँ देह धारताँ देही विषै भोगताँ तिरगुण माँय  
ज्ञान नेतराँळा तत जाणै पण अज्ञानी जाणै नाँय ॥ १५-१० ॥

जोगी हियै माँय थित आतम करताँ जतन तत्व लै जाण  
असुध आतमा अज्ञानी तो जतन करंता भी अणजाण ॥ १५-११ ॥

जको तेज सूरज में थित हुय सकळ जगत परकासै जाण  
चाँद-अगन में थित है वो भी म्हाँरो ही है तेज सुजाण ॥ १५-१२ ॥

हूँ धरती में बड़ सगती सूं सब भूताँ नैं धारूँ जाण  
चाँद रसीलो हुय, सगळी ही औषध पोखूँ समझ सुजाण ॥ १५-१३ ॥

हूँ थित सकळ प्राणियाँ देही वैस्वानर रो रूप धराय  
हूँ ही प्राण-अपाण जुगत हुय, देऊँ च्यारूँ धान पचाय ॥ १५-१४ ॥

हूँ थित सकळ जियाँ रै हिवड़ै हूँ उँपणण अर सुमरण ज्ञान  
हूँ ही वेद रचणियो ज्ञानी वेदाँ जाणण जोग सुजान ॥ १५-१५ ॥

दोय भाँत रा पुरुष जगत में नासवान-अविनासी जाण  
सब भूताँ री काया नसवर अविनासी जीवातम जाण ॥ १५-१६ ॥

उत्तम नर दोनाँ सूं न्यारो तीनूँ लोक धार पोखाय  
अविनासी ईसर परमातम कहियो इयाँ अरजुना जाय ॥ १५-१७ ॥

नासवान सूं जाबक न्यारो अविनासी सूं उत्तम जाण  
इणीं कारणै हूँ पुरुषोत्तम लोक-वेद में नाँव सुजाण ॥ १५-१८ ॥

ज्ञानी पुरुष तत्व सूं म्हाँनै पुरुषोत्तम ही जको जणाय  
सरब जाण वो सब भावाँ सूं जाण भारता मन्हें भजाय ॥ १५-१९ ॥

ओ निसपाप अरजुना ! इणतर गुप्त सास्त्र में कियो बखाण  
इणनै जाण तत्व सूं ज्ञानी धन्य-धन्य हुय जाय सुजाण ॥ १५-२० ॥

• • •

# सोळवो अध्याय

## दैवासुर सम्पद विभाग योग

भगवान बखाण्यो—

निरभै अंतसकरण सुधारै ज्ञान योग द्रिढ़ धार विचार  
दान इन्द्रियाँ दमन हवन अर तप स्वाध्याय सरल चित धार ॥ १६-१ ॥

सत्य अहिंसा त्याग सांति घर निंदा और क्रोध नहि लाय  
अळी चेसटा विसै लजाळू भूत हियाळू दया सुभाय ॥ १६-२ ॥

अरजुन तेज क्षमा धर धीरज तन मन राखै सुद्धी जाण  
हिवडै वैर गरब नहि पाळै देव सम्पदा पुरुष सुजाण ॥ १६-३ ॥

पारथ जाण भळै अँ लक्षण जठै दंभ धण गरब-गुमान  
असुर सम्पदा पाया पुरुषाँ करड़ा वचन क्रोध अज्ञान ॥ १६-४ ॥

देव सम्पदा मुगती खातर बाँधण असुर सम्पदा जाण  
तूँ है देव सम्पदा पायो अरजुन मत कर सोच सुजाण ॥ १६-५ ॥

अरजुन इयै लोक में मान्या दोय भाँत रा भूत स्वभाव  
देव असुर में देव बखाण्यो अब म्हाँसूँ सुण असुर स्वभाव ॥ १६-६ ॥

करतब लग अण करतब टळणो नाँ जाणें नर असुर स्वभाव  
वाँ में सूच न श्रेष्ठ आचरण साँच कैण रो सफा अभाव ॥ १६-७ ॥

असुर कवै जग सफा झूठ है ईसर और आसरो नाँय  
नर-नारी संजोग जण्यो है हेतु न भोगण भोग सिवाय ॥ १६-८ ॥

मिथ्या ज्ञान आतमा खोया बुधमंदा अपकार कुभाव  
करम करुड़ा मिनख जगत नैं नास करणनैं ही जलमाय ॥ १६-९ ॥



दंभ मान मद सूं भरियोड़ा अड़क कामणा हियै घराय  
ले मिथ्या सिद्धान्त मोह सूं भ्रष्ट आचरण जग बरताय ॥ १६-१० ॥

चिता न छूटै इसड़ी चिन्ता अणैत आसरो हियै जड़ाय  
विषै भोग भोगण में लाग्या इणीं मान आणैद बिलमाय ॥ १६-११ ॥

आसा फाँस सैकड़ाँ बैधिया काम क्रोध में घण उलझाय  
विषै भोग पूरण री खातर अधरम धन संचण घण घाय ॥ १६-१२ ॥

ओ' पायो मैं आज मनोरथ अजूं पायसूं आ' मन माँय  
म्हारै हाथ इतो धन आयो और भलै भिलसी धन आय ॥ १६-१३ ॥

बीं बैरी नैं मार लियो मैं अर बीनैं भी लेसूं मार  
हूँ ईसर भोगाँ भोगणियो सिद्ध सुखी हूँ जोराँदार ॥ १६-१४ ॥

घण धनवान बडो परवारी म्हाँ जिसड़ो दूजो नहिं कोय  
हवन दान करसूं हरखासूं इणतर वो अज्ञान विमोय ॥ १६-१५ ॥

चित भरम्या अर मोह उलझिया विषै भोग में घण डूवाय  
भाँत-भाँत सूं पुरुष पड़ै रे इणतर घोर नरक में जाय ॥ १६-१६ ॥

आपोआप फुटाणी फोड़ै पुरुष गुमानी धन मद माण  
बिनाँ सास्त्र विध करै होमड़ा जका दंभ सूं यजण-यजाण ॥ १६-१७ ॥

अहंकार बल गरब कामणा और क्रोध में जका भराय  
वै पर निंदक देही-देही थित म्हाँसूं ही द्वेष कराय ॥ १६-१८ ॥

वाँ बैरी पापी नीचाँ नैं करम करुड़ाँ नैं छिटकार  
असुर जूण में ही हूँ नाँखूँ इण जगती में बारंवार ॥ १६-१९ ॥

वै नर मूढ़ असुर जूणी में जलम-जलम ही भटका खाय  
मन्हें न पाय भलै घण नीची दुरगत घोर नरक में जाय ॥ १६-२० ॥

काम क्रोध अर लोभ तीन विध अरजुन तीन नरक रा वार  
वै तीनूँ ही आतमनासी वाँ सूं टळणो ही हितकार ॥ १६-२१ ॥

अरजुन तीन नरक दरवाजाँ मुगत हुयो नर निसचै जाण  
करै आत्म कल्याण आचरण परम गती लै पाय सुजाण ॥ १६-२२ ॥

सास्त्र विधी नैं त्याग जको नर आपोआप करम बरताय  
सिध पावै न परम गत पावै भळै न बो सुखड़ो ही पाय ॥ १६-२३ ॥

ओ' निरणो करतब-अण करतब तैं हित जाण सास्त्र परवान  
अरजुन सास्त्र विधी निरणीज्यो करम करण ही जोग सुजाण ॥ १६-२४ ॥

● ● ●



# सतरवौं अध्याय

## श्रद्धा त्रय विभाग योग

अरजुन पूछयो—

सास्त्र विधी तज सरधा ध्यावै पूजै जका कृष्ण भगवान  
सत रज और तमोगुण माँसूँ बाँरी कुणसी थिती सुजान ॥ १७-१ ॥

भगवान बखाण्यो—

देह स्वभाव ऊपजी सरधा सत रज तम तिरभाँत सुजान  
इणतर तीन गुणी बा सरधा अरजुन तूँ म्हाँ सूँ सुण जाण ॥ १७-२ ॥

अरजुन सकळ जणाँ री सरधा बाँरै ही मन माफक जाण  
जिसड़ी सरधा हुवै जिणाँ री बिसड़ो समझ स्वरूप सुजाण ॥ १७-३ ॥

सात्त्विक पुरुष देवता पूजै राजस पुरुष राखसाँ जाण  
और जका तामस जण पूजै भूत प्रेत गण समझ सुजाण ॥ १७-४ ॥

विना सास्त्र विधि रै मन मान्या जका घोर तप तपै तपाय  
वै नर दंभ घणा गरबीज्या काम राग अभिमान भराय ॥ १७-५ ॥

देह रूप थित काया रोसै मन में थित म्हाँनै भी ताण  
वाँ पुरुषाँ नै समझ अरजुना असुर भाव अज्ञानी जाण ॥ १७-६ ॥

भोजन भी सगळाँ नै प्यारो आप आपरै तिरविघ भाव  
त्यूँ ही यज्ञ दान तप तिरविघ सुण तूँ भेद कथूँ समझाय ॥ १७-७ ॥

बुध बळ और निरोगी आयू सुख अर प्रीत वधावण सार  
धिर रस भरियो घणों चीकणो सात्त्विक मन प्यारो आहार ॥ १७-८ ॥

खारो खाटो गरम लूणियो तीखो लूखो दाह भराय  
सो भोजन राजस जण प्यारो दुख भय सोक जको उपजाय ॥ १७-९ ॥

अधपकियो गतरसियो कोझो वासी-कूसी जो गिंघाय  
बो अँठो-चूँठो ही भोजन तामस जण रुच-रुच नैं खाय ॥ १७-१० ॥

यज्ञ सास्त्र विधि सूँ ही करणो करतब है मन धार सुजाण  
करै बिनाँ फळ री इच्छा जो जिग बो ही है सात्विक जाण ॥ १७-११ ॥

दंभ अरथ हित करै यज्ञ जो फळ री ताक राख मन जाण  
बो राजस रो यज्ञ अरजुना तूँ उणनैं यूँ समझ सुजाण ॥ १७-१२ ॥

अन्न दान बिन दान दक्षिणा बिनाँ मंत्र बिन सास्त्र विधान  
बिन सरधा सूँ यज्ञ कियोड़ो तामस यज्ञ कहीजै जाण ॥ १७-१३ ॥

ब्रह्मचर्य व्रत भाव अहिंसा सूध-सुधाई धार सुजाण  
पूजण ब्रह्म देव गुरु ज्ञानी तन-तप करण कहीजै जाण ॥ १७-१४ ॥

मन में वेग नहीं लावणियो प्रिय हितकर जो सत्य बखान  
वेद सास्त्र पाठण अभ्यासण वाणी-तप निसचै कह जाण ॥ १७-१५ ॥

सांत मगन मनड़ै नैं राखै मून धार आतम तूठाय  
हिरदै में सुध भाव संपजै बो मानस-तप कहियो जाय ॥ १७-१६ ॥

फळ न चाय निसकाम नराँ जो घण सरधा सूँ करियो जाय  
इणतर जको बखाण्यो अरजुन तिरविध तप सात्विक कैवाय ॥ १७-१७ ॥

आदर मान और पूजा हित घणैं दंभ सूँ करियो जाय  
जको न निसचै और नहीं थिर बो राजस तप कहियो जाय ॥ १७-१८ ॥

जो तप करै मूढपण हठ सूँ आप आतमा नैं पीड़ाय  
अर दूजाँ रो अहित करण नैं बो तप तामस तप कैवाय ॥ १७-१९ ॥

देस काळ अर मिल्याँ सुपातर करतब जाण करीजै दान  
वदळ-भाव री आस न राखै कहियो सात्विक दान सुजाण ॥ १७-२० ॥

बदल-भाव री आस राखताँ दुख सँ जको दिरीजै दान  
फल पावण री इच्छा राखै कहियो राजस दान सुजान ॥ १७-२१ ॥

बिन आदर बिन देस काळ रै दान कुपातर करियो जाय  
बोही तामस दान अरजुना इणतर समझ बखाण्यो आय ॥ १७-२२ ॥

तीनूँ सबद ॐ तत सत सँ परम ब्रह्म रो धरियो नाँव  
ब्राह्मण वेद यज्ञ सब रचिया आद सिष्टि में ब्रह्म रचाय ॥ १७-२३ ॥

ब्रह्म बखाणियाँ पुरुषाँ री नियत विधी सँ करी विचार  
यज्ञ दान तप री सब किरिया आरंभै नित ॐ उचार ॥ १७-२४ ॥

तत रै भाव बिनाँ फल चायाँ भाँत-भाँत री किरिया जाण  
यज्ञ दान तप रूप करम सब मोक्ष चाणिया करै सुजाण ॥ १७-२५ ॥

सत्य भाव अर साधु भाव में सत परमात्म नाँव सुजाण  
उत्तम करम करंताँ अरजुन सत रो सबद जुड़ै नित जाण ॥ १७-२६ ॥

यज्ञ दान तप में जो थिति है बा भी सत ही जाय बखाण  
इणतरकरम परम हित करिया निसचै सत है समझ सुजाण ॥ १७-२७ ॥

बिन सरधा रै हवन होमियो दियो दान तप कियो तपाय  
कियो करम सब असत कहीजै लोक और परलोक गँवाय ॥ १७-२८ ॥

ॐ ॐ ॐ



# अठारवीं अध्याय

## मोक्ष सन्यास योग

अरजुन पूछयो—

वासुदेव हे अंतर जामी महाबाहु प्रभु तत्व बखाण  
न्यारोन्यार जाणणों चाहूँ त्याग और सन्यास सुजाण ॥ १८-१ ॥

भगवान बखाण्यो—

कामण करम त्याग नैं पिंडत जन जाणै सन्यास सुजाण  
सकळ करम फळ त्याग अरजुना कुसळ पुरुष कह त्याग बखाण ॥ १८-२ ॥

दोस भरचा सब करम बखाणें त्यागण जोग केई विदवान  
कई कैवै नहिं त्यागण जोगा यज्ञ दान तप करम सुजाण ॥ १८-३ ॥

हे अरजुन उण त्याग विषै में तूँ म्हाँरो निसचै सुण जाण  
पुरुष श्रेष्ठ है सत रज तामस तीन भाँत रा त्याग सुजाण ॥ १८-४ ॥

त्यागण जोग नहीं पण करतब यज्ञ दान तप करम सुजाण  
बैं तीनूँ ही यज्ञ दान तप परम पुनीत करै बुधवान ॥ १८-५ ॥

यज्ञ दान तप करम समूचा फळ आसकती त्याग कराय  
निसचै जाण अरजुना करतब आ म्हाँरी है उत्तम राय ॥ १८-६ ॥

नियत करम रो त्याग अरजुना उचित कोयनीं रे तूँ जाण  
हियै मोह भर करम त्यागणो कहियो तामस त्याग सुजाण ॥ १८-७ ॥

करम जिता है दुखदायक है काय-काँस डर त्याग कराय  
तो नर राजस त्याग कियौं भी नहीं त्याग रै फळ नैं पाय ॥ १८-८ ॥



सास्त्र विधा सू नियत कियाड़ा करम कर जो करतब जाण  
फळ आसकती त्याग अरजुना मान्यो सात्विक त्याग सुजाण ॥ १८-९ ॥

हितकर करम नहीं आसकती और अहितकर नाँ दुखराय  
निसचै ही ज्ञानी त्यागी है पुरुष सतोगुण सूँ सुळझाय ॥ १८-१० ॥

कारण पुरुष देह धारी तो सकळ करम नहिं त्याग सकाय  
जको करम फळ त्यागै अरजुन बो इणतर त्यागी कैवाय ॥ १८-११ ॥

पुरुष सकामी रै करमाँ रो तिरविध फळ मरियाँ भी आय  
बो आछो मंदो रळकटियो फळ सन्यासी कदै न पाय ॥ १८-१२ ॥

सकळ करम सिध साधण सारू पाँच साँख्य सिद्धांत सुजाण  
बै पाँचूँ ही कारण म्हांसूँ अरजुन भली भाँत तूँ जाण ॥ १८-१३ ॥

भाँत-भाँत रा न्यारा-न्यारा करता करण जतन आधार  
और पाँचवों देव कहीजै इणीं विषै में न्यारोन्यार ॥ १८-१४ ॥

जो नर मन वाणी काया सूँ अरजुन सास्त्र गीत-विपरीत  
जका अगैरै काम उणाँ रा ही अँ कारण पाँच पुनीत ॥ १८-१५ ॥

इयाँ हुयाँ भी पुरुष असुध बुध कारण उणीं विषै रै माँय  
केवळ करता लखै आतमा सो दुरमत नहिं सूल लखाय ॥ १८-१६ ॥

“हूँ करता हूँ” भाव न राखै जको पुरुष हिरदै रै माँय  
जिण री बुध नाँ करम लिपावै लोक मार नहिं पाप बँधाय ॥ १८-१७ ॥

ज्ञान ज्ञेय अर ज्ञाता तीनूँ अरजुन हियै करम उपजाय  
करता करम करण मिल तीनूँ करमाँ रो भण्डार भराय ॥ १८-१८ ॥

करता करम करण गुण भेदाँ तिरविध साँख्य शास्त्र कैवाय  
बै भी तूँ म्हारै सूँ अरजुन भली भाँत सुण कान लगाय ॥ १८-१९ ॥

न्यारोन्यार सकळ भूताँ में लखैं अँक अविनासी ज्ञान  
परम भाव समभाव हुयो जो लखै सु सात्विक ज्ञान सुजान ॥ १८-२० ॥

भाँत-भाँत सँ सब भूताँ में न्यारोन्यार अनेकूँ भाव  
जक ज्ञान सँ जाणै अरजुन बो ही राजस ज्ञान जणाय ॥ १८-२१ ॥

काया अेक करम ज्यूँ पूरै जको आसकी में भरमाय  
बिनाँ जुगत अर तत्व बायरो तुच्छ ज्ञान तामस कैवाय ॥ १८-२२ ॥

सास्त्र विधी सँ नियत करम जो करतापण रो नहीं गुमान  
बिन फल चायाँ राग द्वेष बिन कियो सु सात्त्विक करम सुजाण ॥ १८-२३ ॥

घणै परिश्रम सँ जो जुड़ियो अहंकार सँ करम धिराय  
फळरी चाह गरब सँ भरियाँ कियो सु राजस करम कवाय ॥ १८-२४ ॥

फल हाणी हिंसा निज-समरथ बिनाँ विचारचाँ मोह भराय  
करम जको आरँभियो अरजुन बो ही तामस करम कवाय ॥ १८-२५ ॥

बिनाँ आसकी अहंकार बिन मन धीरज धर कर उमगाव  
हरख सोक सिध असिध न राखै बो सात्त्विक करता कैवाय ॥ १८-२६ ॥

आसक हुयो करम फल चावै हिंसा लोभ असुध आचार  
हरख सोक सँ लोप कळीज्यो सो राजस करता-करतार ॥ १८-२७ ॥

सीख हीण चितभँग आळसियो धूत घमंडी सोक सभाव  
दिरघ-सूतरी रोजी खोसक सो तामस करता कैवाय ॥ १८-२८ ॥

अरजुन बुध धारण सगती भी गुणाँ कारणै तिरगुण जाण  
न्यारोन्यार भेद सँपूरा सुण म्हाँरै सँ किया बखाण ॥ १८-२९ ॥

परवरती-निरवरती मारग करतब-अणकरतव तत जाण  
भै-निरभै मुगती अर बंधण बा बुध सात्त्विक समझ सुजाण ॥ १८-३० ॥

धरम और अधरम नहिं जाणै करतब अणकरतव नहिं जाण  
पारथ जो न यथारथ जाणै बा बुध राजस समझ सुजाण ॥ १८-३१ ॥

अरजुन जो बुध धिरी तमोगुण अधरम गिणै धरम ही जाण  
ऊँधा अरथ लगावै सगळा बा बुध तामस समझ सुजाण ॥ १८-३२ ॥

ध्यान योग धर सुद्ध धारणा करम इन्द्रियाँ मन अर प्राण  
अरजुन जको पुरुष यूँ धारै धरी धारणा सात्विक जाण ॥ १८-३३ ॥

फळ इच्छाळू राख आसकी अरजुन जको धारणा पाण  
धरम अरथ अर काम धरावै धरी धारणा राजस जाण ॥ १८-३४ ॥

पारथ पुरुष दुष्ट बुध धारी धरै धारणा तजै न बाण  
भय निंदरा चिंता दुख मद में धरी धारणा तामस जाण ॥ १८-३५ ॥

अरजुन तूं म्हाँसूं अब सुणलै सुख भी तीन भाँत रो पाय  
जिण सुख में साधक अभ्यासाँ रमण करै दुख अंत कराय ॥ १८-३६ ॥

पहलाँ जो सुखड़ो विष भासै पण फळ में इमरत ज्यूँ जाण  
आतम बुध परसाद उपजियो बो सुख सात्विक कियो बखाण ॥ १८-३७ ॥

भोगण काळ लखावै इमरत जो सुख विषै इन्द्रियाँ भोग  
पण फळ में विष है जो अरजुन बो सुख राजस कह्यो सुयोग ॥ १८-३८ ॥

जो सुख भोगकाळ अर फळ में आतम नैं मोहणियो जाण  
आळस नींद गुमानाँ उपज्यो बो सुख तामस कह्यो सुजाण ॥ १८-३९ ॥

घरती सुरग और देवाँ में अरजुन इसो न कोई जीव  
कुदरत जण्याँ तीन गुण न्यारो गुणाँ बायरो जको सजीव ॥ १८-४० ॥

ब्राह्मण क्षत्री वैश्य सूद्र भी समझ परंतप इयाँ सुजाण  
करम सुभाव उपजियै गुण सूं न्यारोन्यार वाँटिया जाण ॥ १८-४१ ॥

सम दम खमा ऊरमा अर तप सुद्ध आसतिक सुध बुध जाण  
ज्ञान और विज्ञान कुदरती ब्राह्मण रा सुभ करम सुजाण ॥ १८-४२ ॥

सूरापण अर तेज धीरता दान चातरी स्वामी-भाव  
जुध सूं कदै न मुखड़ो मोड़ै अँ क्षत्री रा करम सुभाव ॥ १८-४३ ॥

विणज और खेती गोपाळण करम स्वभाव वैश्य रो जाण  
सब वरणाँ री सेवा करणी सूद्र सुभावी करम सुजाण ॥ १८-४४ ॥

आप आपरा करम करंताँ पुरुष परम सिध पाय सुजाण  
जियाँ करम करता सिध पावै बा विध तूँ म्हाँसूँ सुण जाण ॥ १८-४५ ॥

जिण परमातम भूत जलमिया जिणसूँ सकळ जगत प्रगटाय  
करम सभावाँ ही सिध पावै उणीं परम नैं पुरुष पुजाय ॥ १८-४६ ॥

सुध आचार धरम दूजै सूँ अपणों धरम श्रेष्ठ गुणवार  
नियत सुभाव करम करतो नर पडै न अरजुन पाप फळार ॥ १८-४७ ॥

दोस भरचा भी करम आपरा नहीं छोडणा समझ सुजाण  
आग धुँवै ज्यूँ दोस घिराया सगळा करम अरजुना जाण ॥ १८-४८ ॥

विनाँ आसकी और कामणा सरव सुबुध जीवातम जाण  
साँख्य योग सूँ भी पाजावै करम हीण सिध परम सुजाण ॥ १८-४९ ॥

सिध पायोडो पुरुष अरजुना परम ब्रह्म में जियाँ समाण  
तत्व ज्ञान री विद्या सरघा वा थोडै में म्हाँसूँ जाण ॥ १८-५० ॥

तात्विक सुध बुध धरै धारणा जो मनडो काबू कर पाय  
सवद विषै सगळा तज देवै राग द्वेस सव देय मिटाय ॥ १८-५१ ॥

सुध अँकाँत सेव मितहारी मन वाणी काया लै जीत  
ध्यान योग में लीण हुयो चित द्रिढ बैरागी पुरुष पुनीत ॥ १८-५२ ॥

अहंकार वळ गरव परिग्रै काम क्रोध सब देय तजाय  
ममता हीण साँत चित राखै जको ब्रह्म में जाय समाय ॥ १८-५३ ॥

ब्रह्मलीण होयो परसण चित करै न इच्छा करै न सोग  
सब भूताँ समभाव हुयोडो परम भगति वो पाय सुयोग ॥ १८-५४ ॥

परम भगति सूँ तत्व रूप जो भली भाँत लै म्हाँनैं जाण  
और तत्व सूँ जाण-पाणताँ म्हाँ में आय समाय सुजाण ॥ १८-५५ ॥

जको करम योगी निसकामी सरव करम नित करतो जाय  
वो भी तो अविनास सनातन म्हाँरी महर परम पद पाय ॥ १८-५६ ॥

सकळ करम मन सूँ म्हाँ में ही अरपण कर तूँ मन्हें भजाय  
बुद्धि योग रो राख आसरो म्हाँ में ही चित सैलँग लाय ॥ १८-५७ ॥

म्हाँ में सैलँग लाग्योड़ो चित म्हाँरी महर दुखां तिरजाय  
जे न सुणैलो अहंकार में तो मिटसी तूँ नास मिलाय ॥ १८-५८ ॥

अहंकार कारण जे माँनै “हूँ जुध नहीं करूँ”, तो साव  
झूठो है थारोड़ो निसचै जुध जूझासी तन्हें स्वभाव ॥ १८-५९ ॥

अरजुन मोह घिरायो भी तूँ जको करम करणों नहिं चाय  
उणनै भी परवस हुय करसी बँध्यो आपरै करम स्वभाव ॥ १८-६० ॥

काया-कळ रै माँय बिराज्या सकळ प्राणियाँ नैं भरमाय  
परमेसर अपणीं माया सूँ थित है सरब भूत हित माँय ॥ १८-६१ ॥

सरब भाँत उण परमेसर री अरजुन अेक सरण ही जाय  
परम साँति अर धरम सनातन उणरी ही किरपा सूँ पाय ॥ १७-६२ ॥

ज्ञान गुपत सूँ गुपत घणैरो में थारै हित कियो बखाण  
जो चावै सो ही कर अरजुन ! भली भाँत सब सोच सुजाण ॥ १८-६३ ॥

सरब गुपत सूँ गुपत अरजुना म्हाँरा परम वचन सुण जाण  
कारण तूँ म्हाँरो घण प्यारो तैं हित करसूँ हित बखाण ॥ १८-६४ ॥

म्हाँनै ही कर नमसकार तूँ अेकमनो हुय पूज-भजाय  
लूँ सत प्रण म्हाँ में ही मिलसी तूँ म्हाँरो प्यारो इधकाय ॥ १८-६५ ॥

धरम करम सब त्याग अरजुना अेक म्हाँरळै सरणें आय  
सोक मती कर सब पापाँ सूँ तन्हें मुगत करसूँ चितलाय ॥ १८-६६ ॥

जठै न तप भगती मत वाँचो परम ज्ञान ओ' कदै सुजाण  
म्हाँ निंदै जो सुण्यो न चावै उण आगे मत करो बखाण ॥ १८-६७ ॥

म्हाँ में परम प्रेम कर जो नरपरम गुपत ओ' ज्ञान सुजाण  
म्हाँरै भगताँ में बखाणसी निसचै वो मिलसी म्हाँ जाण ॥ १८-६८ ॥

म्हारा प्यारो काम करणियो उण सूँ बडो न मिनखाँ माँय  
इण धरती पर उण सूँ मोटो दूजो कोय हुवैला नाँय ॥ १८-६९ ॥

ओ' धरमी संवाद आपणों जो नित करसी पाठ सुजाण  
ज्ञान यज्ञ पूज्यो जाऊँलो हूँ उणसूँ म्हारा मत जाण ॥ १८-७० ॥

सुद्ध नजर सरधा सूँ जो नर ओ' सुणसी निज कान लगाय  
वो भी मुगत हुयो पापाँ सूँ पुन करमाँ सुभ लोकाँ जाय ॥ १८-७१ ॥

पारथ के अेकागार चित सूँ तें सुणियो ओ' वचन सुजाण  
मोह मिटचो के थारो अरजुन जो उपज्यो अज्ञान-अजाण ॥ १८-७२ ॥

अरजुन बोल्यो-

हे भगवान आपरी किरपा मोह मिटायो सुमरण पाय  
संसै मिटचो हुयो थित थाँ में पाळूँ थाँरा वचन फळाय ॥ १८-७३ ॥

संजय बतायो-

सुणो महीपत हे राजन मैं इणतर वो सुणियो संवाद  
घणों उदबुदो रूँ-फुरकाऊ वासुदेव अरजुन संवाद ॥ १८-७४ ॥

महर व्यासजी री मैं सुणियो परम गुपत घण योग सुजाण  
खुद साख्यात कृष्ण योगेसर श्रीमुख करताँ योग बखाण ॥ १८-७५ ॥

घण उदबुद कल्याण करणियो प्रभु-अरजुन रो ओ' संवाद  
हूँ सुमरण कर बारंबाराँ राजन हरखूँ खोय विषाद ॥ १८-७६ ॥

रूप घणों अदभुत श्री हरि रो राजन सुमरचाँ बारंवार  
चित में इचरज हुवै घणैरो हूँ हरखाऊँ बारंवार ॥ १८-७७ ॥

जठै कृष्ण योगेसर है अर जठै धनुरधर अरजुन जाण  
वठै विजय श्री अर विभूति है अचळ नीति म्हाराँ मत मान ॥ १८-७८ ॥

• • •

— ॐ तत्सत् —



# गीता महातम

## महाभारत

पुरुष हुयो पावन चित ध्यावै जो भी गीता सास्त्र सुजाण  
प्रभु विष्णूँ रै पद नें पावै भय अर शोक हीण हुय जाण ॥ १ ॥

जो गीता ही पढै लगोलग प्राणायाम करै नित जाण  
बाँ पुरुषाँ रा पाप मिटै सब पुरब जलम रा समझ सुजाण ॥ २ ॥

जळ सँ स्नान नितूको कर नर काया रो तो काट धुपाय  
पण गीता-गंगा में अंकर न्हायाँ भवसागर तिरजाय ॥ ३ ॥

प्रभु विष्णूँ रै मुख सँ निसरयो महाभारत सब इमरत जाण  
पान करचाँ गीता-गंगाजळ पुनरजलम नहि हुवै सुजाण ॥ ४ ॥

गौ माता ज्युँ सब उपनिषदाँ दूध दुहणियो श्री गोपाळ  
वाछड़ियो पारथ बुध ज्ञानी दूध पियै गीतामृत ढाळ ॥ ५ ॥

## ॥ ॥ ॥

नर क्यूँ दूजा सास्त्र संगरै के परयोजन पुरुष सुजाण  
खुद भगवान विष्णूँ री वाणी अठै अमर गीता रो गान ॥ १ ॥

सरब वेद सँ जड़ी मनुस्मृति सरब सास्त्रमय गीता ज्ञान  
गंगा में सब तीर्थ समाया सरब देव विष्णूँ भगवान ॥ २ ॥

गीता अर गंगा गायत्री अर गोविंद अँ च्यार गगार  
जिणरै हिवड़ै माँय विराजै बै नहिँ आय पुनरजलमार ॥ ३ ॥

सार महाभारत रस इमरत साररूप मथ गीता ज्ञान  
होम दियो अरजुन रै मुख में परम प्रभू श्री कृष्ण सुजाण ॥ ४ ॥



## झकठढ पुशण

बंधण मोक्ष नहीं रे अरजुन ब्रह्म निरामय विस्व सुजान  
द्वैत और अद्वैत न कोई सचिदानंद सरब तूँ जाण ॥ १ ॥

गीता सकळ सास्त्राँ रो रस सकळ सास्त्र सिद्धांत सुजाण  
कियो वेद-सास्त्राँ जो निरणै ब्रह्मज्ञान बो ही तूँ जाण ॥ २ ॥

गूढ़ अरथ वेदाँ रो दरपण गीता सास्त्र बखाण्यो जाण  
मन काबू कर पढै जो पारथ पाय सनातन विष्णुँ सुजाण ॥ ३ ॥

पढै विष्णुँ रो उत्तम महातम और सुणै जो ध्यान लगाय  
पुण्य बढा नित पाप घटावै धन्य करै दुख देय मिटाय ॥ ४ ॥

च्यार वेद नव व्याकरणाँ मुनि व्यास अठारूँ मथ्या पुराण  
जद रचना इण महाभारत री घणै जतन सँ हुई सुजाण ॥ ५ ॥

मथ्यो समंदर महाभारत जद प्रगट हुई आ गीता जाण  
कृष्ण आप अरजुन रै मुख में धरचो अमर रस सार सुजाण ॥ ६ ॥

गंगा स्नान नितूको कर नर काया रो तो काट धुपाय  
पण गीता गंगा में अेकर न्हायाँ भवसागर तिर जाय ॥ ७ ॥

गीता सहस्र नाँव रस रचियो राजै राज स्तवन रूप  
हियै धार मन ही मन सुमरै नारायण साक्षात स्वरूप ॥ ८ ॥

सरब धरम सँ जड़ी मनुस्मृति सरब वेद मय गीता ज्ञान  
गंगा में सब तीर्थ समाया सरब देव विष्णूँ भगवान ॥ ९ ॥

आधो चरण चरण इक धारै अेक सिलोको आधो धार  
जो नर पढै नितूको गीता मोक्ष लाभ करलै संसार ॥ १० ॥

कृष्ण रूप इण बिरछ नीपजी क्यूँ न हरड़ गीतामृत खाय  
सेवण करचाँ मिनख री काया सकळ काळमळ काट मिटाय ॥ ११ ॥

कळजुग में गंगा अर गीता सन्यासी अर कपिळा गाय  
पीपळ पूजण करण इग्यारस सँ घण पावन किसो उपाय ॥ १२ ॥

नर क्यूँ दूजा सास्त्र विसतरै के परयोजन पुरुष सुजान  
खुद भगवान विष्णुँ री वाणी जठै अमर गीता रो ज्ञान ॥ १३ ॥

गीता रो नित पाठ करणियो आपद घोर नरक नहि जाय ॥ १४ ॥

## वाशाह पुराण

घरती पूछयो—

हे भगवान प्रभू परमेसर देव देओ थे मन्हें बताय  
भाग्य भोग करता मिनखाँ नैं अनन भगति कूँकर मिल पाय ॥ १ ॥

श्री विष्णू बखाण्यो—

परालवध रो भोग करंताँ जको सदा गीता नैं ध्याय  
बो ही मुगत सुखी नर जग में कदै न करमाँ सूँ लींपाय ॥ २ ॥

गीता ध्याय करणियै सूँ जे कोई महापाप हुय जाय  
देव योग बो पाप न परसै ज्युँ न कमळ दळ जळ लींपाय ॥ ३ ॥

जठै ग्रन्थ गीता पूजीजै गीता पाठ सदा सरसाय  
बठै सकळ तीरथ प्रयाग-सा इण में कोई संसै नाँय ॥ ४ ॥

जठै पाठ गीता रो निसदिन सणैं पारसद वास कराय  
सकळ देव रिसि नारद ऊधव गोपा-गोपी नाग जुड़ाय ॥ ५ ॥

जठै पठण-पाठण अर सुणवण गीता पर ही हुवै विचार  
सुण घरती हूँ बठै निवासूँ निसचै सदा जाण आधार ॥ ६ ॥

हूँ गीता रै रहूँ आसरै गीता म्हांरो उत्तम धाम  
गीता ज्ञान आसरै पूरूँ तीन लोक पाळण रो काम ॥ ७ ॥

गीता जाण परा विद्या है निसचै ब्रह्म स्वरूपा जाण  
अणनासाणी अरध मातरा अणभण रूपा समझ सुजाण ॥ ८ ॥

चिदानन्द भगवान कृष्णजी निज श्रीमुख सूँ कियो वखाण  
अरजुन हित परमाँणद रूपी तत्व ज्ञान तिरवेद सुजाण ॥ ९ ॥

थिर चित हुयो पुरुष जो नित ही ध्याय अठारै जपै सुजाण  
ज्ञान रूप सिद्धी झट पावै अर लेवै परमाँणद जाण ॥ १० ॥

पूरो गीता पाठ न संपै तो नित आधै नैं ही ध्याय  
इणतर पाठ कियाँ नहिं संसै बो गोदान जिसो फळ पाय ॥ ११ ॥

भाग तिहाई पाठ करणियो गंगा रो न्हावण फळ पाय  
छठै अंश रो जाप करणियो सोमयाग फळ लाभ लभाय ॥ १२ ॥

ऐक ध्याय नित भगती ध्यावै रुद्रलोक नैं पावै जाण  
बठै रुद्र रो गण बण बो नर अणत काळ सुख बसै सुजाण ॥ १३ ॥

ऐक ध्याय रै ऐक स्लोक रो ऐक चरण ही जो नित ध्याय  
मनवंतर भर सुभ वसुंधरा आछो मिनख जमारो पाय ॥ १४ ॥

ऐक-दो-तीन-च्यार पाँच-सात-दस अर आधो स्लोक जको ही ध्याय  
निसचै दस हजार बरसाँ तक बो नर चन्द्रलोक बस जाय ॥ १५ ॥

जो नर गीता पाठ सुणंतो मरै सो जलमै मिनख जमार  
फेर भळै गीता अभ्यास्याँ उतमी-गती मोक्ष मुगतार ॥ १६ ॥

गीता सबद मात्र उचरंतो मरै जको नर सदगत पाय ॥ १७ ॥

गीता अरथ सुणण चित लाग्यो पापी भी बैकूण्ठ सिधाय  
प्रभु विष्णूँ भगवान संग बो आणद ही आणद फळ पाय ॥ १८ ॥

करम घणा करतो भी जो नर गीता अरथ नीतूको ध्याय  
वीनै जीवण मुगत समझणो मरचाँ परम पद ही तो पाय ॥ १९ ॥

राजा लोग जनक-सा कोई गीता रो आसरियो धार  
पाप मुगत हुय जस जगती में सुणियो आप परम पद सार ॥ २० ॥

गीता पाठ करणियो जो नर पछैं महातम जको न ध्याय  
उण रो पाठ हुवै विरथा ही श्रम करियो सब अळियो जाय ॥ २१ ॥

गीता पढै महातम सागै बो ही पूरै फळ नैं पाय  
इणतर जो नर करै ध्यान घर दुरलभ परम मोक्ष पद पाय ॥ २२ ॥

सदा सनातन गीता महातम में जिण रो नित कियो वखाण  
जो गीता पढ पढै अन्त में वो नर लभै सकळ फळ जाण ॥ २३ ॥

• • •

श्रीमद्भगवद्गीता भीमानन्दी राजस्थानी अनुवाद  
**सम्मतियां एवं शुभकामनाएं**

**राजस्थानी भाषा रै गौरव री घणी श्रीवृद्धि**

श्री भीमपाँडिया बीकानेर री लेखणी सूं लिख्योड़ो श्रीमद्भगवद्गीता री भीमानन्दी राजस्थानी अनुवाद सुण्यो । घणों-घणों आणंद हुयो । अनुवाद मूळ रै घणो नेड़ो है । इण अनुवाद सूं राजस्थानी भासा रै गौरव री घणी श्री वृद्धि हुयसी, ओ म्हारो भरोसो है ।

करणीसिंह

1 जनवरी 1984

डॉ० करणीसिंह ऑफ बीकानेर

**कोई सामान्य कवि नहीं**

कविवर श्री भीमपाँडिया केवल बीकानेर के ही नहीं अपितु समस्त राजस्थान के प्रख्यात राजस्थानी के सुकवि हैं । आपकी यह विशेषता है कि आप केवल राजनीतिक और सामाजिक गीतों के ही नहीं अपितु गहन से गहन आध्यात्मिक विषयों के भी रहस्यों के प्रतिपादक काव्य-प्रणेत हैं । आपने श्रीमद्भगवद्गीता के गहन से गहनतम भावों को जिस मधुर और सुगम भाषा में अपने मनोहर गीतों में अभिव्यक्त किया है वह इस बात को स्पष्ट रूप से प्रमाणित कर देता है कि श्री भीमपाँडिया कोई सामान्य कवि नहीं है । इनके काव्य से राजस्थानी भाषा और राजस्थान का साहित्य निश्चित रूप से समृद्ध होता है ।

विद्याधर शास्त्री

24.5.1978

**माँ राजस्थानी भासा रै भंडार नै भरता रैसी**

बीकानेर रा रैवणिया माँ राजस्थानी रा जाणीता मांणीता कवि अर गायक श्री भीमपाँडिया जी गीता री सोरी-सोवणी कविता में भावानुवाद कर'र एक घणी खटकती कमी नै दूर की है ।

गीता प्रैस गोरखपुर सँ छपियोड़ी गीता रो सोरै सँ सोरो हिन्दी अनुवाद लागत मात्र री कीमत ऊपर बाँटणै पर भी राजस्थान रै, खास कर लुगायाँ अर टावरानै नै सोरप सँ समझणै में कठिनाई ई लागी । कारण बाँरी मातरी भासा राजस्थानी होवण सँ बै राजस्थानी बैगी समझ सकै है । आ कमी भीमपाँडियाजी पूरी करदी जिणसँ बै बघाई रा पूरा हकदार है । बिसबास करूँ हूँ कै श्री भीमपाँडियाजी इसी ही अमोलक रचनावाँ सँ माँ राजस्थानी भासा रै भंडार नै भरता रैसी, इणी शुभ कामनावाँ व आसीष देवते विनयावनत

मुरलीधर व्यास राजस्थानी

## निजी अर अनोखी कळा

श्री भीमपाँडिया घणा बरसा सँ माँ राजस्थानी री सेवा करता आय रेया है । जनकवि रै रूप में बाँ आछी प्रसिद्धि पाई है । बाँरी रचनाशैली और उण री रचनावाँ नै गाय'र सुणावणारी कळा निजी अर अनोखी है । घणै हरख री बात है कि बाँ भारत रै सर्वश्रेष्ठ और सिगलाँ सँ घणो प्रचलित भगवद्गीता जिसै ग्रंथ री पद्यानुवाद कियो है । आ जीवण री एक बड़ी सफलता है । गीता जिसो बडो ग्रंथ अबै आपाँरी मातृभासा में सर्वसुलभ हुयग्यो है । आसा है इणरो आछो प्रचार हुसी घणा लोग लाभ उठासी ।

अगरचंद नाहुटा

4.6.78

## भगीरथ प्रयास

श्रीमद्भगवद्गीता जैसे तत्व प्रधान ग्रंथ का राजस्थानी जैसे विकासशील भाषा में यथार्थ अनुवाद बहुत ही दुरूह कार्य है तथापि राजस्थानी मंचों के सुप्रसिद्ध चित्ताकर्षक कवि श्री भीमपाँडिया ने राजस्थानी में गीता-गङ्गावतारण का भगीरथ प्रयास किया है ।

स्वामी सोमेश्वरानंद भारती

अधिष्ठाता धनोनाथ गिरि पंच मंदिर, बीकानेर

14.7.78

## साहित्य जगत की अपूर्व सेवा

राजस्थानी भाषा के जाने माने कवि श्री भीमपाँडिया ने श्रीमद्भगवद्गीता

को अपनी जनभाषा में लाकर/अनुदित कर साहित्य जगत की अपूर्व सेवा की है।

श्री भीमपाँडिया ने गीता जैसे श्रद्धा और प्रेरणा स्रोत ग्रंथ को अनुदित कर मारवाड़ की शुष्क धरा को भी सरस और हरा भरा करने का भगीरथ प्रयास किया है।

जिनचन्द्र सूरि

बड़ा उपासरा, बीकानेर

10.6.83

## जन्मजात कवि

श्री भीमपाँडिया से मैंने राजस्थानी भाषा में श्रीमद्भगवद्गीता का छंद बद्ध अनुवाद सुना। कई वर्ष पूर्व हिन्दी के विख्यात विद्वान कवि वचन की “नागर गीता” खड़ी बोली में और “जनगीता” अवधी में देखने का सुअवसर मिला था। तब मन में सोच आया था कि क्या ही अच्छा हो यदि कोई राजस्थानी का कवि इस पुनीत भगवद्वाणी को हमारी जनवाणी में अनुदित कर दे।

श्री भीमपाँडिया जन्मजात कवि हैं। राजस्थानी भाषा पर उनका सहज अधिकार है और छंद उनके श्वास-प्रश्वास का सहयोगी है। राजस्थानी में यह प्रथम सार्थक प्रयास है और श्री भीमपाँडिया इसमें सफल हुए हैं।

छगन मोहता

27.7.78

## भाषा की असाधारण मधुरता

इस अनुवाद में “श्रीमद्भगवद्गीता” के गंभीर भावों की पूरी पहुँच के साथ ही भाषा की असाधारण मधुरता भी मिश्रित है। मैंने स्वयं श्री पाँडियाजी के मुख से प्रस्तुत अनुवाद के बहुसंख्यक प्रसंग सुने हैं और विषय के साथ ही कवि की अनुपम काव्य-पाठ शैली का भी आनंद लिया है। मुझे विश्वास है कि यह अभिनव अनुवाद और भी अधिक ख्याति तथा लोकप्रियता प्राप्त करेगा।

डॉ. मनोहर शर्मा

31.5.78

## प्रवाहपूर्ण प्रासादिक एवं प्रेषणीय अनुवाद

कालजयी गीता का राजस्थानी भासा में रसानुवाद लोककवि भीमपांडिया ने किया है। कवि राजस्थान के लोकजीवन से, यहाँ की घरती से भाषा-परम्परा से जुड़ा हुआ है इससे यह अनुवाद प्रवाहपूर्ण, प्रासादिक एवं प्रेषणीय हो सका है।

अक्षय चन्द्र शर्मा

17.7.83

## सृजनात्मक कुशलता का निर्वाह

श्रीमद्भगवद्गीता का राजस्थान के यशस्वी कवि-शिक्षक श्री भीमपांडिया द्वारा रचित राजस्थानी अनुवाद सुना। बहुत पसंद आया। बड़ी सशक्त अभिव्यक्ति है। इनका यह अनुवाद मूल के इतना निकट रहा है कि श्रोता या पाठक को लगता ही नहीं कि वह किसी अन्य कृति का अनुवाद है। गुरु से अंत तक आपने इस सृजनात्मक कुशलता का बराबर निर्वाह किया है।

शिवरतन थानवी

13.7.79

पंजीयक शिक्षा विभाग परीक्षाएँ

राजस्थान

## माँ राजस्थानी रो लूँठो सपूत

सावण री ऊजळी तेरस, विसपतवार, अर वो घोळो दोपारो। बड़ी अस्पताल रें कोटेज-वार्ड में पूज्यपाद पितरदेव नरोत्तम दासजी स्वामी छेकड़ला साँस लेवें हा। राजस्थान-सरस्वती रें लाडलै री बोली उण वगत चिर विराम लेवें ई ही कै आप उणाँ रा आखरी दरसण करण नै वठै पधारचा हा। गीता सुणावण री बात चाली जद आप उणाँसुं आशा लेय नै आपरो ताजो तयार करचोड़ो श्रीमद्भगवद्गीता रो राजस्थानी अनुवाद सुणावणो सरू करचो। आपरें मधुर कंठा री सुमधुर गूँज शब्दाँ रो लालित्य, भावाँ री गहनता-काँई-काँई सरावूँ—सै आपरें जिसा एक ही है। माँ राजस्थानी रें अप्रतिम पुजारी री जीवणसाध पूरी हुवण में इणसूँ वत्तो काँई सुयोग हुय सकै है कै उणाँ नै अंतिम शयन री वेळा-गीता भी सुणायीजै है तो राजस्थानी में अर सुणावण आळो भी है तो माँ राजस्थानी

रो ई लूँठो सपूत भीमपाडिया ।

सनत कुमार स्वामी  
सावण सुदी तेरस २०४०

## घणै मान सूं बधाई

वाकई अनुवाद बड़ो फूठरी नै प्रभावी बण्यो है । हूँ क्या कैवूं-भासा सूं भाव खुद ही फूट-फूट पड़े । इसी सुन्दर रचना खातर पाँडियाजी नै म्हारी तरफ सूं घणै मान सूं बधाई है ।

जतीन्द्र कुमार जैन  
20.10.83

निर्देशक राजस्थान राज्य अभिलेखागार

## हियाळै सो मोटो करम पूरो हुयो

राजस्थानी भासा में घणी खिमता है ई वास्तै गीता दरसन रो पद्याँ में भी अनुवाद कियो जाणो चाईजै । कवि भीमपाँडिया रो हिवड़ो जाग्यो और लगन लाग्यो । हियाळै सो मोटो करम पूरो कियो । अनुवाद आपरै करकमळाँ में है । कवि री कलम रो कमाल है कै पूरी गीता रो ओ राजस्थानी पद्यानुवाद आछो-फूठरी अर घणो मधुर हुयो है । आ भारी गौरव री बात है ।

डॉ. पी. आर. आचार्य  
9.6.78

महासचिव, अंतरराष्ट्रीय विचार विहार

## गीता री आ गीतिका

भीमपाँडियाजी रो गीता रो ओ अनुवाद राजस्थानी भासा में एक जागा राखेला क्यूँकि भासा सरस व बोलचाल री है । “गीता” री आ गीतिका है—गीत सुणो अर भूमो, गीत सुणो और अरथ लगावताँ चित्तण में खो जावो ।

आनंदराज थानवी  
15.6.78

उपजिला शिक्षा अधिकारी बीकानेर

## बेलूर मठ (गंगा किनारे) गीता का अंतिम स्पर्श

आज दिनांक 20 जनवरी सन. 1984 की सुबह मैंने बेलूर मठ गंगा



(हुगली) किनारे पर श्री भीमपाँडिया रचित “भीमानन्दी गीता” के अंतिम स्पर्श रूपी पठन का आनंद लिया। मैंने पूरी भीमानन्दी गीता कविश्री के मधुर कंठ से ही सुनी। गंगा किनारे शांत वातावरण में सुर, स्वर, छंद और भाव का मेला सा लग गया। करीब चार घण्टों तक मैं मंत्र मुग्ध सा सुनता रहा।

प्रकाश पारख  
बी. एस. सी. एल. एल. बी.  
प्रकाश टैक्सटाईल एजेन्सी  
कलकत्ता

## गीता रो घणों फूठरो अनुवाद

श्रीमद्भगवद्गीता रो राजस्थानी भासा में कवि श्री भीमपाँडिया रो कियोड़ो “भीमानन्दी राजस्थानी अनुवाद” घणों ओपतो अर घणों फूठरो अनुवाद बजसी। राजस्थान ही नहीं आखँ भारत में लोग गीता रँ ई अनुवाद नँ गा-गा घणों-घणों आणंद लेसी। राजस्थानी भासा फलसी फूलसी। श्री भीमपाँडिया नँ घणँ राम स्नेह सँ बघाई है।

हरिनारायण शास्त्री  
रेण पीठाधीश्वर रामस्नेही धर्माचार्य  
दरियाव नगर, रेण (नागौर)

## अनुभव रो धन

भीमजी राजस्थानी में गीता रो उलथो कर भासा अर साहित्य री सेवा करी है। म्हारै वास्तै ई गीता नँ सुणनो अनुभव रो धन लैणो रँयो है। घणँ हरख साथै हूँ भीमजी री ई गीता रो स्वागत कहूँ।

हरीश भादानी

## लोकगीता के रूप में

श्रीमद्भगवद्गीता का राजस्थानी अनुवाद साहित्य जगत में महत्वपूर्ण उपलब्धि मानी जायेगी। भाई भीमपाँडिया ने गीता का यह अनुवाद गेय-रूप में किया है और लोकमानस पर लोक गीता के रूप में यह व्यापेगी ऐसा मेरा विश्वास है।

भाई भीमजी ने यह श्रमसाध्य कार्य कर राजस्थानी साहित्य जगत का ही उपकार नहीं किया अपितु लोक जीवन को भी कृतार्थ किया है। वास्तव

में यह कार्य भीमजी जैसा व्यक्तित्व ही कर सकता था ।

शुभू पटवा

## जी सोरो हुयग्यो

श्रीमद्भगवद्गीता रो भीमानन्दी राजस्थानी अनुवाद सुण'र जी सोरो हुयग्यो । आछो-फूठरो लिखीज्यो है । म्हाँ सगळीं नै प्रेरणा देसी ।

मोहम्मद सद्दीक

## आभार

मायङ्ग भासा राजस्थानी रो श्रीबिरधी अर संविधानी मानता सारु श्रीमद्भगवद्गीता रै भीमानन्दी राजस्थानी अनुवाद री रचना-परकासण जोग घणीं मोकळी बधाई दिवी अर घणीं उमाव दियो ।

१. डॉ० करणीसिंहजी ऑफ बीकानेर  
(डॉ० करणीसिंह फाउण्डेशन ट्रस्ट, बीकानेर)
२. श्री मनूलाल आत्मज श्री मगनमलजी पारख बीकानेर-कलकत्ता
३. श्री चांदमल आत्मज श्री भीकमचंदजी अभाणी     "     "
४. श्री बालचंद आत्मज श्री सोहनलालजी साँड     "     "
५. श्री रामदेव आत्मज श्री छगनलालजी भट्ट     "     "  
(भट्ट सेवाविधि ट्रस्ट)
६. श्री नारायणदास आत्मज श्री आसारामजी मूँघड़ा     "     "
७. श्री माणकचन्द आत्मज श्री सौभाग्यमलजी रामपुरिया     "
८. श्री भँवरलाल आत्मज श्री मेघराजजी कोठारी     बीकानेर
९. श्री कन्हैयालाल आत्मज श्री जेसराजजी राठी     "
१०. श्री गोपाल जोसी आत्मज श्री छोटूजी जोसी     "  
(छोटू मोटू जोसी, होटल जोशी, बीकानेर)
११. श्री हरिबाबू आत्मज श्री रावत जी (विश्वज्योति)     "  
सुगुणी प्रकाशन रै सहयोग वास्तै धन-धन !


राजू रमेश पाँडिया  
सुगुणी प्रकाशन बीकानेर

# श्री स्यामपाँडिया सँ लगभग १२१वीं पीढ़ी में भीमपाँडिया री वंसावली

(राव वही रै आधार माथे)

आदिमूल श्री भगवान → ब्रह्मा → वसिष्ठ → सक्ति → परासर → वेद व्यास → सुखदेव → उपमन्यु → काहल → कविदेव : स्यामपाँडिया → भदेसर → देहदई : राहू → हरपत → लडा → गीगा → मेहापाँडिया आपरा तीन वेदा — श्री रुघा, काना, कुसळा सगै वि० सं० १७०५ में भरणावा (लाडनू) सँ रामसर (वीकानेर) वस्या । पाँच दस वरस बाद श्री कुसळापाँडिया रा वेदा हरजीपाँडिया गांव केसरदेसर जाटान (वीकानेर) वस्या । (पारीक पाँडिया आदिमूल सूरज-चन्द्रवंसी क्षत्रियों रा कुळ-गुरुपद परम्परा में पल्लू कोट कलूर रा बाजै)

श्री कुसळापाँडिया (पारीक ब्राह्मण, दादाबाड़ी, रामसर-वीकानेर)



श्री रामरक्षापांडिया

श्री रणजीतपांडिया

श्री सिवदासपांडिया



श्री भागीरथपांडिया



श्री हजारीपांडिया

श्रीमपांडिया

(जन्म वि.सं. १९८६)  
१९ जुलाई, १९२९  
वीकानेर

छोटूपांडिया

(गोद : श्रीकाळूजीपांडियारै)

ईसरपांडिया

रामकिसनपांडिया

(गोद : श्रीकानाजीपांडियारै)

सतना रायणपांडिया



स्व. हरीरामपांडिया

वीकानेर

वीकानेर

स्याम

मनोज

जीतेन्द्र

मुक्तेस

असोक

राजेश

वलदेव

सुरेन्द्र

नन्दू

राजू

मनोज

भगतप्रमोदपांडिया

उमेशपांडिया

रमेशपांडिया

अनन्तराजपांडिया

महेशपांडिया

दिनेशपांडिया









# बाखल-आँगण-बाड़ी जीवण रा चितरामाँ में **भीमपाँडिया**

अेक सरजणा रो सुर



भींव भणें, 'श्री भगवद्गीता' ज्ञान-ध्यान-परसाद चखावें  
करण जोग के घरम-करम है सीघोड़ो मारग दिखलावें ।  
पढ़ै सो पिंडित घरम-करम कर मुगती-मोक्ष परम पद पावें  
गीता ज्ञान गंग रो पाणी पियै सो नर-नारी तर जावें ॥






भीमपाँडिया के पिता  
श्री रामरखजी पाँडिया



भीमपाँडिया की माँ सुगुणी देवी  
पोते-पोती के साथ



भीमपाँडिया



भीमपाँडिया की पत्नी सूरज पाँडिया

केसरदेसर अंगुलि निगसी -  
पितामह श्री वाधरजी - पिता श्री रमरदेवजी - माता श्री सुगुण देवी

## श्री जन्मांगम भीमपांडिया

जन्मः - वि० सं० १९८६ आषाढ शुक्ल त्रयोदशी  
तदनुसार स० १९ जुलाई १९२९ शुक्रवार

१९८६-८७ १५१२ १५१२

१५१२-८३ १५१२ १५१२


१५१२-८३ १५१२ १५१२

१५१२-८३ १५१२ १५१२

भीमपांडिया की जन्म कुण्डली



भीमपांडिया



भीमपांडिया दादावाड़ी  
माताधान केसरदेसर जाटा  
(पेतृक गांव में) जिसे  
आजादी के बाद जुलमी  
जाटों ने नष्ट भ्रष्ट किया



भीमपांडिया  
संत पगला बाबा  
के दर्शनों में, बीकानेर



भीमपांडिया अपने  
अध्ययनकक्ष  
बीकानेर में




भीमपांडिया की माँ सुगनीदेवी अपने  
पोते-पोतियां के साथ




नवजात पोता दिनेश पांडिया  
(पुत्र श्री रमेश पांडिया)

भीमपांडिया का सबसे छोटा  
पुत्र अनन्त राजू पांडिया व  
पोते पोतियां और  
दोहीते-दोहीतियां



भीमपांडिया के पुत्र पुत्रियां  
प्रमोद, कृष्णा और उमंग

भीमपांडिया डफली बजाते  
हुए, किसान सेवा में  
सूरतगढ़



भीमपांडिया अपने पुत्र  
उमेश के साथ किसानों  
की सेवा में, सूरतगढ़

माइक और कैमरा लिये  
भीमपांडिया किसानों के  
प्रदर्शन के नेतृत्व में  
सूरतगढ़





भीमपांडिया अभिनन्दन मंच  
पर श्री हरीश भादानी व  
श्री चन्द्रदान चारण के साथ  
श्री गोरीशंकर आचार्य 'अरुण'  
अभिनन्दन कर रहे हैं ।



भीमपांडिया की माँ सुगुनीदेवी अपनी  
भजन मंडली के साथ  
मीरा, सूवटी व मनोहरी

□ □ □

भीमपांडिया अभिनन्दन  
के क्षणों में श्री हरीश  
भादानी के साथ



भीमपांडिया रंगूता बजाते हुए



भीमपांडिया स्व० श्री मुरलीधर जी व्यास  
'राजस्थानी' की चिता के पास समूह में

भीमपांडिया कविता पाठ  
करते हुए जननेत।  
श्री मुरलीधर व्यास  
मूर्तिमंच पर



भीमपांडिया द्वारा  
माल्यापण श्री मोहनलाल  
मुखाडिया के शव पर  
बड़ी अस्पताल, बीकानेर



भीमपाँडिया एक भाव भूमिका में




आद्या साहित्य संस्थान बीकानेर द्वारा अभिनन्दन के क्षणों में  
भीमपाँडिया और श्री भँवरलालजी स्वर्णकार ।





## भीमानन्दी राजस्थानी गीता सार



गजट तणीं मनवार और कई नहि चावणा  
सब रस सँ भरपूर गुटका-गुटको प्रेमसा !  
—भीमर्पाडिया

ओ' गीता रो सार

शिवलिंगी पर हाथ फेरलै  
जलजूनों सूँ आँखियाँ खोल  
भींव भणै सागरियाँ पाळीं  
टावरियाँ में तन-मन धोळ  
भींव बजावै चंग प्रेमसा  
संगत साज बजावै रे  
टावरिया रमावै सो ही  
वेकूँठाँ में जावै रे  
ओ' गीता रो गीत प्रेमसा !  
ओ' गीता रो सार  
अक पुरुष रो पुरुषा माया  
आपँ सगळा बाळ गोपाळ  
अक खून रग रग में रमतो  
जळ सागरियाँ छोलमछोल  
ओ' गीता रो सार  
धरमखेत कुरुखेत मुळकतो  
धरम करम ही जग रो सार  
अक सनातन धरम मिनख रो  
अग जग उरळै-परळै पार  
ओ' गीता रो सार  
हूँ मिंदर मसजिद गुरुद्वाराँ  
चरचाँ में सरवाळै हूँ  
अगन पवन जळ थळ नभ व्याप्यो  
हूँ सगळाँ में हूँ ही हूँ  
ओ' गीता रो सार  
हूँ भारत भारतदेसम हूँ  
जाण भारता न्याय निचोड़  
मिनखपणों राखण जग व्याप्यो  
मिनखापण ही म्हारो मोड़  
ओ' गीता रो सार  
साँस जितो ही दाणों-पाणीं  
साँस जितो ही है संसार  
साँस अमर वन सुख-दुख सम्पै  
अमर आत्मा जग आधार  
ओ' गीता रो सार

हूँ धाकड़ हूँ धाड़फाड़ हूँ  
भगताँ रै वस में हूँ जाण  
जग जीतै म्हारै ही सरणै  
धरम धजा थरपै जस माण  
ओ' गीता रो सार  
ममता आँधी घणीं बावळी  
पण ममता मत पाप झकोळ  
जो माया महकावै म्हारो  
वो ही म्हारो म्हारी ओळ  
ओ' गीतारो सार  
धाकड़-धाड़फाड़ जग जाण्या  
गीता रा उपदेस सुजाण  
जठै कृष्ण योगेसर अरजुन  
वठै जीत निसचै जग जाण  
ओ' गीता रो सार  
सारवाद वेदाँ रो सुर है  
मिनखपणों ही धरम सुजाण  
जद-जद कृष्ण जलमसी सागै  
वीर धनंजै अरजुन जाण  
ओ' गीता रो सार  
मिनखा धरम घटै जद जग में  
प्रभु अरजुन सागै जण आण  
मिटा अनीती नीति घरावै  
ध्रुव निसचै नित अटळ सुजाण  
ओ' गीता रो सार

भीवं रे ! ओम हि

ओम उचार

कण-कण सिरजणहार,  
भाव भर भँवरों रो भणकार  
रगोरग हूँ-हूँ में रणकार  
भींव रे ! ओम हि ओम उचार  
ओम नाँव रो जग निसतारो  
चमकै अपरंपार  
सारवाद रो सुर संदेसो  
ऊँडै मनई धार  
भींव रे ! ओम हि ओम उचार

धाकड़ धाड़फाड़ जग जाण  
 नारायण आकार  
 घटी-बढ़ी री घड़ी बतावै  
 नित टणकाँ टणकार  
 भींव रे ! ओम हि ओम उचार  
 काळ पुरुष नित काळ जीतिया  
 विजिया रा असवार  
 सुख-दुख रा संजोग सनातन  
 करमाँ रा आधार  
 भींव रे ! ओम हि ओम उचार  
 आत्म हेलो करै ओम खुद  
 अन्तस में गरणार  
 आखो विश्व सरण सुख सम्पै  
 मिनखपणें नैं धार  
 भींव रे ! ओम हि ओम उचार  
 ओम नाँव ही मुगती मिणियो  
 ओम नमो ओंकार  
 रिघ-सिघ साथ गजानंद गुँजै  
 अेक ओम ही सार  
 भींव रे ! ओम हि ओम उचार  
 ओम ताज अर तखत सजावै  
 राज काज सरकार  
 ओम चढै अेडी सूँ चोटी  
 ओम बिनाँ अँधकार  
 भींव रे ! ओम हि ओम उचार  
 ओम सदा सगपण रो साचो  
 सँगलियाँ रो प्यार  
 ओम नाम अल्ला रो अपणो  
 सरबाळै संसार  
 भींव रे ! ओम हि ओम उचार  
 ऊँडी सूँडाँ ओम उचरलै  
 लाल घजा फरुकार  
 अेक ओम ही नेता जगरो  
 धरलै सत्य विचार  
 भींव रे ! ओम हि ओम उचार

मन रे ! मिनखपणों

## आधार

मन परमात्म दियो चाव सूँ  
 मन रो मन में धार  
 जो मन सूँ मन री गत जाण  
 वो ही मिनखाचार  
 मन रे ! मिनखपणों आधार  
 वो मिंदर, मसजिद में वो ही  
 चरचाँ अर गुरुद्वाराँ में  
 अेक हि राम रहीम सनतान  
 कण-कण कोर किनाराँ में  
 परस जठै परमात्म परसै  
 निसचै मन में धार  
 मन रे ! मिनखपणों आधार  
 कँवळ नाळ सूँ कँवळ कुळकियो  
 आद पुरुष अवतार लियो  
 गरभ बीज धरती घण धारचो  
 सिसटी रो सिणगार कियो  
 मायड़ कूख कळी घण फूली  
 काढ भाग री कार  
 मन रे ! मिनखपणों आधार  
 अेक रंग रग-रग में रमतो  
 जीवण रो संचार करै  
 हियै-हियै में अेक अलख सुर  
 सुख-दुख सब संसार भरै  
 आखो विश्व अेक ही माया  
 प्रभु ही पाळणहार  
 मन रे ! मिनखपणों आधार  
 प्रभु री जोत सकळ जग पळकै  
 दसूँ दिसा पळकार करै  
 अगन पवन जळ थळ नभ कणकण  
 जिया जूँण रो पेट भरै  
 हृद-अनहृद प्रभु री किरपा जग  
 पावै तप्याँ-तपार  
 मन रे ! मिनखपणों आधार

अकामेक आपणों फलसो  
 मिनखपणों री कार  
 कमसल ही कळमस में रळसी  
 मिनखापण नित मार  
 मन रे ! मिनखपणों आधार  
 ओम नाँव ही अेक मंत्र है  
 जीवण रो आधार  
 ॐ अेक आखर गीता में  
 सारवाद रो सार  
 मन रे ! मिनखपणों आधार

### जीवण अेक भूपक पळकारो

जीवण अेक झँपक पळकाँ रो  
 साँस-नळी रुणझुण रळकावै  
 कदै हियै री कोर किलोळाँ  
 कदै अघर हूँ-हूँ फुरकावै  
 सुख-दुख रो संजोगी जोड़ो  
 घोर-वीर सब विघन टळावै  
 काळजियाँ रा खुलाँ-किवाड़ाँ  
 सदा सनातन साख निभावै  
 नित निरभै निघड़क जीवणियो  
 नर नाहर संज्ञा जग पावै  
 संकर ही पर कैकर नाचै  
 तीन लोक में धूम मचावै  
 जातक अेक जात मिनखाँ री  
 सुरखी लाल लोही लहरावै  
 कण-कण अेक ॐ रो कुण्डळ  
 अगन-पवन जळ थळ नभ छावै  
 विप इमरत री अेक जळेवी  
 रस ही रस में रास रचावै  
 आखर ब्रह्म अेक ही मंतर  
 सुर-सुर सरस-सरस सरसावै  
 सकळ अेक प्रभु रो पळकारो  
 जियाजूणों री जांत पसारै  
 रग-रग राम रमै रुणझुणतो

मान सरोवर थाँरै-म्हारै  
 आ रे राम-रहोम पुकारूँ  
 वाँथ भरूँ उमराव उचारै  
 भँवरजाळ में जीवण नैया  
 जूँझ-जूँझ लग जाय किनारै  
 अेक सुखद साँयत ही ओखद  
 लाख-किरोड़ रोग नसटावै  
 मुळक अेक गुटको पी जहरी  
 सात समंदर जहर सुखावै

### उगायो भोर रो तारो

उगायो भोर रो तारो  
 समै रो कण सुरोलो कर  
 अमर आसीस लै प्रभु री  
 हियै में चानणों भर-भर  
 उगायो भोर रो तारो  
 सबधवेधी चलै पग-पग  
 दसूँ दिस बाण रो धेरो  
 उठा गाण्डीव तूँ अरजुन  
 अमर कर मृत्यु में वर-वर  
 उगायो भोर रो तारो  
 सधी है साख साँसाँ री  
 हवा रा लैरका आवै  
 समै रो वायरो चालै  
 अंजळी फूलडाँ झर-झर  
 उगायो भोर रो तारो  
 गिण्या अर अणगिण्या सगळा  
 नाँव अर काम प्रभु रा धर  
 अलख ही विश्व आवै में  
 अेक ही घाम है धर-धर  
 उगायो भोर रो तारो



# सिध श्री म्हँशी राजस्थानी रा हेतालू आम्हेंचा उमावक गाहकमणों रै लाड-प्याइ खुँ गीता रो ओ' भीमानन्दी राजस्थानी अनुवाद रचीजो-छापीज्यो

## भोंतड़ा ढहजासी-गीतड़ा रहजासी

श्रीमद्भगवद्गीता रो भीमानन्दी राजस्थानी अनुवाद आप मानीता लोगाँ रै हाथाँ में सूपताँ घणो हरख हुवै । इण अनुवाद नैं घणाँ विद्वानाँ सरायो तो घणाँ आछी वात, पण वडा बोल भगवान नैं छाजै । इण अनुवाद रै परकासण में घणाँ लोगाँ मदद करी श्री मोमेश्वरानंदजी भारती, श्री पूज्यजी जिनचंद्र जी सूरी, श्रीशंकरनाथजी महाराज, रा. गायत्रीदेवीजी जयपुर, डा. करणी सिंह जी बीकानेर, श्री मन्नुलालजी पारख, श्री चांदमलजी आभाणी, श्रीबालचन्दजीसाँड, श्रीभवानी-शंकरजी व्यास 'विनोद' श्रीभंवरलालजीकोठारी, श्रीमाणकचन्दजीरामपुरिया श्रीनारायणदास वजाज, श्रीरामदेव भट्टड़ा श्रीनारायण दास मूँधड़ा, श्री कन्हैयालाल जेसराय जी राठी, श्रीमाधोदास नरसिंहसामूँधड़ा श्रीमांगीलाल वागड़ी, श्री भागीरथ राठी, डॉ. भीमराज शर्मा, डॉ. देवी प्रसाद गुप्त, श्रीमहबूब अली, श्रीनन्द किशोरआचार्य, श्री हरीश भादानी, श्री शुभूपटवा, श्री राम प्रसाद जी सहल, श्रीशिवकुमारजी किराडू, श्री प्रकाश पुरोहित, श्री हनुमान प्रसादजी पुरोहित, श्री गिरधरजी आचार्य, श्री विद्या सागर आचार्य, सरदार मोहकम सिंह, श्री नमामी शंकरजी आचार्य श्री रघुपतसिंह वैद, श्री वृजूभा, श्रीद्वारका प्रसाद पुरोहित श्री लाल नथमल जी जोशी, श्री गौरीशंकर जी पारीक, श्री रुद्र कुमारजी स्वामी, चौधरी वद्री प्रसाद जी, श्री गोपालजी आचार्य एडवोकेट, श्री विनोदचन्द्रजी पाण्डे, श्री भगवानसहायजी जोशी, श्री जगन्नाथसिंहजी मेहता, श्री अजीतसिंहजी मिश्रवी, श्री युगलनारायणजी पुरोहित एडवोकेट, श्री सत्यनारायण जी पारीक, श्री वासुदेव प्रसादजी विजयवर्गीय, श्री रामेश्वर जी पांडिया, श्रीभंवरलालजी स्वर्णकार, श्रीमूलचन्दजीपारीक, श्री सूर्य शंकर जी पारीक, डा. प्रेमसा आचार्य श्री चन्द्रदानजी चारण, श्री मांगीलालजी माथुर, श्री सुन्दरदास अवतररमाणी, वैद्य श्री गोविन्द नारायणजी, श्री महेश सिंह तंवर घूड़ाराम जी जोगी कान्हेराम हठीला श्रीदेवकृष्णजी व्यास, श्रीरामचन्द्रजी कल्ला, सरदार मकवन सिंहजी, श्रीगौरीशंकर जी आचार्य, श्री दुर्गा शंकरजी आचार्य, डा० जय चंद्र जी शर्मा, श्री गंगा दत्तशर्मा श्री भवानी भाई शर्मा, श्री भंवरलाल शर्मा, श्री मोहन पूनमिया, श्री हनुमान मोदी श्री रामआचार्य, श्री मुकुनसिंह राठीड़, श्री लक्ष्मीकान्त शर्मा, श्री चम्पालालशर्मा

श्री रावत सारस्वत, श्री किशोर कल्पनाकान्त, श्री रेंवत दान चारण कल्पित,  
 श्री मुकुलजी, श्री कल्याण सिंह शेखावत श्री हणूतसिंह देवड़ा श्री गोविन्द श्रीमाली,  
 श्री मोहनसिंह निर्वणि श्रीगिरवारीलाल व्यास, श्री के० राज, श्रीप्यारे मोहन जे०  
 वगरहट्टा, श्री अम्बालाल माथुर, श्री अभय भटनागर, श्री पदम मेहता, श्री नृसिंह  
 राजपुरोहित, श्रीरायचन्दजी जैन, श्रीमालचन्दजी जैन, श्रीदिलातम जैन, श्रीहीरा-  
 लाल जी सत्यवादी, श्रीओमप्रकाश मिश्रा, श्री सोहनलाल सेकसरिया, श्री सोहन-  
 लालजी डागा, श्री मोतीलाल जी चाण्डक, श्री नारायणसिंहजी घटेल, श्री दिलीप-  
 सिंहजी, श्री भागीरथ रायजी विश्नोई, श्री एम. पी. त्रिपाठी, श्री महेन्द्रनाथ  
 धवन, श्री रोहिताश्व कुमार, श्री जीवराजसिंह राठौड़, श्रीजे. पी. मिश्रा, श्री रमेश  
 चन्द्रजी गुप्ता, श्री पनेचन्दजी सिधवी, श्री सुदर्शन चोहड़ा, श्री दीनदयाल जी सूद,  
 श्री अमृतलाल विसानी, श्री राजेन्द्रराय मिश्रा, श्रीगोपालराम गोदारा, श्री देवी  
 सिंह भाटी, श्री रामकृष्णदास गुप्ता, श्रीनारायणजी पुरोहित, श्रीगोकुलजी पुरो-  
 हित, डॉ. एस. एस. पुरोहित, श्री हीरा लाल आचार्य, श्री सत्य नारायण अमन,  
 श्री मनोहर चावला, प्रो. केदार, पं. टेकचंद शर्मा, श्री दीपचन्दजी भूरा,  
 श्रीमंतकुमार व्यास, श्री त्रिलोक शर्मा, श्री हनुमानदत्त व्यास, श्री मंगतराम गुप्ता,  
 श्रीपूर्णानंद व्यास, श्री कांतिभाई, श्री ठाकुर प्रसादजी वैद्य, श्री भूमण लालजी  
 व्यास, श्री पूनमजी मिस्त्री, आचार्य विश्वनाथजी शास्त्री, डा. मदनकेवलिया,  
 डा. पुरुषोत्तम आसोपा, श्री सूर्यप्रकाश विस्सा, श्री शिवजी जोशी, इंद्र नारा-  
 यण सूया, श्रीरामनरेश सोनी, श्रीसूरजमालसिंह राठौड़, श्री ऋषिकेश शर्मा, श्री  
 शिवनारायणजी वोहरा, श्री गोपाल जोशी, श्री हरि बाबू, श्री हिम्मत भाई  
 पारीख, ठा. दीपसिंहजी, श्रीबाबू खाण्डा, श्री जोशी 'निर्भीक' श्री गीधामहाराज  
 कल्ला, श्री मकखन जोशी, कन्हैयालाल झंवर (नोखा)। जोशी श्री हजारी जी पंडित  
 नरसीजी, रामदयाल जी, भेंवर लाल जी, अमरचन्द जी, सेताराम-सतनारायण जी  
 जोशी और श्री भीखारामजी पांडिया नापासर । वैद्य श्री ठाकुर दत्त जी तिवाड़ी,  
 श्री हड़मानजी जोशी राजलदेसर, श्री नत्थूजी व्यास पहलवान सांडवा-कलकत्ता ।  
 पुरोहित श्री गंगाविशनजी, खुमाणजी, सोहनलालजी, फूसराजजी, तोळारामजी,  
 अर्जुनलालजी मालचन्दजी, जगदीशजी मदनलालजी जेसराजजीपूर्णारामजी । जोशी  
 श्रीरामरखजी । 'पांडिया श्रीलिखमा रामजी सीताराम, कानीरामजी, सुगनारामजी,  
 श्री डूंगरगढ़ । श्री केशरारामजी वोहरा पूलासर-सरदार शहर । जोशी श्री माली  
 रामजी, रामदयालजी, भेंहूजी, हिमटसर । जोशी श्री ईसरमहाराज, चम्पादेवी  
 लूणारामजी । तिवाड़ी घासीरामजी साळगरामजी । पांडिया गंगादेवी काळूरामजी,  
 छोटूलाल, और श्रीरामकृष्ण खत्री नोखामंडी, । तिवाड़ी श्रीमोहनलालजी, यद्रीना-  
 रायणजी-शिवनारायणजी सूरतगढ़ । श्री धरमचन्दजी चोपड़ा गंगाशहर । जोशी  
 श्रीमधराजजी, मद्रान । जोशी श्रीनन्दलालजी, दाऊलालजी, बुन्दाजीजी, लालचन्द  
 जी, मधारामजी, सूरजमलजी. नरसंगजी, रमणलालजी, रामप्रतापजी, भागीरथ

जी, फकीरचन्दजी, दीऊलालजी मधराजजी, गकिल-भागिरथजी लाधूरामजी-वूडा-  
 रामजी । व्यास श्रीवृजूजी बुलाकीजी वकील शिवरतनजी तीवाड़ी । घमजी-शिवजी  
 हड़मानजी-लाधूरामजी व्यास । पाँडिया श्रीवगसीरामजी, सोहनलालजी, तोळाराम  
 जी, गोरधनजी खाजू जी, भँवरलालजी-चम्पालालजी, गंगादेवी-भागीरथजी, राम  
 गोपाळजी, हड़मानजी-गोपाळजी, चेतारामजी, अणतलालजी । तिवाड़ी श्री रासमेर  
 जी, रतनलालजी श्री सुखा रामजी । श्री गौरीशंकरजी पुरोहित, चाँद रतन  
 आचार्य नन्द किशोर जोशी, वैद्य भँवर लाल आचार्य, गोपालजी व्यास, लक्ष्मणजी  
 सुथार, हरीराम वर्मा, शिवनारायण जोशी, श्री रतनलाल-किसन लाल चाँडक,  
 श्रीमोतीलाल चाँडक, नथमलजी चाँडक, खोंवराजजी राठी, श्रीलालचन्दजी, कोठारी  
 उपध्यानजी कोचर, श्री सुरेश कटारिया, रामकृष्ण लोहिया, श्री वेदनिधि, कमल  
 नयन पुरुषोत्तम शर्मा, श्री काशीरामजी वोहरा, श्री नन्दरामजी-नथमलजी राव  
 श्रीविष्णु आचार्य, जुगलकिशोर जोशी, सुभाष पुरोहित वीकानेर । श्री शिवचरण  
 कश्यप, श्री जसकरण गोस्वामी श्री उमेशआचार्य, डॉ. दिवाकर शर्मा, इब्राहीम  
 गाजी, गुलाम शाद, सदीक, रफीक-मुनीर मो० जफर, मुश्ताक भाटी, लियाकत  
 अली, अजीज आजाद-अब्दुलवहीद कमल, शिवराज छंगाणी-गौरीशंकर अरुण,  
 गौरी शंकर मधुकर लालचंद भावुक-बुलाकी बावरा, नवल वीकानेरी विशन मत-  
 वाला-कृष्णजनसेवी दिनेश रंगा । माणकवंधु, भँवर व्यास, श्रीराजेन्द्रमित्तल चौधरी  
 शिवकुमार सिंह-बद्री प्रसाद गहलोत वृजगोपाल पुरोहित-असरफ अली, सरस्वती  
 स्वामी, मकखन स्वामी, रामेश्वर साध डॉ. सत्यनारायणस्वामी । रमेश खन्ना,  
 पन्नालाल पहलवान. डॉ. डी. पी. पुरोहित । सोहन कँवर-मेजर पूर्णसिंहराठीड  
 भँवर लालजी जीतमलजी पुरोहित, श्री भँवरलाल हर्ष (ज्योतिष वैज्ञानिक) श्री  
 छगनजी माली, श्री काशी नाथ व्यास, श्री हीरालाल आचार्य, श्री कुंजी लाल जी  
 गहलोत, श्री शिव कृष्ण-डूंगरमल जी जोशी, श्री रामू-कृष्ण-अनंतलाल जी व्यास  
 श्री अद्भुत शास्त्री श्री कृष्ण कुमार मूँघड़ा श्री हनुमान दास धनसुखदान  
 रामदयाल जी चाँडक श्री भतमल ऊधोदास जी चाँडक श्री दाऊजी-आसारामजी  
 आचार्य श्री मेधराज जी आचार्य, श्री मंगल चन्द जी आचार्य, श्री चकोर-मकोर  
 पुरोहित, श्री कृष्णजी विसनोई श्री ईसरदासजी स्वामी श्री सोहन लाल जी  
 मोदी श्रीभगवान सहायजी वोहरा । श्रीजयनारायण हनुमानजी श्रीतुलसीराम-भँवर  
 पाँडिया । डॉ. काली चरण माथुर, श्री देव कृष्ण पाँडिया श्रीसुरपति सिंह, श्रीपूनम  
 चंद खड़गावत, श्रीमुन्नालाल गोयल श्रीमोतीलालजीपाँडिया, श्रीदीना नाथजीव्यान  
 श्री केदार बद्री प्रसाद जी व्यास, श्री रमणसा विस्सा, श्री आनन्द चन्द्र कल्ला,  
 श्री बाबूलाल सोमदत्त श्री माली, श्री भँवर लाल चोरड़िया, श्री हनुमान प्रसाद,  
 श्री कांति कोचर श्री नारायण रंगा श्री गिरधरजी व्यास (अध्यापक) श्री मनूलाल  
 डागा श्रीभँवरलालजी ताराचंदजीवोथरा, श्रीकेसरीसिंह आचार्य, श्रीरामकृष्ण भा.  
 सतीशशर्मा । पाँडिया श्रीमुल्लतानजी हजारीजी नन्दरामजी केसरदेनर जाटान, श्री  
 मोहनलालजी पाँडिया भरणावा(लाड़णू) श्रीकिसनसिंह गहलोत, श्रीद्वारका प्रसाद



सोलंकी श्री माणकचन्द सेठिया, रामचन्द्रजी व्यास (नगजी) और स्व. चम्पादेवी मुरली धरजी व्यास डा. राजानन्द श्री आर. जे. मजीठिया, श्रीमुन्नालालजी गोयल श्री वृज भूपण शर्मा, श्रीकन्हैयालालजीसेठिया श्रीमानसिंह जी-दिलीपसिंहजी शिव-चरण कश्यप, अमरनाथ कश्यप, हर प्रसाद वगरहट्टा श्रीहरिश्चन्द्र तिवाड़ी श्री प्रेम-प्रकाश अवस्थी, श्री वृजलाल ओमप्रकाश मिश्रा (सूरतगढ) श्री लाजपत भान श्रीहनुमान जी पुरोहित, श्री गणेशी लाल माथुर श्री चिरंजी लाल पुरोहित श्री के. के. व्यास श्री शिवरतन डावाणी श्री सुखजी पुरोहित श्री दाऊदयालजी शर्मा स्व. वगतावरीश्री कानीरामजी पाँडिया । जोसी हरनाथजी । श्रीप्रेमनाथ सोनी, श्री जयप्रकाशजीगुप्ता श्री रामकरणजी पाँडे, श्रीजनार्दन व्यास, श्रीहीरालालशर्मा, का. हीरालालआचार्य, एन. डी. प्रकाश । श्री भैवरलाल आनन्दमलजी डागा श्री साँगी । स्व. सूवटी श्री कृष्णजी तिवाड़ी, पार्वती शंकरलालजी पुरोहित । बाई सिरिया-पाना—लिछमी । स्व. मनोहरी रावतमल जी पारीक, स्व. मीरा धनसुख दासजी तिवाड़ी, गोगीदेवी पेमारामजी तिवाड़ी । श्री लेखारामजी पाँडिया, श्री हुकमचन्द मंगतराम पाँडिया, श्री शिवप्रतापजी चाँडक, सिरियादेवी-शिननाथजी व्यास, श्रीमती बाबूदेवी जेसरामजी राठी, श्री कन्हैयालाल, श्री मुरलीधर, अमृतलाल, मांगीलाल, दाऊलाल राठी । श्रीमती कस्तूरी बूड़जी जोसी, श्री रामेसर लाधुजी जोसी, श्रीपगला बाबा, श्री पुरुषोत्तम दाधीच, श्री प्रेमरतनजी बिस्सा, श्रीवल्लभेश दिवाकर, श्रीहर्ष, सरल विशारद, श्री चंचल हर्ष, अरविन्द गोस्वामी, श्री अरविन्द आचार्य श्री द्वारकाप्रसाद धनसुखदासजी जोसी । श्री रामरतन हर्ष, श्री द्वारका-प्रसाद हर्ष और श्री द्वारका प्रसाद स्वामी (बाबा) । श्री मुकेश राजस्थानी । श्री जयनारायणजी व्यास, दीनदयालजी शर्मा । श्री गजानन वर्मा-श्री धनंजय वर्मा । श्री बी. के. मोहन । श्री गोपालजी पाँडिया, श्री सोहनलाल धनसुखजी तिवाड़ी । वैदिक संस्कृत भाषा री वेटी अर हिन्दी आदि अनेकू भाषावाँ री माँ आपणी राजस्थानी भाषा है । श्री मदभगवद्गीता रँ भीमानन्दी राजस्थानी भाषा में छपण री जाणकारी मिली जद जी सोरो हुयग्यो । मन में उमंग उछालाँ भरै अर हियो कोडावै । वो दिन वैगो आवै-श्री भगवान रा वचन आपणीं लासीणी राजस्थानी भाषा में बाँचाँ-सुणाँ तो घणों आँणद-उछव हुवै । श्री शुभ मंगल भावनासूँ श्री कानीरामजी पाँडिया, श्री हीरालालजी देरासरी और श्री नानकरामजी जोमी सरावण जोमी मदद सुगुणी प्रकाशन रँ परकाशन में मूरत रूप में दी । घणों चमतकारी रुड़ो—रूपाळो रूप गिणीजसी तो घणें हरख री बान हुमी टण ग्रंथ री ।

दिनीतगणः— सुगुणी प्रकाशन

श्रीमती सुगुणीदेवी रामरत्नजी पाँडिया श्रीहजारी रामरत्नजी पाँडिया, । मूरतदेवी भीमपाँडिया । सम्पत-प्रमोदपाँडिया पूनम और लता, । शान्ति-उमेशपाँडिया, महेश-पाँडिया राखी एवं वसन्त । तारा-रमेश पाँडिया, दिनेश पाँडिया और अनन्त राखी पाँडिया, कृष्णा श्री मदनजी पुरोहित, गायत्री, योगेश्वर व पवन। पुष्पा श्रीगोकुलजी जोमी, व गोपालजोमी और नूतन, । सन्तोष श्री भैरवीजी जोमी और विष्णु । ●

## सुमरणा रा सुर किता साँतरा

घण लाखीणी राजस्थानी भापा री वढोतरी अर संविधान में मानता वासतै राजस्थान—कळकतै रा घणाँ मानीता लोगाँ भीमानन्दी राजस्थानी अनुवाद श्रीमद्भगवद्गीता रै परकासण सारू उमाव दियो घणाँ सरावणजोग !

सर्व श्री किरपाचन्दजी शांतिलालजी सुराणा, नथमलजी—रिखवदासजी भंसाली, लूणकरणजी जेठमलजी सुराणा, पीरदान प्रकाशचन्द आत्मज अजीतमलजी पारख, भँवरलालजी सेठिया जङ्गूवाला, भँवरलाल गिरधरलाल आत्मज गोविंदलालजी वैद, जतनमलजी सुरेन्द्रकुमारजी डागा, भगवान भाई नरेन्द्र भाई जरीवाला—सूरत, भँवरलालजी भँवरलालजी रिखवचन्दजी वैद, शिखरचन्दजी आत्मज ज्ञानमलजी मिन्नी, जगन्नाथ रामगोविंद, राजकुमार आत्मज भँवरलालजी पारख, मोहनलालजी पूनमचन्दजी कोठारी, आनन्दमलजी भँवरलालजी डागा, हीरालालजी जतनमलजी लूणिया, श्रीमती स्व० लोकनायक मुरलीधरजी व्यास ।

सर्व श्री सरदारमलजी कांकरिया, सूरजमल माणकचन्द आत्मज फूसराजजी वच्छावत, भँवरलालजी सामसुखा, भँवरलालजी आत्मज पूनमचन्दजी मंडावत, गोपालचन्दजी वोथरा, भँवरलालजी वोथरा, कन्हैयालालजी वछराजजी फागमलजी अभाणी, शिखरचन्द प्रकाशचन्द पूनमचन्द लालचन्द साँड, मोहनलालजी पुरोहित, जयचन्दलालजी कोचर, शांतिलालजी वाँठिया, प्रेमचन्दजी दूगड़, सम्पतलालजी मिन्नी, रामरिछपालजी अग्रवाल, शांतिलालजी धनराजजी डागा, चूनीलाल नंदलाल श्रीगोपालजी सोमानी, आसारामजी जयकिसनजी सादाणी, शंकरदावू तोदी, टहलराम दावू, जीवतदावू, जगन्नाथ सत्यनारायण, दीनानाथ नन्दकिशोर चाँडक, माणकचन्द इन्दरचन्द जयचन्दलाल मिन्नी, विस्सूदावू सी. वी. एण्ड संस, शक्ति ट्रांसपोर्ट ओरगेनाइजेशन, वी. के. व्यास भारन ट्रांसपोर्ट, दीपचन्द सुन्दरलाल गोलछा, महावीर प्रसाद नारसरिया, कन्हैयालालजी सिखवाल, मोतीलालजी धनराजजी सिरोहिया, धनराजजी कोठारी, रामचन्दजी वैद, चाँदमलजी वरडिया इन्दरचन्दजी सुभागमलजी वेगानी, दूलीचन्दजी पुखराजजी सिरोहिया, इन्दरचन्दजी वोथरा, वृद्धिचन्दजी रामपुरिया, सम्पतलालजी गोलछा, सम्पतलालजी भँवरी, शिवकरण शांतिचंद तोलारामजी डोसी, कन्हैयालालजी वोथरा, मुकुटदावू आत्मज लाधूरामजी गंडेरीवाल, नथमलजी मीमाणी, मूलचन्दजी आत्मज किरपाचन्दजी सुराणा, डा० विनोद वियाणी, डा० साविर, शिवदयाल व्यास बूई वंका,

सत्यनारायण हर्ष, चन्द्रकुमार आत्मज गुलाबचंदजी कोचर, जयचंदलालजी पन्नालालजी नाहटा, अन्नारामजी सुदामा, रेंवतीरमणजी भगवानदत्तजी गोस्वामी कन्हैयालालजी गोस्वामी, सूर्यनारायणजी वोहरा, दुर्गादत्तजी शर्मा एडवोकेट सूरतगढ़, पं. भंवरलाल किसनलालजी व्यास, शंकर सेवग, जीवनलालजी डागा सोहनलालजी डागा (सरदारशहर), गौरीशंकरजी आत्मज उदयलालजी पारीक हरिश्चन्द्रजी तिवाड़ी जयपुर, ईसरजी सुथार, पं. लक्ष्मीनारायणजी पुरोहित एडवोकेट, वैद्य भूमणलालजी पाँडिया, मोडारामजी पंवार सूरतगढ़, शिवकिसन कजळसा आचार्य, राजू राहुल संगीता टेक्सटाइल कलकता ।

श्री लहरचन्द कमलचन्द मुकीम. जसकरण गोस्वामी, श्री कन्हैयालाल जी मालू, भंवरलाल जी आत्मज जोरावरमल जी वांठिया, प्रकाशचन्द आत्मज सम्पतलाल जी खचांची, जीवनबाबू आत्मज, गोपालदास जी बजाज, सूरजमल आत्मज जीवनमल जी पूगलिया, श्री शिखरचन्द हेमराज छाजेड़, रामदेव आत्मज कोडूराम जी प्रजापत, सन्नू जोशी, सन्नू हर्ष, रामसा मोदी, रमण जी माली, श्री सत्यनारायण आचार्य, गोपाल जी व्यास, दाऊ जी जोशी, डॉ. गिरिजाशंकर शर्मा, सत्संग प्रेमी पं. वनवारीलाल जी शर्मा । एडवोकेट मरुधर मृदुल, रतनलाल जी पुरोहित, भंवरलाल जी पुरोहित श्रीभावुक जोधपुर, हेमराज जी पारीक सूरतगढ़ ।

राजू रमेश पाँडिया  
सुगुणी प्रकाशन  
विश्वाम्बिका भवन  
आशापुरा नयाशहर, बीकानेर



पुष्पाँजळी—

**बडभागी बाप !**  
**री**  
**बडभागण बेटी !**



जगनामी भारत प्रधानमंत्री

दिवंगता इन्दिरा गांधी नै पुष्पांजली

पूरबाभास साचो इतिहास बणव्यो

रक्षक ही भक्षक बणव्या है  
वाड़ खेत नै खावै है ।

अंग रक्षक सबद रो राम ही निकळव्यो

भरोसो ही काँई रयो ?

३१ अक्टूबर १९८४ नै श्रीमद्भगवद्गीता रै भीमानन्दी  
राजस्थानी अनुवाद रै अठारवें अध्याय रो छेकड़लो पानो अर  
गीता महातम छपता-छापता . . .

अरर ! अचाणचक भूंडी सूं भूंडी मिनखपणें नै दागल करण  
वाळी खून सूं लथपथ खूनी-खवर कानां में पड़ी-इन्दिरा गांधी नै  
गोळ्यां सूं बीघनांखी चालणीवेश करनांखी काळां-हत्यारां ।  
काळजो काँप्यो अर धरती गिगनार दोनू धूजता-सा लाग्या !  
भगवान ! ओ काँई कियो ? हे राम ! थारी आ' के माया ?

अवैं तो खाली, अ' अनादी सासवत

सबद ही धरती-आसमान में गूँजै

“देस री सेवा करतां थकां जे म्हारा प्राण-पैखेरु भी उड़जावैं  
तो घणें गौरव-गुमान री बात हुयसी । म्हारें लोही री अक-अक  
बूंद देस रै विकास में भदद देसी अर देस नै घणों-घणों बळवाण  
वणा आगें बधासी ।”

आश्वर ब्रह्म, अमर आतमा

चावैं कोई कितरो ही राजनीत विरोधी हुवैं लोकराज में  
हत्यारी बात सोचणीं ही खोटें सूं खोटें अवरम-अपराध अर मिन-  
खापण मायें घणें कळंक री कोझी सूं कोझी-माझी सूं माझी बात है ।

लाख पल्ले फूलों में कोई आखर राख रमाणी है  
 न्याय घरन दिन भीव जिन्दगी कोई न आपी जाणी है  
 करड़ो लेख लिख्यो कुदरत रो दुरगत नहीं टलाणी है  
 जतन अँक भो काम न आवै आ' संतां री बाणी है  
 नागफणी पर गदा भीव रो कलम करुड़ी कड़कैली  
 हत्यारा जुलमी मिटजासी पग-पग छाती धड़कैली

आजादी रै बाद-देस में चापळूसी अर  
 काळा-कूड़ियाँ रै कुण्डालियै री घेरावंधी में  
 भारी गुण्डा-गरदी, च्यारसौ-बीसी, आतंक,  
 घोखाघड़ी, लूटपाट, जमीन हड़पा-हड़पो,  
 हत्या अर खून खराबी रो जोर रयो है  
 पापी पूज्या जाँवता रया है-घायल रया है  
 थारां-म्हारा प्राण, प्रभु री मरजी ! कुण काँई करै  
 जोर काँई ? आखरकार धीरज ही मोटी बात है  
 पण धीरज भी तो प्रभु रो घरायो ही घारीज !  
 प्रभु ही आछो-मंदो निसतारो अर मोक्ष करै ।  
 हे राम ! हे प्रभु ! पंचभूतां में लीण दिवंगतां में  
 साँयत अर मोक्ष दीजो ! आ' म्हारी भी  
 अरज है-लुळ-लुळ वीनती है, पुष्पांजली है ।

**आश्वरकाद तीता भँजै-तीता भँ समो**

जो जलमै सो मरै जरूरी अरजुन तूँ निसर्ग प्रभु जाण  
 इणतर अटल विपै परभी तो सोक न करणो जोग गुजाण ।२-२७।  
 जलमण सुँ ले मरण समैं तक दरसण भूत देव सरार  
 मरचाँ पछै हुय जाय अदीठा वारो साँक सफा धेकार ।२-२८।  
 फळ में नहीं करम में थारो अरजुन तूँ करलें अधिकार  
 छोड वासना करमफळा री घरम करम सुँ करलें प्यार ।२-२९।  
 फळ अभिलासा त्याग धनजै धारण करलें तूँ धिर योग  
 सिध अर असिध दोऊँ सम जाणो धरम-करम ही योग गुयोग ।२-३०।

—ॐ नमस्तस्मै—

भीमर्षादिवा

२१ जनवरी १९८४

## भीवं भणैं सागर री पाल

राज विरोधी हाँ तो  
लोकतंत्र में मिनखपणो राखाँ  
आँगणें में गोळी क्यूँ गड़कावाँ  
चक्कू छुरी क्यूँ चलावाँ  
खून खरावा क्यूँ कराँ  
अँको कराँ—राजवदळाँ  
ताज तखत वदळाँ  
जुलम मिटावाँ  
साँयत सूं न्याय बाँटाँ  
सुख सम्पाँ  
चेतण हाँ चेतो राखाँ  
अचेतण क्यूँ बणाँ  
परालवध पाळाँ—  
पुरसारथ कराँ  
मिंदर में वो, मसजिद में वो  
चरचाँ में वो, गुरुद्वाराँ में वो  
हियो टँटोळ देखाँ तो  
अँक ही राम रहीम रमै  
थाँरै म्हाँरै हियै रै माँय  
भीवं री काया—  
कलम अर कविता  
काँई काम आसी  
साँयत विनाँ सुख कठै  
भीवं भणैं सागर री पाल  
जय योगेसर !

३१ अक्टूबर १९८४









भीमपांडिया—  
आत्मज श्री राम-  
रखजी पांडिया,  
मां श्रीमती सुगुणी  
देवी पांडिया पुत्री  
श्री मयरादासजी  
जोशी,  
जोडायत मूरज  
देवी पांडिया पुत्री  
श्री मुरलीधरजी  
व्यास

जन्म स्थान बीकानेर विक्रम संवत् १९८६ आषाढ  
शुक्ल त्रयोदशी दिनांक १९ जुलाई १९२९  
शिक्षा—प्रभाकर मैट्रिक । कार्य—अध्यापन, लेखन व कृषि  
संतान—चार पुत्र प्रमोद, उमेश, रमेश, /तीन पुत्रियाँ :—  
कृष्णा-मदनजी पुरोहित, पुष्पा-गोकुलजी जोशी,  
संतोष-भैरूजी जोशी ।

अध्यापन कार्य १९४६ सँ अवार्ताई छपियोड़ी पोथ्याँ—

- (१) हाथ सँ कतरलीनो बोरलो १९५८
- (२) लोकतंत्र रा पाळी रोया १९६७
- (३) गरीब करोड़पती १९६८
- (४) श्री मद्भगवद्गीता

भोगानन्दी राजस्थानी अनुवाद १९८४

अनेकूँ कवितायाँ हिन्दी (राजस्थानी साहित्यिक लोक  
संकलनाँ, पत्र पत्रिकायाँ विशेषांकाँ अर शिधा विभाग  
तथा अकादमी प्रकाशनाँ में बराबर छै। रेकर्देन एमिया  
अर लीटर्च ऑफ इण्डिया व साहित्य सेवा संस्थान में  
संयम । आकाशवाणी पर अनेकूँ गीत कवितायाँ  
परसारित । अप छपियोड़ी पोथ्याँ तथा मरज्याँ में  
मेघदूत (राजस्थानी अनुवाद), कहल गी बोनी दाता  
(काव्य), दिनड़ो पेरी में आलो (टावर टोली ग गीत)  
गीतइली रा गुदवा (गीत काव्य) तन जावें नरसोट न  
जावें ( गीत काव्य), कुराँप गरीब ( भीमानन्दी-राज-  
स्थानी भाषानुवाद ) हैं ।

सुसुप्ती प्रकाशन—दिल्ली/मिडिया भवन

आकाशवाणी नया बजार, बीकानेर